

بعد السقوط

آرثر ميللر

«مارلين مونرو وبعد ها يجب
أنت يسقط العالم كله!»

AFTER THE FALL

By

A. MILLER

مقدمة

هذه المسرحية . .

الأحداث كلها تجرى فى عقل وأفكار وذاكرة كونتن ، وفيما
عدا مقعدا واحدا لا تجد على المسرح أى أثاث بالمعنى التقليدى
ولا توجد جدران . ولا توجد أيضاً أية حدود .
المسرح يتكون من ثلاثة مستويات ترتفع إلى أعلاها فى
مؤخرة المسرح بشكل منحني يبدأ من أحد جانبي المسرح وينتهى
فى الجانب الآخر .
وأعلى ما فى المسرح هو برج أحد معسكرات الاعتقال
الألمانية . . ولهذا المعتقل نوافذ واسعة تبدو كما لو كانت عيوناً
لا ترى . . فهى مظلمة . ومن هذه النوافذ تبدو أعمدتها الحديدية
وقد انشنت وبرزت إلى الأمام كأنها أهداب محطمة .
أعلى المعسكرين الآخرين توجد مساحات محفورة ، كأنها من
العهد القديم أو كأنها من العصر الحجري ، وكأنها بقايا سيول
بركانية . . ففيها فتحات وفيها كهوف .

والعقل ليس له لون ، وإن كانت كل ذكرياته واضحة
عندما تتحرك فوق هذه المساحات الحجرية الرمادية .
وعندما يتحرك الممثلون فإنهم يجلسون على أطراف هذه
المغارات أو الكهوف .
ومن الممكن أن يبدأ أى مشهد فى مساحات ضيقة ، وبعد
ذلك يمكن أن ينتشر فيستوعب أية مساحة على المسرح .
والممثلون يظهرون ويختفون فى التو واللحظة . . تماماً كما
يستحضرهم البطل فى عقله .
وليس من الضرورى أن يختفوا من المسرح تماماً . . والحوار
هو وحده الذى يبين لنا أى هؤلاء لا يزال موجوداً على المسرح
وأىهم ليس على المسرح .
والأثر الذى يعطينا إياه هذا التمثيل هو الحضور الداخلى
للعقل الذى يسائل نفسه ويكشف عن سطوحه وأعماقه .
فنحن نسمع وقع أقدام . وعندما يضاء النور الخافت ، نرى
الأشخاص يتحركون من بعيد . . ونسمع لهم همساً أيضاً . .
بعضهم يجلس فوراً . . وبعضهم يتحرك وحده .
وفى حالة انفصال عن الآخرين . . والحركة بطيئة . . ولكن
يجب ألا تبدو حاملة بأى حال .
واحد منهم هو كونتن . . . رجل فى الأربعين . .
يخرج من أعماق المسرح ومن بين هؤلاء الأشخاص . . اتجه
إلى مقدمة المسرح نحو مقعد .

هذا المقعد يواجه الجمهور ، ويسقط عليه ضوء يعزله تماماً
عن الظلام الموجود في المسرح .
كل الحركات تسكن على المسرح .
ويتقدم كونتن من المقعد ويصافح يد «المستمع» الذي إن
شئنا أن نجعله بدينا فلا بد أن يكون جالساً بعد حافة المسرح
نفسه .

الفصل الأول

كونتن : هالو . . الحمد لله الى شفتك ثانى أنا دلوقت كويس . . أرجو
إنى ما كونش ضايقتك . . أنا بس طلبتك علشان أقول لك :
هالو . . أشكرك على حضورك .

(ويجلس عندما يشير إليه المستمع أن يجلس)

أنا طلبتك عدة مرات . . السنة دى . . والسنة الى فاتت
كمان . . على كل حال أنا فقدت الدافع الى خلانى أطلبك . . أنا
ما كنتش متأكد أنا حا قول لك إيه . .

مش معقول أبداً . . الواحد يفضل يقلب ويدور فى دماغه و . .
والحقيقة طلبتك النهاردة فى نفس اللحظة الى فكرت فيك . .
علشان أنا قررت حاجة . . أنت عارف الواحد لما يفضل يلف
ويدور شهور طويلة حوالين حاجة ، وبعدين فجأة يلاقىها ومختار
يعمل فيها إيه . . يا ترى تقدر تدينى من وقتك ساعتين ؟ يمكن
ما اخدش منك أكثر من كده ، وإن كانت فيه حاجات كثيرة
خالص . . وأنا شخصيا أفضل . . إنى ما استعجلش . .
(يشرع فى التفكير . . ثم يعود كأن أحداً قاطعه فيستدير إلى المستمع فى دهشة) .

كلهم سقطوا

أنا سبت الشركة . . مش أنا كتبت لك جواب عن الحكاية
دى . . يجد . . أنا كنت متأكد إني لازم أكتب لك . . ده
حصل من ١٤ شهر . . بعد أسابيع من وفاة ماجى . .
أنا انسحبت من الشركة بالمره . . رغم أنى لا أزال مساهم
فيها . . لأن حالتى وصلت لدرجة ما أقدرش أركز تفكيرى فى أى
حاجة وحسيت إنى مشغول ليس بمصلحتى أنا وبنجاحى أنا . .
وماكانش باين لى أى هدف . . وكنت أندعش من تصرفى
ده . . هل أنا بأحاول أحطم نفسى . . انسحبت من عمل مهم
جدا لمستقبلى . . وأنا مش خايف قوى . . فأنا لسه عايش فى
اللوكاندة . . وباشوف بعض الناس . . وعمال أقرا شويه .
(يتسم) .

وبابص من الشباك . . ومش عارف أنا بابتسم ليه . . يمكن
علشان كل شىء انتهى . . وأنا بأحاول أستأنف العمل من
جديد . . على الرغم من أن الشعور ده كان عندى قبل كده ،
وما أقدرش أتخلص منه وأنا . .
(كأن أحدا قاطعه وفى دهشة)

بافتكر كتبت لك عن ده كله . . مش كده ؟ يمكن أنا بأحلم إنى
كتبت لك . . وأمى ماتت . . من أربع خمس شهور . . ماتت
فجأة . . وكنت فى ألمانيا فى الوقت ده . . ودى من الحاجات
الى أنا عاوز أكلمك عنها . . وأنا قابلت واحدة هناك وما كنتش
متصور إنها كانت تحصل مرة ثانية . . لكن كنا قريبين من بعض

خالص . . وهيه جايه الليلة تحضر مؤتمر . . هيه واحدة بتشتغل
في الآثار . . وأنا مش متأكد أنا عاوز اخترها ولا لا . . وفي
نفس الوقت عمل جنونى إذا كنت حاربت مرة ثانية . . لكن
أعمل إيه . . شوف حياتك . . وحياتى أكبر دليل . . وفي جيبى
وثيقتين طلاق . .

(يقف ويتحرك ويفكر)

أقول لك بصراحة . . أنا خايف شوية . . من اللى حاعمله لها . .
وياريت أقدر أقول بصوت مرتفع كل اللى بيدور فى رأسى وأنا
لوحدى . . مثلا :

(يجلس مرة أخرى وينحنى إلى الأمام)

أنت عارف . . كل مافكرت . . ستين وستين . . فى حياتى ألاقىها
عبارة عن قضية فى محكمة . . سلسلة طويلة من الأدلة
والبراهين . . وأنت صغير تحاول تبين لنفسك انت قد إيه شجاع
وقد إيه ذكى . . وبعدين تحاول تبين انت قد إيه محب مخلص . .
وبعدين أب طيب . . وبعدين عاقل وقوى . . وبعدين تبين إنك
إيه وإيه . . وورا ده كله عندى إحساس إنى زى ما أكون
طالع . . ماشى فى طريق على . . وربنا لوحدده هو اللى يعرف إذا
كان حينتهى ببراءتى أو بإدانتى . . قضية على كل حال . . وأنا
بيتهألى إن الكارثة بدأت لما فى يوم من الأيام بصيت لفوق
ولقيت المنصة خالية . . مفيش قضاة . . وكل اللى فضل لى هوه
مناقشات مالهاش أول ولا آخر مع نفسى . . مرافعات مالهاش

معنى قدام منصة خالية . . ده اسمه اليأس طبعاً ممكن يكون
أسلوب فى الحياة . . بشرط أنك تؤمن بيه وتختاره ، وتحتضنه
وتمضى فى حياتك بعد كده . . لكن اللى حصل عكس كده . .
اتهيأ لى أننى تعلقت . . فى انتظار شىء أو من به . . والأيام
والشهور والسنين ماشية وراء بعضها . .
(لحظة صمت)

ومن كام أسبوع حسيت بشىء غريب . . فعلى الرغم من كل
الظلام اللى حواليه فإننى كل يوم الصبح ألاقى نفسى مليان
أمل . . أفتح عينى على كل حاجة كأننى شاب . . بيتهيأ لى كأن فى
الجو شىء . . كأن فى الهواء أمل . . وأنط من السرير . .
وأحلق . . وماقدرش أستنى لما أخلص الفطار . . وبعدين الشىء
ده يدخل الأوضه . . وفى حياتى . . وفى الضياع اللى فى
حياتى . . وأقول لنفسى لو كنت أقدر أمسك الأمل ده وأعرف
هوه متكون من إيه . . وبااقضى عليه بكذبه . . بااخليه
بتاعى . .

(وتظهر فليس فى الضوء . . تجلس على الأرض وقد ارتدت سويتروجيب) . .
فليس : أنا بس لقيت نفسى ماشيه كده ، قلت وليه ما اكلمهوش . .
فاكرنى ولا لأ ..

كونن : (وهو يواجه المستمع ملقياً نظرة عليها . .) بالصدفة قابلتها فى الشارع
الشهر اللى فات . . وحكمت لها بالطلاق من كام سنة . . وعلشان
كده هى عارفانى . . وكان بقى لى زمان مفيش فى حياتى

- واحدة . . وهيه كانت عاوزه . .
- فليس : أبداً . . أنا بس كنت عاوزة أبقي قريبة منك . . أحب وشك . .
 وشك فيه حنان . . فافكر لما كنا في مكتبك . . وجوزى كان
 رافض يمضى ورقة الطلاق . . ؟ كنت عاوزه أقول لك كده . .
- كونن : (يتحدث إلى المستمع) كل شيء أبص له أشوف في نفس الوقت
 نهايته . .
- فليس : وأنت شفت إنه كان دائماً تصرفاته عيالى معايا زى ما يكون طفل
 عنيد ولما انت كلمته لقيته عاوز يعمل راجل وعنده كرامة . . وأنا
 كمان حسيت زى ما اكون واحدة ست ناضجة وأقسم لك إننا لما
 خرجنا من مكتبك اتبهاى إني أنا حبيته . . وطلب منى حاجة لما
 بقينا في الشارع . . أقول لك إيه هيه ؟ ولا انت عارف . .
- كونن : أنا خايف إن ده كله مالوش هدف . . مش عارف أنا إيه اللي
 خلاني فكرت فيها . .
- يتوقف ولكن لا يزال يوجه حديثه إلى المستمع كل اللي طلبه منها
 إنها تدخل معاه السرير لآخر مرة .
- فليس : وأنت عرفت منين . . ؟
- كونن : (فوجئ بها لكن يرد عليها بقوله) : لأنه من الصعب الواحد يشوف
 موت الحب ويسيه ويمشى .
 (ثم يستدير ليواجهها)
- فليس : تفتكر كان لازم ؟؟
- كونن : وإيه الضرر ؟؟

فليس : هو ده الى أنا اندهشت له . . هيه دى مش حاجة غريبة إنها تحصل فى نفس اليوم الى اطلقنا فيه . . أنا كنت عاوزة إن الطلاق ده يبقى له معنى . .

كونن : يا حبيبتي ما تقدريش ماتحببش الراجل الى أنت حبيبته . . الكره ما يقدرش يمسح الحب .

(تظهر لويز تمشط شعرها وماجى مجلس على أعلى مستويات المسرح . . ويبدو تنفسها مسموعاً ويصبح هو أكثر حركة واضطراباً ويتجه إلى المستمع)
مش فاهم إيه الى خلانى أقول الجمل الغبية دى . . أما مش مصدق كل ده . . كل الستات الملعونة ديه جرحونى . . ماتعلمتش حاجة منهم . .

(وتظهر هولجا تحت البرج وفى يديها باقة من الزهور)
هولجا : تحب تشوف سالزبورج ؟ تفتكر بيعزفوا الليلة أوبرا الناي السحرى . .

كونن : (يواجهها . . لحظة صمت . . ويستدير إلى المستمع . . تختفى هولجا وماجى ولويز) . .

هيه دى . . مش عارف أنا حاجيب للبنت ديه إيه ؟ أنا مش عارف إيه الى أنا باعتقده فى حياتى ؟ . . إيه ؟
(ويتجه إلى فليس)

فليس : أنا مابانكرش إنه كان بيعبىنى وكنت أتمنى أن احنا نتوه فى الصحراء أو أى حته ونصرخ ونعض بعض . . وبعدين نمشى فى اتجاه أى حاجة . .

كونن : أهو دلوقت انت تايهه مش كده ؟ . . عايشة لوحده . . بتسيبي السرير من غير ماتوضيه . . وبتاكلي سندوتش الساعة تلاته الصبح . . وبتنامي مع اللي يعجبك . . هل انت ماشيه في اتجاه أى حاجة ؟ .

فليس : بيتيألى كده . . أنا حاسة إني دلوقت كويسة . . يعنى رقاصة كويسة . . ودايماً أحس إني أنا حرة لما ارقص . . ودايماً مبسوطه وبافكر وانا سعيدة . . وباطير من على الأرض . . وفي أوقات كثيرة بيتيألى إن حياتي بالضبط زى ما تخيلتها . .
(وتختفي بعيداً وهي ترقص)

كونن : أهو ده الموت . . الموت بالمعنى ده . . أنا متأكد إن أملها حقيقي بالنسبة لها . . لكن أنا أقعد هنا أفكر في اليوم اللي برجليها تفقد شبابها . . واللى جسمها مايقدرش يتابع أفكارها . . أنا عارف إن كل شىء نهايته الموت فليه أدور عليه ؟ وفي اليوم الثاني رجعت ليه بالليل ويمكن دخلت حجرتي وهجمت عليه بشدة وحسيت إن إيماني بالحياة ضعيف . .

(تظهر فليس وقد ارتدت بالطو وتبدو كما لو كانت في حالة هيام شديد . .)
فليس : أنا حطيت الرباط على مناخيري . . انت مشغول . . انت مشغول ؟ الدكتور شال الرباط لكن أنا حطيته تاني أنا عاوزاك تبقى أول واحد . . عندك مانع ؟

كونن : لأ . . لكن اشمعنى أنا ؟؟
فليس : علشان فاكر ليلة ماجيت هنا كنت باحاول أفكر وأقول لنفسى :

يجرى إيه لو أنا غيرت شكل مناخيري . . إذا كان ده هو اللي بيني
حياتي أو يهدمها . . ما دام الواحدة حتبني كل شيء . . على
كده . . انت مش ضرورى تجاوب على أى حاجة . لكن انت
كنت عاوزنى ليلة ماجيت لك هنا . . مش كده ؟

كونتن : أيوه . .

فليس : أنا عارفه . . وانت كنت بتسمعي وماحاولتش تضحك عليه
وحسيت إنه ماكانش مهم أبداً شكل مناخيري . . قصيرة
أوطويلة . . أوريها لك ؟؟

كونتن : ياريت أشوفها . .

فليس : طيب غمض . .

(يغمض عينيه فترفع الضمادة من على أنفها !)

فليس : شوف بقى . .

(ينظر فترفع ذراعها وهي تباركه)

أنا دائماً بادعى لك . . دائماً

(ويستدير على مهل إلى المستمع بينما تمشي هي في الظلام)

كونتن : يمكن هو ده . . هي . . مالهش أهمية بالنسبة لى يعنى جت

كده . . ويجوز أنا بالنسبة لها حاجة مهمة فى حياتها . . ويمكن أنا

زى مرايا بتشوف فيها نفسها حاجة عظيمة . . والحقيقة أنا كانت

تعجبني مناخيرها الأولانية أكثر . .

(اثنان من المشيعين يحملان نعشاً . .)

ويبدو أن من بعيد زى ما تكون جنازة أمى . . أنا لسه سامع

صوتها فى الشارع على وحقيقى وبينده لى . . هيه مدفونة تحت
الأرض دلوقت . . لكن مش باين إنها ميتة قوى بالنسبة ليه . .
والترب الى شفتها عاملة زى ما تكون أرض مدفون فيها مرايات
كل واحد بيشفوف فيها نفسه . . أنا ما اعرفش إزاي أحزن على
حد . . أو يمكن فيه شىء من الجفاف يمنعنى . .

(تظهر هولجا على المسرح وفى يديها باقة الزهور)

ولاً يارب كان لازم أعيش لوحدى . . ولا أنا مباعتمدش إن
الحزن ما يبقاش حزن حقيقى إلا إذا قتل . .

(أخو دان يظهر وهو يتحدث إلى الممرضة وتخفى هولجا) .

ولما رجعت قابلت أخويا فى المستشفى

(وتسرع الممرضة بالخروج وأخوه دان يتحدث إلى الفراغ)

دان : أنا مبسوط الى انت جيت هنا . . الحقيقة ماكنش لازم أبعت
لك تلغراف . . لكن ماكنتش عارف أعمل إيه . . الرحلة كانت
كويسة . . ؟

(يظهر أبوه آيك وقد تغطى ببطانية وإلى جواره ممرضة تخدمه)

آيك : هما دول الى فى الصالة ؟ أمال مراتى فىن . . ؟
كونن : (مخاطباً دان) يعنى الحل ايه ؟ هيه ماتت وهو لازم يعرف
آيك : مايدخلوش ليه ؟ أمال بنتى فىن . . ؟
دان : (مخاطباً كونن) النهاردة الصبح بس اتعملت له عملية ، إزاي
تدخل وتقول له مراتك ماتت . . ده بالضبط زى ما نقطع

ذراعه . . إيه رأيك لو نقول له إنها جاية فى السكة . . وبعدين
نديله حاجة مهدئة . .

كونن : لكن هيه تخصه أكثر منا . . مش كده ؟ بعد خمسين سنة الواحد
يبقى مديون للثانى بعمره .

دان : كانت ايده اليمين ومن غيرها يقع من طوله . .

كونن : أنا مش من رأيك . . افكر إنه حيستحمل لأنه جامد .

(دون توقف ومتجهاً إلى المستمع)

هو أخويا ده اللى بيعبد أبوه . . دلوقت فجأة كل واحد مننا أخذ
مكان الثانى زى العيال لما يلعبوا أنا مش عارف أبداً أنا إيه
بالنسبة لأى إنسان ؟

دان : (كأنه اتخذ قراراً) ياللا بينا ندخل . .

كونن : انت عاوزنى أقول له . . ؟

دان : (كأنه لا يريد ولكنه فى نفس الوقت خائف وبشئ من التحدى) .
أنا حاقول له . .

كونن : أنا ما اقدرش . .

دان : (وقد استراح) طيب إذا ما كانش يضايقك أنا حاقول له . .

(يتجه الاثنان ناحية آيك وهو فى سريره ولم يرهما بعد ويقتربان تحت وطأة هذا
النبا الثقيل)

كونن : إنها تخصه . .

(ويتوقفان بالقرب من سرير الأب . . وينظر هو إلى المستمع) .

يمكن لأنى أقسى منه شويه . .

(تنظر إليهما الممرضة وتتجه إلى أعلى المسرح وتقف هناك تعد حقنة ويبراهما

الأب آيك .. ويرفع ذراعيه إلى أعلى)

آيك : أوه .. دا أنا كنت فاكرك فى أوربا ..

كونن : لسه راجع .. إزاي صحتك ؟ ؟

دان : إنت باين عليك إن صحتك كويسه أوى يا بابا ..

آيك : تقصد إيه باين عليه ؟ ما أنا كويس وأقدر أرجع شغلى تانى ..

(ويضحكان معه)

أنا باتكلم جد .. ولما الدكتور قالى إني لسه تعبنا قلت له اسمع ..

إذا كان ده يضايقك نام ، أنا أعمل لك عملية .. ده راجل

ظريف .. أنا كنت فاكرك إنك حتقعد كام شهر بره .

كونن : (بتردد) أنا قررت أرجع و ..

دان : (يقاطعه وبلهجة غريبة) اخنى جايه هيه تحت بتشتري حاجات ..

آيك : طيب كويس أقول لكم حاجة البنت ديه طالعه لأمها كل يوم

بتيجي هنا .. أمال أمكم فين أنا طلبتها فى البيت ..

(لحظة صمت)

دان : لحظة واحدة يا بابا .. أنا عاوز أقول لك ..

(وفى حالة جنون ينادى الممرضة ويتجه إليها .. بينما يتطلع كونن إلى أبيه ..)

انت يا آنسة تقدرى تطلبى محل الهدايا وتسألنى عن أخنى ..

آيك : يا دان تقدر تقول لها تجيب معاها شوية ثلج علشان لما ماما ترجع

ناخد لنا كأسين .. أنا عندى زجاجة فى الدولار .

(موجهاً كلامه إلى كونن عندما يقترب دان ..)

اسمع يا بنى أنا حابى شباب . . أنا طول النهار من ساعة ما قمت
من النوم بافكر فى الحكاية دى . . ويظهر أمك معاها حق لأنه
ما دام الواحد عجزيق مش لازم يعمل زى العواجيز . . قصدى
إن احنا لازم نسافر نتفسح . .

كونن : بابا . .

آيك : إيه ؟ بدلة جديدة ديه ؟؟

كونن : لأ ديه قديمة . .

آيك : (وقد تذكر مشيراً إلى دان وهو يتحدث عن الممرضة . .) قول لها تجيب

كبايات احنا عاوزين كبايات أكثر . .

دان : (يمجد نفسه مضطراً إلى أن يستدير ليخرج)

كونن : اسمع يا بابا . .

(يتوقف دان ويستدير ناحيتها . .)

الأب : (وهو لا يتوقع شيئاً بالمرّة . .) إيه ؟؟

كونن : ماما ماتت

(ممسكاً يد والده . . تنقلص يد الأب ويشعر كأنه طعن فى بطنه وترفع ذراعه

اليمنى وتفلت منه صرخة) .

جت لها سكتة قلبية وهى راجعة البيت امبارح بالليل . .

آيك : أوه مش معقول . . مش معقول . .

كونن : (ممسكاً ذراعه مرة أخرى) ماكانش عاوزين نقول لك . .

آيك : أوه مش معقول . . مستحيل . .

دان : ماكانش ممكن نعمل أى حاجة يا بابا . .

- آيك : (يضرب كفا بكف . .) مستحيل . . مستحيل . .
- كونتن : (ممسكاً يد والده) اسمع يا بابا . . شد حيلك . .
- آيك : (تنفسه عميق ويتلوى على فراشه محاولاً النهوض ورأسه يدور كأنه يبحث عن زوجته) مستحيل . . مستحيل . . مستحيل . .
- دان : اسمع يا بابا . . مش كده اجمد وشد حيلك . .
- آيك : ده شىء فظيخ . . ما اقدرش آخذ بالى من نفسى . . أنا عارف إنها كانت بتتعب . .
- كونتن : ديه مش غلطتك يا بابا . . ده ممكن يحصل لأى حد .
- آيك : دى كانت قاعدة هنا . . كانت هنا . .
- كونتن : (ويكى مخفياً وجهه بين يديه بينما يضع كونتن ذراعه حول أبيه) .
- كونتن : يا بابا . .
- آيك : (ويمسكه كونتن بذراعيه ويقترّب دان ليشاركة ويدع يده على كتف أبيه) .
- آيك : يا أولادى . . دى كانت ذراعى اليمين .
- دان : (ويدفع ذراعه ويبدو كأنه فقد السيطرة على نفسه . .)
- دان : احنا موجودين يا بابا . . وحنخلى بالننا منك . . وماتشلش هم يا بابا . .
- آيك : لا أبداً أنا كويس دلوقت . . ربنا أعلم إني أنا دلوقت أحسن . .
- آيك : (ويسكتون بينما يظل هو يهز رأسه . .)
- آيك : هيه فين دلوقت . .
- كونتن : هناك . .
- آيك : (يهز رأسه وينفخ) أوف . . ف . . ف . .

كونتن : ماكناش عاوزين نقول لك . . لكن كان لازم برضه تعرف . .
آيك : أيوه كان لازم . .

(ويرت على يد كونتن وهو يتطلع إلى دان)
أنا متشكر . . أنا حابقي . . أنا حابقي كويس . .

كونتن : أيوه شد حيلك يا بابا . .
آيك : ده حيخليني أقوى من كده . .
(دون أن يخاطب أحداً منها يستغرق في البكاء ويعض على شفتيه ويهز رأسه . .)

كان معاها حق . .

(وينطفىء النور ويختفي هو ودان في الظلام . . بينما يتجه كونتن ببطء إلى المستمع . .)

كونتن : أنا فخور بأني ماخدعتش أبويا . . لكن تضايقت . . مش عارف
يمكن هو أخذها قضية مسلمة وإن أنا حزنت على أمي . . وهو
موتها يخليني أحزن . . عمري ما فكرت إن ده حزن وإن كان أملي
إني أحس بالحزن (ويظهر الضوء بالتدريج داخل برج معسكر الاعتقال)
وبعد كده بكام شهر راح سجل اسمه وأعطى صوته في
الانتخابات . . يعني موت أمس ماموتوش رغم الدموع الكثيرة
اللى نزلت من عينيه . . أنا موش عارف أنا عاوز أوصل لإيه مش
عارف إيه العلاقة بين كل ده في اللحظة ديه . .

(يفاجأ بالضوء الشديد المنبعث من البرج . .)
زرت أحد معسكرات الاعتقال في ألمانيا . .

(وعندما يتجه إلى البرج تظهر فليس رافعة ذراعها وهي تباركه . .)

فليس : غمض عينك . . هيه ؟

كونن : (مضطرباً من ظهورها فجأة) مش فاهم البنت ديه لازقه فى دماغى
ليه . . ؟ أيوه غمضت . .

(وقد انجبه ناحيتها)

هيه قدمت ليه حاجة . . بيتيألى قدمت لى شوية حب . . وحتى
إذا مابادلتهاش الحب ده وحتى إذا الحب ده ماغيرنيش أهو كان
عامل زى هدية تيجى للواحد من غير ما يطلبها من حد . .
فليس : حافضل طول عمرى ادعى لك . .

(وترفع ذراعها وتمشى فى الظلام . .)

كونن : ولما مشيت عملت حاجة غبية مافهمتهاش . . كان فى حجرى فى
اللوكاندة مفتاحين للنور ولأول مرة لاحظت أنهم موجودين . .
يعنى وبعاد عن بعض . . وفجأة لاحظت إن إذا وقفت بينهم . .

(وقد فرد ذراعيه)

أقدر أطول الاثنين . .

(وقبل مايفرد ذراعيه تجلس ماجى وتنفس بصوت مرتفع وتسقط ذراعه إلى
جواره وهنا تتجه ماجى إلى الظلام).

يمكن أرجع لها تانى . . لكن دلوقت مش قادر . .

(وهنا تظهر هولجا وهي تنحنى لتقرأ شيئاً مكتوباً على الحائط فى إحدى غرف

التعليب . .)

أيوه مع هولجا دى . . هيه خدتنى هناك . .

هولجا : (وقد انجھت إليه) ده وصف عام . . مافیش مانع أترجم لك . .

(تنجھه إلى الكلام المكتوب فيقترب منها . .)

فی المعسكر ده مش أقل من مائتين ألف هولندی وبلجيکی وروسی - وفرنسی - ودانمرکی . . کلهم أسرى حرب . . وکلهم قتلوا . . وکمان ٤٢٠٧ من اللاجئین من الجيش الجمهوری . . من الجيش الجمهوری الأسبابی . . والباب الی علی الشمال ده بتاع حجرة التعذيب الی اتخلعت فیها أسنانهم الذهب . . وساح فیها دمهم وأحياناً بدل ما یضربوهم بالنار كانوا یخنقوهم لحد ما یموتوا . . والأرض الی علی اليمين كانت للملذات . . ییاخذوا فیها الأسرى من النساء . .

کونن : (وقد لمس کفها) أفتکر ان کفاية علیکی کده . .

هولجا : إذا كنت عاوز تشوف الباقي . .

(وتبکی فی صمت وتمضی بعيداً . .)

تعال إذا كنت عاوز تشوف ماعندیش مانع . .

کونن : (وقد أمسک ذراعها)

تعالی نمشی یا هولجا . . مناظر الغيطان هنا جميلة . .

(ویمشیان ويتحول الضوء إلى نهار)

هنا الحشیش ناشف . . تعالی نقعد علیه . . (ویجلسان فی صمت)

أنا كنت بافتکر إن نهر الدانوب دائماً أزرق . .

هولجا : بیتھیالی إن الفالس بس هو الی بیخلى لون نهر الدانوب جنب فیينا

بیتغیر . . یمکن احتراماً لشتراوس . .

- كونتن : مش عارف إيه اللي خلاني أفكر كده . . عندي صدادع هنا في دماغى . .
- هولجا : أنا متأسفة خالص . .
(تحاول النهوض بدهشة . .)
- كونتن : عندي أسبرين في العربية
(وهو يلمسها برفق . .) حنقوم حالاً بس أنا كنت عاوز أقعد هنا دقيقة بس .
- هولجا : (تحاول أن ترفع معنوياته) انت لسه عاوز تشوف سالزبورج
كونتن : أيوه . . أكيد . .
- هولجا : نفسى أوريّ لك بيت موزار والأشياء الجميلة اللي هناك . .
كونتن : (متجهاً إليها الآن) كان فيه حد تعرفيه ومات لك هنا . .
- هولجا : أبداً . . أنا بيتيألى إن الناس لازم تشوفها بس كده ومبقاش حد بييجى دلوقت مرة ولا مرتين . . جيت مع زملاء من الأجانب هنا . .
- كونتن : لكن إيه اللي يرجعك هنا ؟ أنا متيألى ده بيعذبك أكثر . .
هولجا : بافتكر إن الواحد مش عاوز يفقد صلته بالماضى حتى لو كان مخيف . . انت أول واحد أقابله من زمن طويل وألاقيه عاوز يتكلم في الموضوع ده . .
- كونتن : أيوه . . بس أنا أمريكيانى . .
هولجا : وفيه أمريكيان كمان . . الحقيقة أنا أول مرة زرت أمريكا بعد الحرب قعدوا يسألوني ٣ أيام قبل ما يسمحوا لى بالدخول . .

وكان مستحيل أشرح لهم إزاي الواحد يقعد سنتين في معسكرات
العمل الإجبارى وفي نفس الوقت من غير ما أكون شيوعية . .
كان عندى استعداد أرجع تانى . . لأنهم خوفونى . . وما
استريحوش إلا لما قلت لهم إنه كان ليه شوية قرايب فى حكومة
النازى . . شايف ماحدث بيتكلم عن الموضوع ده . . وماحدث
فاهمه فى الخارج . . زى ما تكون ١٥ سنة من حياتنا اختفت
بشكل جنونى علشان كده أنا مبسوط لما لقيتك مهتم بالموضوع
ده .

كونتن : (وهو ينظر إلى البرج) متيألى إنى أنا حاحس بالهوان والغضب
بالضبط زى ما واحد ييلع تراب من الأرض . . حاجة غريبة
(وتخفى وجهه يديها وتطلب منه أن يتمدد على الأرض)

هولجا : تعالى تتمدد هنا . . يمكن . .

كونتن : لا أنا . .

(وقد أبعد يديها . .)

أنا كاشف ياهولجا . . أنا مش قاصد أبعدك عنى . .

هولجا : (وقد تضايقت . .) أنا شايفه زهور فى التل البعيد ده . . حاروح
أقطف شوية أحطهم فى العريية . .

(وتعفى بسرعة)

كونتن : هولجا . .

(وتعفى إلى التل . . بينما ينهض ويلحق بها ويمسكها ويناديها)

هولجا . .

(ولا يعرف ما الذى سيقوله)

- هولجا : يمكن احنا قضينا وقت طويل مع بعض أكثر من اللازم . .
ويمكن نتقابل بعد كده فى فيينا فى يوم من الأيام .
كونن : أنا مش عاوز أخسرك يا هولجا . .
هولجا : أنا فهمت إنك مسافر قريب وماتوقعتش منك . .
كونن : لكن انت بتتوقعى حاجة . . كل الناس كده . . وانت مش من
النوع اللى تنام مع واحد فسحها شوية . .
هولجا : لأ طبعاً لأ . . أنا قررت من كام سنة إني أعيش لعملى . . وأنا
ما أشعرش بالضيق لما أكون لوحدى . . لكن كل اللى حصل
إنك لما كلمتنى حسيت بشيء من الألفة ما حستش بيه قبل
كده . . الحكاية مش حكاية اتجوز أولاً . . أنا ماشعرش بالخجل
من حياتى لكن لازم يكون ليه حاجة . .
كونن : لكن أنا مباديكيش أى حاجة . . قولى لى علشان اتقال لى
الكلام ده كثير . . لكن ما سمعتوش بالهدوء ده . .
هولجا : انت بتدينى الكثير جداً . . صعب علىّ أتكلم بالشكل ده . . أنا
مش من الستات اللى لازم يتأكدوا كل دقيقة . . من كل
حاجة . . النوع ده من الستات أنا أعتقد إنه غبى . .
كونن : احنا أصدقاء . . مش كده . . قولى لى يا هولجا . .
هولجا : لكن انت ما عندكش حاجة . . ويمكن ده هو اللى انت عاوزه إنه
ما ييقاش عندك حاجة . . وأنا أقدر أفهم ده من كل اللى حصل
لك فى حياتك .

كونتن : لأ مش كده يا هولجا . . مافيش أسخف من المغامرات وأنا كان
عندى كل الى أنا عاوزة . انت بتعيطى يا هولجا . . بتعيطى
علشانى . .

(ويدير وجهها ناحيته)

هولجا : أيوه . .

كونتن : (وقد ذهل) . خليكى شوية . . مش دلوقت أرجوك . .

هولجا : أنا مش عاوزة أعطلك . .

كونتن : وأنا كمان مش عاوز أنخسر شعورك ناحيتى . . وأنا باقول لك كده
علشان باثق فيكى . . وأقسم لك أنى مش عارف إذا كنت
عشت وأنا مؤمن بحياتى والشك بيربط لسانى لما بافكر فى أنى
أوعد حد مرة ثانية . .

هولجا : إزاي الواحد يتأكد من إيمانه إذا كان صحيح ولا لا . .

كونتن : (وقد اندهش) حاجة جميلة . . حاجة رائعة إنى أسمع منك كلام
زى ده . . كل الستات التى عرفتها كانوا متأكدين من كل
حاجة .

هولجا : إزاي الواحد يبقى متأكد بالشكل ده . .

كونتن : (وهو يقبلها بامتنان) انت ليه دائماً بترجعى للمكان ده !

هولجا : (صمت يظهر عليها الاضطراب والارتباك) يمكن علشان ماموتش
هنا . .

كونتن : (يتجه بسرعة إلى المستمع) إيه ؟

هولجا : ويمكن الكلام ده مالوش معنى . . لكن أنا حقيقى مش عارفه . .

كونتن : (يتجه إلى المقعد) إن الناس . . إيه ؟ عاوزه تموت من أجل الميت ؟
لا . . لا لا . . أنا ما أقدرش أفهم كده الناس الأحياء دول من
الصعب الواحد يحتملهم لكن أنا ما افتكرش إني باحس كده . .
(تظهر ماجى على السرير فى أعلى مستويات المسرح وتنهّد بصوت مرتفع
ووجهها ما زال لا يمكن تمييزه وفى نفس اللحظة يستدير عندما يخرج صوت بيانو
وسيدة هى أمه)
على الرغم من أنى بافكر فى أمى دلوقت . . أمى اللى ماتت
(ويتجه إلى هولجا . .)

هولجا : يمكن الميتين بيضايقوها . .
كان فى أيام الحرب وأنا خرجت من الفصل وكان فيه منشورات
وصورة لمعسكرات اعتقال . . رموها المخابرات الإنجليزية . .
الناس بتقول إنهم الإنجليز وأنا ماكانش عندى فكرة . .
حقيقى . . ومش من السهل الواحد يخون بلده خصوصاً فى
الحرب . . هل الأمريكان كانوا ضد أمريكا بسبب هيروشيا ؟؟
وأنا أخذت المنشور وأعطيته لواحد قريبنا فى المخابرات وسألته إذا
كان المنشور ده حقيقى . . فقال لى طبعاً . . وده مضايقتك فى إيه
يعنى ؟ فشتمته وقلت له انت خنزير كلكم خنازير . . ورميت
شنطتى فى وشه . . وفتحها وحط فيها شوية ورق . . وطلب منى
أوصلها لعنوان معين . . وأصبحت بالشكل ده البوسطجى
للضباط اللى كانوا بيتآمروا لاغتيال هتلر وكلهم انشقوا . .
كونتن : اشمعنى انت ؟

- هولجا : لأنهم ما اعترفوش عليه
- كونن : آمال ليه بتقولى إن الواحد مش متأكد من حاجة ولا من حد ؟
- هولجا : أنا برضه ما عرفش ومش قادرة أعرف ومش قادرة أتخيل إزاي ماعرفش . .
- كونن : يا هولجا أنا أبارك الشك اللى عندك . . يمكن ده السبب فى السعادة وأنا معاك لأنك مش عاوزه تدورى على انتصار معنوى . . سامحيني أنا مش قصدى أن أرجعك للماضى المؤلم . .
(ينظر إلى البرج)
- هولجا : المكان ده بيخوفنى . . مش عارف إزاي . . مكان كله فاضى . .
حاروح أجيب لك شوية زهور ويمكن نقدر نشترى شوية جبنة وتفتح وناخد راحتنا فى العربية . .
(وتذهب لقطف الزهور . .)
- كونن : وتسامحيني
- هولجا : (تتجه إليه وقد بدا عليها الحب والهام وتسرع . .) أيوه . . حالاً حارجع ونمشى على طول
- كونن : (ويقف جامداً لحظة ويضايقه منظر البرج عندما تتغير ألوانه ثم يخاطب المستمع . .) ولكنه فاضى دلوقت . . والحقيقة إن المنظر من هنا ريفى ، والجدران اللى من الحجر دافية فى الشمس وهاويه . . أنا كنت متصور إنه مخيف أكثر من كده . . قبل ما أروح الجامعة كنت باساعد البنانيين سنوات طويلة وعارف إن مشكلة إن الواحد بينى جدران عالية زى ده على أرض رملية . . مش فاهم

إزاي الواحد يجرؤ يفكر في حاجة زى دى . لازم حفروا الجدران
ديه عشرة متر لتحت كمان . . على الأقل عشرة . . أنا عارف . .
لكن ماكتتش افكر أبداً إن الحجارة منظرها عادى بالشكل ده .
(ويلتفت إلى الناحية الأخرى)

ليه أنا باعرف حاجة هنا . . المكان ده على الرغم من إنه فارغ
وفاضى . . لكن له وجهه ، ووجهه بيسألنى . . إيه اللي بتعتقده
صادق زى ده . . أيوه صحيح . . أيوه صحيح . . الناس اللي
بيعتقدوا في حاجة هما اللي بنوا ده . . ويمكن ده مصدر
الخوف . . وأنا اللي ماباعتقدش في حاجة منزوع السلاح أقدر
أتخيل العربيات والدبابات وهيه طالعة ونازلة فوق التل وأنا جوه
المعسكر ده . . ماحدث يعرف اسمي لكن حيدشدشوا دماغى على
الأرض المسلحة . . ومافیش شكوى ولا فيش معجزة تنقذنى . .
(وهنا تظهر أمه في نفس الوقت الذى يبدو كفنها في أعلى المسرح)

الأم : كفاية كحك يا حبيبى حيقى فيه أكل كتير في الفرح
(وتنادى في أعلى المسرح)

اديله حته صغيرة . . بس مش صغيرة للدرجة ديه . .
كونتن : ماما . . حاجة غريبة . . والجريمة . . ولا راحتها هيه اللي جابتها
في المكان ده . .

الأم : ماتخليش المكوى سخنة وانت بتكوى قيص جوزى .
(وتتجه فجأة إلى طفل لا يرى . .)

أنت حتلبس الليلة شراب طويل . . مش عاوزه كلام الليلة . .

أنت حتروح فرح أخويا ومش عاوزه شرابك يتدلدل على
الجزمة . .

كونتن : (شرع في الضحك ثم توقف . .) مش عارف أنا ليه مش حزين
عليها . . في الوقت اللي هولجا بتعيط علشانى . . ليه مش قادر
أعيط ، ليه عندى شعور بالتفاهم مع المجزرة البشرية ديه . .
(تظهر فليس ترفع ذراعها)

الأم : أنا مش فاهم مفروض أبقي إيه بالنسبة لغيرى . . أنا ما اعرفش إن
فيه زفاف في العيلة مش قادر أبلعها مش قادر أفهمها . .
(وقد تحولت ضحكتها إلى شرمير . .) يا اخواتي ليه كل فرح في العيلة
ديه يبقى كارثة . . لأن البنت حامل وماعندهاش فلوس وغيبة . .
والفرح ده برضه كده . . خمسة من الشبان الحلوين . . واحد
بعد الثانى مش فاهمه بيلاقوا الستات ديه فين . .

كونتن : (يرقبها وهو جالس) مش فاهم إيه علاقة ده بمسكرات الاعتقال
الأم : آل إيه وعاوزه جوانتى ضيق . . بتستعبط مين هيه . . علشان كده
عاوزاك لما تكبر تتعلم إزاي تصدم الناس وتخيب أملهم . .
وخصوصاً الستات . . اوع تنسى . . انت راجل . . والراجل
قدامه كل حاجة . . بس ما تلعبش بالكبريت دلوقت . .
(وتضرب بيدها على طفل لا نراه . .)

أحسن تبل هدومك . . أنت ليه مش بتكتب بالقلم بدل
ما خطك عامل زى نكش الفراخ كده . .

كونتن : (يهرأسه وينظر إلى البرج . . ويظهر أبوه فجأة . . وتليفون غير مرئى فينهض كونتن . .)

الأم : أمال فين أبوك . . إذا راح ونام فى الحمام التركى مرة ثانية أنا . . (كونتن يتحرك فى اتجاه أبيه كأنه يريد أن يسمع ما يقوله فى التليفون مشيراً إلى أمه أن تسكت . .)

أنت بتتكلم على إيه ؟ أنا مابطلتش سؤال فى كل الحمامات التركى ليلة جواز أخويا . . ما بيهمكش . . أبوك ما بيتضايقش من حاجة . .

(وتضحك بينما يكون كونتن قد اقترب من أبيه ويحملك فيه . .)

الأب : ابعث تلغراف بسرعة . .

الأم : نفس الحكاية . . ؟

كونتن : هس . . اسكتى . .

(يقترب من أبيه يريد أن يسمع ما يقوله)

الأب : لا . . لا حملتها ٦٠ ألف طن . . أيوه . . أيوه . .

الأم : انت مش لازم تضحك عليه . . ده راجل عظيم . . وإن كان

يعنى فى بعض الأحيان يطلع الواحد من هدومه . .

الأب : أيوه ابعث تلغراف كمان وحول الشحنة لميناء تانى

الأم : بتسألنى على زفانى؟؟ كانت ليلة وكنت فيها فى غاية السعادة . .

(كونتن يتجه ناحيتها) شوف أبوك لحد النهاردة لما يدخل حجرة . .

يخليك تحس إنك عاوز تنحنى له . . أنا حاجة ثانية مش زى

اخواتى البنات كل يوم الواحدة منهم ترجع البيت وتقول يا ماما

أنا بحب . . . بتحب ايه . . . وبتحب مين . . . كل حاجة
بيقولوها . . . لكن أنا قبل ما اتجوز أبوك ماسمحوش ليه إني
أشوفه . . . لحد أبوه وجدته ما وافقوا . . . والسبب هو أني أنا قررت
إن واحدة بس مننا ماتكسرش قلب أمها . . . انت بتقول ايه طبعا
حببت أبوك . . .

(وفى حرارة)

كان بياخذنى المطاعم . . . أول ما واحد منهم يشوفه يبقى على طول
يزحزح التراييزات . . . ولو شاف على التراييزة كباية مش نظيفة على
طول يخرج . . . ولما يروح السينما وفيه زحام حوالين الشباك على
طول يلاقوا له تذكرتين . . . ليه ؟ علشان عارفه إنه راجل . . . حتى
الدكتور جه فى فرحى وقال لى فى ودنى انت اتجوزتى راجل
عظيم . . . وأبوك كان دائماً بيحبنى . . . والدكتور ده أيامها كان لسه
صغير . . . وما كانش حيلته ولا ملهم . . . وأبويا ما كانش يخليه
يدخل البيت . . . ومين كان يتصور إنه حبيبي دكتور كبير بالشكل
ده . . . مسكين كان يجيب لى قصص علشان اقرأها ودواوين شعر
وكتب فلسفة وايه وايه . . . وفى مرة من المرات رحنا سرقة نسمع
مزيكة مع بعض . . . مزيكة رحمانينوف .

(ثم تضحك فى أسى بدهشة أكثر منها بمرارة ، وهنا يدخل الأب كما لو كان
يتحدث إلى ابنه كونه . . .)

الأب : تقدر تطلب لى المكتب على التليفون من فضلك ؟

(يقبل الأم على خدها)

- انت ايه الى خلاك تطللى الحمام التركى !
- الأم : اتهاى لى إنك نسيت الفرح بتاع الليلة ..
- الأب : ياريت ..
- الأم : (متجهة إلى أعلى المسرح) أنا مش عاوزه أتأخر ..
- الأب : ياستى مافيهاش حاجة لو اتأخرت نص ساعة مش حتولد ..
- الأم : بلاش غلبة .. دول اثنين بيعجبوا بعض .. فيها ايه يعنى ..
- الأب : كلهم بيعجبوا بعض على حسابى .. أنا بس الى ما اقدرش أحب إلا إذا دفعت .. أنا الى اتجاوزت عن حب ..
- (ويتجه إلى كونتن كأنه موجود ويتسم فى حوارة ..)
- هو إيه ، صدر قانون إن الأولاد ما تحلقش شعرها ولا إيه ..
- (ويخرج من جيبه قرشا)
- خذ امسح جزمته ..
- (للأم)
- أنا جاي حالياً روحى انت البسى .. (وفى التليفون)
- عملت إيه ؟ المحاسب لسه عندك ؟ طيب خلينى أكلمه ..
- كونتن : (وقد تنبه فجأة) انت لسه بتتكلم عن المحاسب ..
- الأب : ايه خلصت ؟ عملت إيه ؟ ايه الحكاية ؟ .. وصلنا لحد فين دلوقت .. ؟
- (كونتن يتجه إلى أمه وهى تصعد الدرج فى أعلى المسرح) الأسهم والسندات .. مش قادر ألاقى حد راضى يسدد الكمبيالات حيدونى فلوس ازاي ؟ مافيش فلوس لاهنا ولا فى لندن

ولا ألمانيا . . وما فيش شحنة ممكن تنتقل من أى حته . . البحر
فاضى . . ايه الحكاية ؟ وصلنا لحد فين دلوقت ؟ قول لى
بصراحة . .

(لحظة صمت . . الأم تنزل من أعلى الدرج وكذلك كونين يرقبها وتقرب الأم
من الأب وهو جامد فى مكانه استعداداً للعاصفة) .

: إيه الحكاية ؟ ايه اللى انت ناوى تعمله ؟

الأم

(الأب يقف مذهولاً يتحدث بصوت غير مسموع ويبدو أنها قد استمعت منه
إلى سلسلة من الأشياء صدمتها الواحدة وراء الأخرى . .)

انت بتقول إيه ؟ امتى الحكاية ديه بدأت ؟ وحتاخذ منها اد إيه ؟
انت اتجننت ؟ انت بيعت كل الأسهم ، والسندات ؟ كل ده ؟
ده انا اشتريت النهاردة بيانو جديد واشتريت طقم فضة من
أخويا . . ليه ماقولتليش قبل ما اعمل كل ده . . انت لازم .
قريت الجرائد . . حاعمل ايه . . مش قادر أسيب سحب
التأمين . .

الأب

(الأب يفقد بالتدريج توازنه ويفك زرار ياقة القميص)

يعنى انت خسرت كل حاجة ؟ يعنى اتخربت الدنيا ؟ حتى
أسهمى وسنداتى ؟

(تصرخ ويبدو الفزع على وجهها ويتحول إلى احتقان شديد) انت كنت
شايف كل ده وبرضه بترمى فلوسك ؟ انت معتوه . .

: أنا مايهمنيش أنا جيت البلد ديه ومامعايش حاجة .

الأب

: ياريتنى طنشت يوم ماشفتك . .

الأم

- (كأنه طعن مجلس مغميا عينيه حانياً رأسه . . .)
- الأم : ياريتنى عملت زى اخواتى. ماعملوا . . وماهمنيش أبويا
ولا أمى . . وفكرت فى حالى . . ياريتنى هربت من الأول . .
- الأب : هس . . اسكتى لحسن العيال يسمعوننا . .
(ضوء يفتح بالقرب منها فينظر إليه . . .)
- الأم : أنا لازم اتطلق . .
- الأب : العيال حينطوا من الشباك دلوقت . .
- الأم : مابقاش معاك ولا ملیم . . انت راجل معتوه . .
(وعندما يقترب منه يجد نفسه مضطراً للوقوف وينظر كل منها للآخر كأنها
غريبان . . .)
- كونتن : (وهو يتطلع للبرج) من غير أى سبب وحتى مايسألوكش اسمك
ايه . .
- الأب : (ينظر ناحية مصدر الضوء) فيه حد بيعيط يظهر كونتن هنا كلميه
انت . .
- (وهى تتجه إلى الداخل بشيء من التردد خطوة أو اثنتين وتقف . . .)
- الأم : ايه يا حبيبي؟؟ البس هدومك أحسن وما تعيطش . . كل
حاجة حتبقى كويسة .
(وتتوقف عن الكلام كما لو أن كونتن قد قال لها شيئاً) .
- أنا قلت ايه؟ أنت مجنون أنا ما أقدرش أقول لك حاجة زى .
دى . . أنا كنت فاكراك فوق وكنت متضايقه شوية . . بس
لكن ما أقدرش أقول حاجة زى دى . . أبوك ده راجل عظيم . .

(وتضحك)

مش معقول أقول حاجة زى دى عليه فاهمنى يا كونتن . .
(ويتلاشى الضوء بسرعة وتفرد ذراعيها كما لو كان قد اختفى وهى فى اتجاه
الضوء المتلاشى . .)

ولا قلت أى حاجة زى دى . .

(وهى تصرخ على شىء قد ضاع منها . .)

وحياتك يا حبيبى ما قلت حاجة زى دى عليه .

(وفى التو تظهر هولجا وراء البرج وفى يديها زهور وتبحث عنه . .)

هولجا : أنت فين يا كونتن . .

(بينما لا يزال هو يحملق فى أمه ثم يلتفت إلى هولجا وتراه هولجا وتتجه إليه)

شوف العربية من جوه حتبقى ريحتها حلوة قوى . .

كونتن : (يشم رائحة الزهور وهو شارد ويتطلع إليها) أنت بتحبينى مش كده . . ؟

هولجا : أيوه . .

كونتن : (متطلعاً إلى البرج) . . مابتحسيش لما تيجى هنا بشىء غريب زى

ما تكونى اشرتكت معاهم فى الجريمة دى ؟ .

هولجا : كل الناس اللى ما اتقتلوش مش ممكن نعتبرهم أبرياء مرة ثانية . .

كونتن : (وقد تريت قليلاً) لكن ازاي يا هولجا كل حاجة عندك لها هدف .

انت بتشتغلى جامد وبابن عليك مبسوبة وعندك أمل .

هولجا : أنا لما رحت أقطف الزهور فكرت إني لازم أقول لك حكاية . .

مرة فى غارة جوية فقدت ذاكرتى وقعدت امشى فى كل حطة

وسط الناس أدور على محباً . . وكل يوم كنت أهرب من الناس

المرمية فى السكك . . وفى ليلة حاولت أنط من كوبرى فى الميه .
وجه واحد عسكرى عجوز ومسكنى من هدومى وضربنى قلمين
ونخلانى أمشى وراه . . الراجل ده انكسرت رجله فى ستالنجراد
وكان زعلان جدا إنى عاوزه أنتحر ومشيت وراه فى ألمانيا أحاول
ألاقى أى دليل على أنى كنت إيه قبل كده . . وفجأة لقيت باب
ضخم عليه سقطة من النحاس على شكل رأس أسد . جريت
ونخبط وأمى فتحت الباب واتردت لى حياى واتدورت اطلب
من العسكرى إنه يدخل علشان أشكره وأقدم أى أكل واديله كل
اللى عندى . . مالفيتوش اختفى وقالوا لى إن ده كله خيال وانه
ماكانش موجود لكن لحد دلوقت بتجلى حالات تخلىنى أدور
عليه . . ياريت أشوفه . . حتى أسلم عليه . . أنا عارفه إنها حاجة
نظيفة جدا إن الواحد يبقى مديون بحاجة ما يقدرش يسدها . .
وبعد كده بوقت طويل جدا فضلت أحلم كل ليلة بحلم واحد . .
إن أنا عندى طفل وفى نفس الحلم أحس أن الطفل ده هو حياى
وإنه عبيط وكنت أعيط وكام مرة هربت لكن كل مرة أرجع تانى
ألاقى للطفل ده نفس الوش المخيف لحد ما فكرت مرة أنى نفسى
أبوسه . . ففهما كان شكله أهوفيه حاجة منى ويمكن بالشكل ده
أستريح . . وانحنيت على وشه المهدم وكانت حاجة مرعبة . .
لكن برضه بوسته .

كونن : ولسه بتحلمى بالحلم ده . .
هولجا : أحياناً . . على كل جال الميزة الوحيدة للحلم ده إنه بتاعى أنا . .

أنا متيألى إن الواحد فى الآخر لازم ياخذ حياته بايديه . .
ياالله بينا أنا متيألى إنهم حيعزفوا أوبرا النأى السحرى . . بتحب
النأى السحرى لموزار .

(وتمسك يده)

كونتن : (يقبلها)

أهم حاجة فيك إنك بتحكى لى حاجات مضحكة . .

هولجا : (تداعبه)

انت بتتريق على ؟

كونتن : ياالله بينا نخرج من الحتة دى . . حنروح فين ؟

هولجا : (تضحك)

سالزبورج طبعاً . .

كونتن : ياالله نتسابق نشوف مين يوصل العربية الأول . .

هولجا : (تضحك)

يا لالا . .

(وتستعد)

كونتن : يالالا

(ويستعدان للجرى عندما تختفى هى فى الظلام يعود كونتن إلى مقعده) .

كونتن : والله وحشتنى جدا ولحد دلوقت مش قادر أختم جواباتى لها بعبارة

مع حبى أوحبيك فلان . . إنما باختتمهم بكلمة المخلص مع

تحياتى . . وحاجات وعبارات زى ده الى الواحد بيهرب فيها من

الكلام المناسب . . الحقيقة أنا فقدت إحساسى بحاجات كثيرة

ضرورية . . يمكن السبب إني أنا عايش لوحدي . . لما بامشي في الشارع باشوف شبابيك ملايين الشقق منورة . . والله ما أنا فاهم إزاي أى واحد لما يرجع البيت يدخل أى باب . . معقول كل دول بيحبو بعض ؟ هو ده اللي يميز الناس بعضها عن بعض ؟ أنا ما افكرش كده إنما هو شىء من السذاجة . . وشىء من الإيمان العميق . . بأن كل حاجة مترتبة منتظمة بالنسبة لى سواء فتحت كتاب أو فكرت فى الجواز تانى . . فمن الواضح أن أنا باخترالى أنا باعمله وأن اختياري ده يقطع الخيوط اللي بين أيدي وبين السما . . يمكن ده حاجة سخيفة . . لكن أنا باحس إن أنا إنسان كافر . . وبافتكر الأيام اللي اتهيألى إن كان فيها خطة وتنظيم نازل من السما . . كان عندي ترايزة سفرة وزوجة وطفل . . والدنيا يتهددها المظالم اللي أنا اتولدت علشان أصححها . . فإكر لما كان فيه ناس طيبين وناس وحشين . . وكان من السهل إن الواحد يقول حكايات عنهم . . (ويشعربأن « الزى » تقرب وترتدى بونس بلاج على كتفها تظهر منه ذراعاها وتدير لنا ظهرها وتسوى شعرها فى مرآة لا تراها . .)

لحد أنا ما فكرت فى كل ده . . وربنا يعلم إني أنا لما بافكر فى اللي باعتقده بابقى عاوز أهرب . . (وينظر إلى الزى)

لكى ما كنتش صغير للدرجة دى . . لكن يمكن تقول إن الواحد زى واحد عندي (٣٢ سنة) كان لازم يعرف أن لما تيجي ضيفة عنده وتغير المايوه بتاعها فى حجرة النوم بتاعته . . (تتجه إليه الزى)

كلهم سقطوا

ويسقط البرنس من على إحدى كتفيها . .)

وألقاها واقفة قدامى بتبص لى بالشكل ده . .

الزى : انت ايه مش خلصت شغلك . . مش حتيجى تستحم دلوقت ده الموج هادى قوى . .

كونن : (يضحك فى ألم شديد ويتكلم بأعلى صوته . .) أؤكد لك إنها ما كانتش تعرف إنها عريانة بالضبط زى ما كانت حوا فى اللجنة . . لأنها كانت متجوزة . . ازاي واحدة ست تقدر تقول لك إن العازفين فى أوبرا بينشزوا . . واحدة ترفض تلبس الشرابات الحرير علشان اليابانيين فى منشوريا . . واحدة جوزها صاحى أستاذ عظيم فى القانون بيصحح أول قضية ليه أمام المحكمة العليا . . قاعد يقرأها على الحشيش الى بره ده تحت الشباك . . واقدر أشوف رأسه من هنا . . مش معقول . . طبعاً . . طبعاً أنا فهمت . . لكن مش المهم إني أفهم المهم هو الى أوافق عليه . . إن الواحد يوافق على الى يشوفه هو ده الى بيهدد مبادئنا . .
(مفروض أن الزى تغادر غرفتها وتتجه إلى لويز ، وكونن يتجه ناحيتها وهما يتهاوسان . . يقترب منها من الخلف . . يتوقف ويتجه للمستمع . .)
طبعاً انت عارف لما اتنين ستات بيتهامسوا ويبطلوا كلام فجأة لما يشوفوك . .

الزى ولويز : (تتجهان إليه فجأة بعد أن توقفتا عن الهمس) هاى . .

كونن : الموضوع لازم عن الجنس . . إذا كانت واحدة منهم مراتك يبقى لازم كانت بتتكلم عليك . .

الزى : (كأنما نحاول أن نقنعه بالخروج) جوزى قاعد بره بيقراً المرافعة بتاعتك
وييقول إنها رائعة . .

كونن : ده منتهى أملى . : أنا كنت قلقان وباقول يا ترى حيقول عليها
إيه . .

الزى : ياريتك تقول له كده . . أرجوك . . قول له قد إيه رأيه يهملك
يعنى . . دى حاجة مهمة جداً إنك تقول له كده . .
كونن : أنا يسعدنى . .

(ينظر فى حرج وهو ينقل عينيه بين لويز وبينها)

الجو كويس هنا مش كده ؟

الزى : يجن . .

(مصطحباً لويز إلى الداخل)

أنا باحسدكم انتم الاثنين . .

(زوجها يظهر واسمه (لو) إنسان رقيق يرتدى الشورت . . يقرأ فى ورقة فى

الصفحة الأخيرة من دوسيه مستغرقاً تنهض الزى وتوجه إليه . .)

عاوزه أمشى كمان شوية على البلاج قبل ما ييجى معاد القطر . .

سرحت شعرك النهارده !

لو : (يقفل الدوسيه) أفكر كده . . اسمع يا كونن المرافعة دى رائعة . .

دى مش مرافعة أبداً دى حاجة ممتازة زى ما تكون عمل أدبى

عميق . .

(وهو يربت على كتفى كونن عندما تخرج الزى)

أنا لى الشرف إنى اتعرفت عليه . .

- كونن : أنا اللي سعيد جدا . .
- لو : المرافعة دى حتغير حياتك كلها . . أقدر أطلب منك خدمة . .
- كونن : أيوه اتفضل أى حاجة . .
- لو : ممكن تديه لمراقى تطلع عليه ؟ أنا عارف إنه طلب غريب شويه . .
- كونن : أبدا . . أنا يسعدنى جدا . .
- لو : أكيد مراقى حتصاب بالرعب لما تعرف إن المحكمة استدعتنى مرة تانية . . انت عارف بقى العناوين الملعونة اللي حتطلع فى الجرايد . . أى لفطة باحترامى ، حقيقى حاجة مهمة جدا . . يعنى مثلاً أنا اديتها الكتاب بتاعى قبل ما يتطبع . . علشان تقراه . . وأجلت نشره شوية علشان أصلح الحاجات اللي قالت عليها . . يحوز التحليلات النفسية بتاعتها هيه اللي خلتها تقول كده . . لكن على كل حال ملاحظتها حادة جدا . .
- كونن : لكن أرجو إنك . . انت متأخروش أكثر من كده . . أنا أفضل إنك تنشر حاجة بسرعة علشان تورى الكلاب دول . .
- لو : (يتلفت وراءه) أنا كنت بافكر أنه لك علشان أكلمك فى الحكاية دى . . لكن ده كتاب علشان تلامذة المدارس . . ومراقى بتقول إنه حيكون بداية هجوم جديد عليه . .
- كونن : لكن دول حققوا وياك . . وحيعملوا فيك أزيد من كده إيه . .
- لو : مين عارف ؟ حملة تانية ويطلعونى بره الكلية ، المرة اللي فاتت صوت ميكى هو اللي أنقذنى . .
- كونن : حقيقى ؟ أنا ما كنتش عارف الحكاية دى ؟

- لو : ده ألقى خطبة رائعة فى اجتماع مجلس الكلية لما أنا رفضت أحضر الاجتماع . .
- كونن : أيوه دى أخلاق ميكي . .
- لو : لكن الزى شعورها إني لازم أنشر الكتاب وإن أنا عندى رغبة لاشعورية فى تحطيم نفسى وإني أنا إذا ركنت الكتاب دلوقت أكون بالضبط زى واحد بيتتحرلأنى أنا حطيت فى الكتاب كل الى أعرفه . . إيه رأيك . . أنت ؟
- كونن : اسمع انت من حقلك تنشره . . إذا كان للواحد ماضى فالماضى مش مرض معدى . . واحنا بقينا يساريين لأننا كنا مع الحق انت مش لازم تتفجل من ماضيك . .
- لو : (فى ألم) مضبوط أنا عمري ماقلت لك كده . .
- كونن : (يتجه إلى المستمع)
- مش عارف أنا باقول كل الحاجات دى علشان إيه . .
(وينصت . .)
- يمكن بافكر فى اليوم الى حينتهى فيه العالم ومايقاش فيه حد يشعر إني أنا برىء من جرائم البشر . . على الرغم من إننا عمرنا ما كنا أبرياء . . مش عارف أنا باتطلع لإيه . .
- لو : لما رجعت من روسيا نشرت دراسة عن القانون السوفييتى . . ومانشرتش حاجات كثيرة من الى شفتها وكذبت وكان فيه سبب . . لكن مافضلش من ده كله إلا الكذب . . حاجة غريبة بالنسبة ليه دلوقت . . يعنى أنا عندى عيوب كثيرة لكن عمري

ما كنت كذاب .. كذبت على الحزب كثير سنة ورا سنة ..
وعلشان كده دلوقت عاوز أكون صادق مع نفسى فى الكتاب
ده .. والكتاب ده مش هجوم ، لكن إحساسى إني أنا مضطر
أدافع عن أكاذيبى هو اللى بيخلينى حريص على نشره .

(تظهر الزى وتقرب وتستمع)

الزى : أنا مندهشة جدا . أنا فاكره إن احنا خلصنا من الموضوع ده ..

لو : أيوه يا حبيبتي .. بس أنا با كلمه عن شعورى .

الزى : قيصك طالع لبره يا حبيبى

(يعدل قيصه بسرعة وتخطب كونتن)

أنت طبعاً من رأيه إنه ماكانش لازم ينشر الكتاب ..

كونتن : ماهو إذا ما نشرش الكتاب

الزى : (بثورة بروكانية)

لكن ده هو الموقف لو مش زيك .. ولا زى ميكي ما يقدرش

يعمل أى عمل ولا يقدرش يشتغل ولا شغلانة ده راجل أستاذ

فى الجامعة وعاجز عن أى عمل خارج الجامعة ..

لو : (بشيء من الضيق)

أنا مش عاجز للدرجة دى ..

الزى : (باحترار مفاجئ لزوجها)

ما تغلطش نفسك دلوقت ..

(مع الضوء تظهر الأم وإلى جوارها يجلس الأب فى مقعد ..)

الأم : أنت مجنون ..

- (ينزعج كونتن ويتجه بسرعة ناحية أمه . .)
 فين سندأني ؟
 (ويذهب الأب والأم كما حدث من قبل وتظهر هولجا تحت البرج والزهور في يديها وتبحث عنه)
 هولجا : انت فين يا كونتن ؟
 (بسرعة يتجه إليها يدير لها رأسه عندما تختفي)
 كونتن : (وهو وحده)
 إزاي يكون إيمان مرة ثانية
 (تظهر فليس)
 فليس : حافظل أحبك على طول . .
 (ثم تمضي في الظلام . . وهنا يظهر حائط اللوكاندة وعليه مفتاحا النور)
 كونتن : وفي ليلة لما البنت دى خرجت أنا . .
 (يتجه إلى الحائط وتتضح مفاتيح النور ويبعد عنها)
 أنا حاحاول إني أرجعها تاني . .
 الزى : (يخفت الضوء عليها وعلى زوجها ثم يسطع مرة أخرى عندما يخاطب زوجها . .)
 يالله بينا انت ما نزلتش الميه . . يالله نتفسح ونتبسط النهارده . .
 (تمشى إلى جواره وتقبله على خده . .)
 كونتن : (وهو يرقبها)
 أمال لما انتو كده . . ليه كان باين عليكم إنكم حتتخافقوا مع بعض . .

(تظهر لويز كما لو كانت تخاطب الفراغ)

لويز : كونتن . .

(يركز عينيه على أرض المسرح ثم يلتفت إلى المستمع)

كونتن : مش حاجة مخيفة اللي قالتها هولجا دي ؟

لويز : أنا قررت إني أشتغل بالتحليل النفسى . .

كونتن : (ما زال يتحدث إلى المستمع)

علشان تقضى حياتك كطفل مجنون .

لويز : عاوزه أكلمك على حاجة . .

كونتن : لكن هل حقيقى حد يقدر يعمل كده . .

(ويتهجه ناحيتها بشيء من الندم . .)

لويز : أنا لازم اتخذ قرار . .

كونتن : بخصوص إيه يعنى ؟

لويز : (وفى خوف)

بخصوص كل حاجة . .

كونتن : قصدك إيه ؟

لويز : (وقد شعرت بالضياع)

ممكن تقعد . .

(وتجلس هي وتركز أفكارها ويتردد قليلاً عندما يتذكر تلك الأيام الأليمة)

(ويتحدث للمستمع)

كونتن : زى ما يكون اجتماع فى خلال سبع سنين عمر ماكان فيه

اجتماع . .

- لويز : كأننا . . .
- (لحظة صمت وهي تحاول أن تستجمع أفكارها)
- كونن : كأننا احنا الاتنين ما كناش متجوزين . . احنا . . ؟
- (لكن في صوتها صدق وهي تحاول أن تجعل كلامها على شكل حكم)
- لويز : إنك ما كنتش بتهم بيه .
- كونن : (في حيرة . .)
- امتى ؟
- لويز : طول عمرك وأنا ما تنبئش للحكاية دى إلا أخيراً جداً . .
- كونن : (يحاول أن يساعدها)
- يعنى عايزه تقولى ليلة الجمعة اللى فاتت لما مافتحتش لك باب العربية . .
- لويز : يعنى دى حاجة صغيرة . . لكن حاجة من اللى أنا عاوزه أقولها . .
- كونن : لكن أنا قلت لك إنك انت دائماً اللى بتفتحي باب العربية لنفسك . .
- لويز : أنا دائماً أعمل كل حاجة لنفسى لكن مش معنى ده إنه صح . .
- والناس كلها ملاحظة الحكاية دى . .
- كونن : ملاحظين ايه ؟
- لويز : معاملتك ليه . . زى ما أكون مش موجودة ومفروض إننا نعرف الحاجات اللى تهمننا وأنا مش تافهة . . ورجاله كثير وستات كمان بتقول إن أنا مش تافهة . .

- كونن : وبعدين . . (لحظة صمت)
- لويز : أنا مش فاهم انت عاوزه تقولى ايه . .
- كونن : أنا عارفه إنك مش فاهم . . ماعندكش فكرة عن إيه هيه الست . . انت بيتيألك إنها حاجة كده . . أنا مش عارفه أنا إيه بالنسبة لك . .
- كونن : لكن أنا دائماً مهتم بيك . . امبارح بالليل قرئت لك كل المرافعة . .
- لويز : انت فكرك لما تقرا المرافعة لواحدة ست تبقى قاعد تتكلم معاها . .
- كونن : أهو ده اللى جه فى دماغى بقى . .
- لويز : إذا كان ده اللى جه فى دماغك يبقى انت محتاج زوجة ليه ؟
- كونن : إيه السؤال ده ؟
- لويز : هو ده السؤال . .
- كونن : (لحظة صمت مع خوف ودهشة . .) إيه هو السؤال ؟
- لويز : أنا أبقي لك إيه ؟ أنت عمرك سألتنى عن أى حاجة شخصية . .
- كونن : (بهزع . .) لكن مفروض أسألك عن إيه ؟ ما أنا عارفك . .
- لويز : أبداً مانتاش عارفنى . . أنا عاوزه انكسف من نفسى مرة ثانية . .
- لويز : أنا كنت فاكدة إنها حكاية عادية إنك ما بتشفنيش . . لأنى ما استحقش إنك تهتم بيه . . لكن دلوقت أنا شايفة إنك مابتهتمش بأى واحدة ست . . يمكن أحياناً أملك تحس إنها تعبانة متضايقة لكن مش أنا ولا أى واحدة ست ثانية . .
- (تظهر الزى وتوشك أن تلقى ببرنامجها . .)

- كونن : لا مش صحيح . .
- لويز : والزى لاحظت كده كمان وهى مندهشة . .
- كونن : وهيه قالت إيه ؟
- لويز : بتقول إنك مابتحسش إن فيه أى واحدة ست موجودة .
- كونن : ياه . .
- لويز : انت عارف هيه قد إيه معجبة بيبك . .
- (كونن يهز رأسه ويتجه فجأة إلى المستمع ويتفجر في ضحكة عالية ساخرة ويسكت . . وبشء من الشك تواجهه لأول مرة وتناديه . . كونن . .
- (ينهض في صمت . .)
- كونن : السكوت مش حيحل المشكلة ما أقدرش أعيش بالشكل ده . .
- يمكن أنا ما باردرش عليك علشان المرة الى حاولت أقول لك رأيي زعلت منى ست شهور . .
- لويز : ماكانش ٦ أشهر دول كانوا كام أسبوع كده يمكن أنا زودتها شوية . . لكن انت عارف ليه انت كنت مسافر وقلت لى إنك قابلت واحدة وعاكستها . . إلخ . .
- كونن : ماحكيتش لك بالطريقة دى . .
- لويز : لأ أنت قلت بالضبط كده . . وكنا متجوزين بقالنا سنة . .
- كونن : أنا ماقلتش بالضبط كده دى كانت حكاية سخيفة وكان قصدى أعملها لك كومبليان . . البنت ديه أنا ما قربتش لها لأنك انت حاجة وبالنسبة ليه وادى سنة راحت وانت دايماً تبص لى زى

ما أكون حيوان متوحش مش حشقي فيّ أبداً .

(إلى المستمع)

وأنا أصدق ليه إن كلامها مضبوط . . هيه دي المشكلة . . دي
براءة مش كده ؟ وكل السذج والأبرياء دائماً أحسن وأفضل ليه
أنا مش قادر أبقي ساذج ولا برىء . .

(وهنا تظهر الزى وأوشك البرنس أن يسقط من فوق كفها . .)

ليه أنا مش قادر أقولها كلام الزى بكل بساطة . . ليه مش قادر
أقول لها : يا لويز أقول لك حاجة إن أعز أصدقائك خائن . .
مش لويز هي اللي أغرتني واستدرجتني . . أبداً حاجة أسوأ من
كده . . ليه أنا لما أشوف خطيئة أوجريمة بيتيألى إني أنا جزء
منها . . ليه ؟

(تختفي الزى عندما يظهر برج معسكر الاعتقال . .)

حتى المعسكر ده . . معسكر الفظائع . . أقدر أنقل الناس وأرمى
الميه المثلجة على المعتقلين وأسبيهم يموتوا متجمدين ؟ ليه باحس
إن في داخلي إنسانا آخر بيحنى رأسه من الهوا كأنه شريك في
المجازر البشرية دي ؟ هه . . اسمح لي أقول لك إنك شريك
ما دمت عارف إنه ده بيحصل . .

(وهنا تظهر أمه ويتجه إليها . .)

الأم : يا ترى . . دواوين الشعر اللي جابها لي ! وكان يفهمني . . وبعد
الزفاف بأسبوعين بابا جاب قائمة الطعام وقال لي . . اقرى . .

كونن : هه . . ياه . . وبالنسبة لطفل صغير بيعرف يقرأ . . وقارئ ممتاز
الطفل ده . .

الأم : أنا عاوزه طفل يبقى جميل . . فاهم يا حبيبى علشان تبقى . .
كونن : شريك فى الجريمة دى . . !

الأم : (تتجه إلى الأب الذى يجلس جانباً)

سنداقى ؟ وكل ده يروح وماتقوليش حاجة ؟ أنت مجنون ؟

كونن : (يرقبها وهى تدخل فى الظلام . . ويتجه إلى المستمع . . ويبدو برج القلعة
واضحاً . .) أيوه . . أيوه . . فاهم . . لكلى ليه العالم كله خاين ؟
يا ترى نسيت الحكاية دى كلها . . دى كلها لأمهاتنا ؟ فاهمنى ؟
المرض ده أكبر من دماغى . . ياما فيه أمهات بتخبي سخطها لحد
ما تموت . . وما يرضوش يحطموا إيمان أولادهم لحد الأولاد دول
ما يصبحوا مذنبين بالنسبة لجريمة ما ارتكبوهاش . . وحاجة أكثر
من كده محيرانى جدا . . يعنى هل من الأفضل الواحد ما يبقاش
مذنب بالنسبة لجريمة ارتكبها غيره . .

(ميكى يظهر متجهاً إلى كونن الذى يتجه إليه أيضاً . .)

ميكى : المرافعة هائلة . . أقسم لك أنها يعنى بدأت تهزنى
(يحدث لويز فى غضب)

طبعاً انت فخورة به جدا . .

(تتركه وتمضى . .)

لويز : أيوه بس خد بالك إن لو والزى موجودين هنا . .

ميكى : ياه . . ما كنتش عارف . . انت شكلك جميل خالص يا لويز

- وبابن عليك مبسوطه جدا . . .
- لويز : أشكرك . . .
- (وتضحك في خجل وبلا صوت وتشير إلى كونن ثم تمضي)
- ميكي : (صمت . . . وابتسامته تتحول بسرعة إلى نوع من الضحك الفاتر . . .)
- إيه تعبانه ولا إيه !
- (يختفي الدرج في الظلام . . .)
- كونن : (متحيراً) ما فتكرش تعبانة هيه رايحة للطبيب النفساني . . .
- ميكي : (يضحك . . .) أنت علشان كده تعبان . . .
- لكن بعد كده حتبقي متعبة خالص . . . على الرغم من إنها بعد شوية حتتكلم على حقوقها . . .
- كونن : صحيح ؟ انت تعرف إنها كانت بتتكلم كده دلوقت
- ميكي : (يهر رأسه ضاحكاً مرحاً) أنا بحب الستات . . . أنا بيتهيألى إنك اتجوزت صغير خالص . . . أنا كمان . . . وعلى الرغم إنك ما كنتش بتلعب . . . مش كده ولا إيه . . .
- كونن : أيوه . . .
- ميكي : طيب أمال حاسس إنك مذنب ليه ؟
- كونن : أنا مش عارف أنا لسه ليه مذنب . . .
- ميكي : يمكن كان لازم تبقى مذنب . . . أنا أول ما حصل لى الجواز ده كنت بالتخيل مراقى ٥ دقائق فى اليوم على أنها واحدة تانية . . . على الرغم من أنى لسه ماغيرتهاش . . . وانت لازم تخلق فى نفسك شىء من الاحترام لها . . . وعادة الواحد يبدأ بخمس دقائق . . .

- دلوقت أنا أقدر أقعد ساعة . .
- كونن : أنت عاملها زى لعبة . .
- ميكي : يعنى . . أهيه لعبة بشكل من الأشكال . . ما دام فيه اتنين من الناس مش ممكن تبقى مخلصه فيه فى الميه . . انت تقدر؟ أنا متيألى إنها مش من نوعك . .
- كونن : معاك حق . .
- (لحظة صمت . .)
- ميكي : آمال فين (لو) ؟
- كونن : (مشيراً إليه)
- بيستحموا . . عاوز تستحمى ؟
- ميكي : (ويمشى إلى نقطة ينظر منها إلى تحت كأنما ينظر من على صخرة)
- شوف بص الراجل ده عمره ما اتعلم إزاي يعوم عمال يلبط زى الكلاب . .
- (عائداً إلى كونن)
- أنا حبيت الراجل ده . . ولسه باحبه وأنا آسف الى انت ماجيتش البلد لما اتصلت بك من أسبوعين .
- كونن : ليه فيه حاجة ؟
- ميكي : أهو طلبتك ٣ مرات كنت عاوز أكلمك . .
- (يقف ويضع يديه فى جيوبه وهو ينظر إلى الأرض)
- دول حققوا معايا
- كونن : (مصدوماً . .) ياه . . اللجنة إياها . .

ميكي : أيوه كنت عاوزك تيجي لكن دلوقت ما يهمش بقى .
كونتن : أنا كان عندى إحساس بالشكل ده وأنا بيتيألى إني مش عاوز
أعرف حاجة ثانية بالمرة . . آسف يا ميكي . .
(إلى المستمع . . لحظة صمت طويلة يجدان صعوبة فى أن يواجه كل منهما
الآخر . .)

ميكي : مش عاوز أشوف نفسى برىء تانى مرة . .
أنا شفت الويل . . حاجه غريبة إنك تجد نفسك فى حالة امتحان
لكل المبادئ اللى انت مؤمن بيها . . مش من الناحية النظرية . .
لكن على أساس أنها حياة أو موت . . فيه حاجات كتيرة
ما بتقدرش تقف على حيلها . .
كونتن : أنا متيألى إن أهم حاجة إنك ما تخافش .
ميكي : أيوه . .

(لحظة صمت)
أنا دلوقت مش خايف لكن من أسبوعين كنت خايف . . أنا
كنت بارتعش لما جه الماريشال ودخل مكتبى وسلمنى ورقة
حمرة . . ماخبيش عليك كنت بارتعش . . حاجة رهيبة . .
وركبى سابت . .

(لحظة صمت يجلسان وكل منهما يحملق بعيداً وأخيراً يتجه ميكي إلى كونتن الذى
واجهه الآن . . ميكي يحاول أن يتسم . .) يمكن ماتبقاش صاحبي بعد
كده . .

- كونتن : (يفعل الضحك .. ولكن يبدو عليه الفزع .. لحظة صمت ..)
ليه ؟
- كونتن : قصدك إيه ؟
- ميكي : حاقول لهم أسماء ..
- كونتن : (وهو لا يصدق)
ليه ؟
- ميكي : علشان أنا عاوز أقول لهم .. مش عاوز أخبي حاجة بعد كده ..
١٥ سنة كل حتة أروحها .. أى كلام أقوله .. وأنا عندي
الشعور ده أني أنا باخدع الناس زى ما أكون عايش فى بلد محتل
نصفه .. عايش فى ظلام ..
- كونتن : لكن انت ما انضمتش لهم إلا لمدة كام شهر كده .
- ميكي : أيوه ده صحيح .. لكن مع الأسف ما اتكلمناش فى الموضوع ده
أبدأ .. وأنا أعتقد أن ده مش من الإخلاص .. وان الواحد
لازم يدفع ثمن غلطته ..
- كونتن : طيب انت ليه مابتعترفش على نفسك بس ..
- ميكي : اعترفت لكن هم عاوزين أسماء تانية .. وحيططوا أى واحد
أعترف عليه ..
- كونتن : أنا أعتقد إن ده غلط منك وكل ده حينتهى وحاييجى يوم
تندم .. وعلى كل حال دول ممكن يقضوا عليك إزاي ؟
- ميكي : (صمت)
- شوف اللى حيحصل إن فى مجلس إدارة المؤسسة حيصوتوا ضدى

- ويطردوني إذا أنا ما اعترفتش . .
- كونتن : مش معقول . . أنا فاكر إن صاحبنا ماجى ياما اتكلم كثير ضد الإجراءات ديه .
- ميكى : ده ماكس هو اللى عملها . .
- كونتن : أنا مش قادر أصدق . . طيب وصاحبنا ديفريس ؟
- ميكى : وهو كمان وغيره ياريتك شفتم يومها . . شفت الناس اللى أنا اشتغلت معاهم ١٣ سنة صحابى اللى لعبت معاهم تنس ولكن ساعة ما قلت إني أنا كنت منضم للشيوخين أصبحوا زى الحجر . .
- (ويضىء برج المعسكر)
- كونتن : (يخاطب المستمع)
- كل شىء هو نفس الشىء . . فاهم ؟ أنا مش عارف احنا إيه بالنسبة لبعض . . ولا حتى لازم نبقى إيه لبعض . .
- ميكى : أنا كنت حاسس بيهم وهما بيدونى ظهرهم . . حاجة فظيعة زى ما يكون عاوزين يسيبوني أموت . .
- (ماجى تظهر فى سريرها وتنفسها مسموع . .)
- ماجى : كونتن . .
- كونتن : (يوشك أن يتجه إليها ولكنه ينظر إلى ناحية أخرى ويتمشى بالقرب من المستمع عندما يستأنف ميكى كلامه وتلاشى ماجى وتنفسها المسموع . .)
- ميكى : أنا أعرف حاجة واحدة بس إني عاوز أعيش على المكشوف عاوز أعيش دوغرى . .

- (يدخل لو ويبدو عليه الفرح الشديد عند رؤية ميكي)
- لو : أنا متيألى سمعت صوتك يا ميكي . . إزيك . .
- (ويمد يده . . تظهر هولجا ومعها الزهور وفي لحظة تختفي . .)
- كونن : إزاي انت تجرؤ على إنك تدى وعود مرة ثانية أنا عشت طول عمرى أدى وعود بالشكل ده . .
- ميكي : كويس يا «لو» . . أنا كنت حاكلمك بكره . .
- لو : صحيح ؟ وأنا كمان فى مشكلة كده . .
- (متردداً . .)
- مممكن أطلبك بكره ؟
- ميكي : طبعاً تقدر تطلبني أى وقت ، عندى بكره ضيوف فى البيت وبلغ تحياى لزوجتك . .
- لو : أنا حاطلبك بكره . . أنا متشكر خالص . .
- (يبدو الامتنان على ميكي ويعود بإصرار) .
- ميكي : إيه هيه المشكلة ؟
- لو : هيه حكاية نشركتابى دلوقت . . الزى خايفة إنه لو انتشر حيعمل ضجة مرة ثانية . .
- ميكي : لكن لازم تجرب . . وكل واحد بياخد نصيبه وأى حاجة الواحد بيخبيها بتبقى عاملة له زى السم . . على كل حال ده شغلك . .
- لو : وهو ده إحساسى . . احنا ليه مش بنقعد مع بعض زى ما كنا بنقعد زمان . . وحشتنى قعداتك وأحاديثك الجميلة . . بس أنا

عارف انت مشغول أد إيه . . وأنا أقدر أقابلك فى أى مكان
تختاره . .

ميكى : الزى جايه أهيه . .
لو : عاوز تشوفها ؟ أقدر أندع لها من هنا وهى قاعدة على البلاج . .
(وبحاول أن يتجه ليناديها ولكن ميكى يستوقفه . .)

ميكى : اسمع يا لو .
لو : (وقد أحس شيئاً غريباً) إيه ؟
كونن : (وجهه إلى السماء)
يا الله . . يا الله . .

ميكى : حققوا معايا . .
لو : مش معقول . .

(ميكى ينظر إلى الأرض و(لو) يمسك ذراعه)
أنا آسف جدا . . أنا كنت خايف من الحكاية دى . . لما
استدعوني لكن أقدر أقول لك حاجة ؟ يعنى يمكن لما الواحد
بيواجه الناس دول مرة يبقى كل حاجة بعد كده سهلة . .
يا هو . .

كونن : يا هو . .
لو : بجد مش مخيفة زى ما انت متصورها دلوقت . . كل حاجة تبص
تلاقيها وقعت وراحت بعيد وتلاشت إلا حاجة واحدة . .
إلا أنت حقيقتك .

لو : ياه . . لسه عاوزين منك إيه . .
ميكى : عاوزين يستجوبوني تانى . .

لو : ليه . . ؟

ميكى : علشان أنا عاوز أقول الحقيقة ؟

لو : بأى معنى ؟ وقصدك إيه ؟

ميكى : اسمع يا «لو» لما سبت حجرة التحقيق ماحستش أبداً إني كنت باتكلم . . حد تانى اتكلم . . حد تانى اتبهالى إنه هو اللى كان بيتكلم . . كلام بيخرج مش عارف منين . . وسألت نفسى إيه اللى كنت بادافع عنه لما كنت بارفض أرد على الأسئلة . . أرجوك خلىنى أكمل كلامى . . لازم أكمل كلامى . . بدافع عن الحزب ؟ لكن أنا باحتقر الحزب من سنين زيك بالضبط . . لكن فيه حاجة . . حاجة تانية فقلت بقى لما فكرت إني أعترف أقول لهم أسماء . . مش عارف أنا بادافع عن إيه ؟ يمكن حلم . . حلم إننا نبقى متضامنين . . لكن الحلم ده مش مات من وقت طويل ؟ الحقيقة أنا مش متضامن مع الناس اللى أقدر أعترف عليهم فيما عداك انت . . مش علشان احنا كنا شيوعيين مع بعض ؟ لكن علشان احنا كنا صغيرين مع بعض . . لأننا لما كنا بتتكلم كنا عاملين زى الرهبان . زى الإخوان فى مواجهة الظلم اللى فى الدنيا . . يمكن انت اللى خلّيت بقى اتقفل ، يمكن الحب اللى بينا لما شفنا بعض . . لكن إيه اللى خلق الحب ده . . ؟ مش هو احترامنا للحقيقة وكرهنا للنفاق علشان كده باسم الحب كان لازم إني أبقي صادق مع نفسى . ومن الأسهل أن الواحد يعمل اللى يعملهُ ويتمسك به . . بالشكل ده أحتفظ بصداقتك وأخسر

نفسى . . ولكن الحقيقة . . حقيقتى أنا . . هيه إني أنا باعتقد أن
الحزب ده مؤامرة . . خلىنى أكمل كلامى . . أرجوك . . وأعتقد
أنهم استغفلونا . . وإنهم استغلوا حبنا للحق فى صالح روسيا . .
وأنا ما اعتقدش إن احنا ندى ظهرا للحقيقة بس لأن الرجعيين
يرددوها زينا . . واللى أنا باقترحه دلوقت هو أننا نحاول نفصل
حبنا لبعض عن المواقف السياسية . . ماكانش حبنا للحزب لكن
حب كل واحد مننا للحقيقة التاني . . وأنا دلوقت ماقلتش لك
حاجه وماقلناش لبعض فى السنين الخمسة اللى فاتت .

لو : أنت بتقترح ايه دلوقت ؟

ميكى : أيوه . . أنا قلت لهم كلهم فيما عدا اتنين لعنوني وأنا كنت متوقع
منهم ده . .

لو : (فى ذهول) أنا عاوز أفهم أنت بتستأذنى فى إنك تعترف على
بالاسم . . مافيش داعى إنك تذكر اسمى .
(وبدا يربح)

وإذا كنت عاوز تقوله يبقى انت بتحبني لحسابك وإذا ذكرت
اسمى أنا حاترفد . . أنت حتخرب بيتي وحاتحطم مستقبلى . .

ميكى : إسمع أنا من حقى إني أعرف انت ليه كنت مؤمن ؟

لو : لأنه إذا كان الواحد ماعندوش إيمان . . مايقاش فيه حضارة
علشان كده أنا باعتقد أن اللجنة دى بداية الخراب . . وأنا
مندهش إنك بتتكلم عن الحقيقة والعدالة أمام مجموعة من أبواق
الدعاية الرخيصة وعمري ماحاول لهم كلمة واحدة . . ولا كلمة

حتخرج من بقى . . وشقتك أم ١١ حجرة وعرييتك وفلوسك
ماتساويش كلمة واحدة تخرج من بقى . . ويمشى فى اتجاه آخر من
المسرح .

ميكى : (وقد تصلب فى مكانه)

ده كذب الحكاية مش فلوس .

لو : (متجهاً إليه)

مافيش غير حقيقة واحدة بس هنا وهى إنك خايف . . وانهم
اشتروك . .

(ويشرع فى الحركة فى اتجاه آخر . .)

ميكى : (غاضباً ولكن فى تماسك)

انت كمان محدش اشتراك . .

لو : (يشرع فى البكاء) إزاي بتتكلم على بالشكل ده ؟

ميكى : انت لازم تتحمل ما دمت رايح تعترف . . من امتى جالك

التماسك اللى انت فيه ده . . ومن امتى عندك لهجة الثقة بالنفس

دى . . دى بتاعتك ؟

(وتظهر الزى فى الجانب البعيد ويجرى ببطء نحوهما كأنها قادمة من البلاج .

البرنس مفتوح ورأسها مرفوع كأنما تشم الهواء وتتطلع للسماء . .)

أنا فاكر نهار ما رجعت من روسيا وأنا فاكر برضه مين اللى خلاك

ترمى الكتاب بتاعك فى النار عندى فى البيت . .

لو : (يكاد يصرخ ويلقى نظرة على الزى)

لكن الفكرة . .

ميكي : لكن أنا شفتك بتحرق كتاب حقيقي وبتكتب كتاب تاني مليون أكاذيب . . لأنها طلبت منك كده وعلشان خوفتك . . وعلشان اشترتك . .

لو : (يرفع قبعته في الهواء)

أنا ألعنك وأتهمك . .

ميكي : انت اللى بتلعنى ولا هيه اللى بتلعنى ؟ مين بيكلمنى دلوقت ؟
لو : أنت شيطان . .

(ويكى متجهاً إلى الزى ويلتقى بها ويسر إليها بوضع كلمات ويدو على وجهها الفزع وفي مقدمة المسرح يقف ميكي ناظراً إلى كونن في الطرف الآخر وهو يحاول أن يقرأ أفكاره) .

ميكي : أنا متيألى انت عاوز حد يقرأ معاك الدفاع بتاعك .

(كونن وهو يبدو إنه لم يتخذ قراراً بعد ثم يتجه إليه . .)
مع السلامة يا كونن . .

كونن : (في لهجة ميتة)

مع السلامة

(يخرج ميكي عندما تندفع الزى في حالة هستيريا وعندما يقتربان من كونن تظهر لويز تقف وترقب) .

الزى : (وهي ملتفتة إلى لويز أيضاً)

سمعت آخر حاجة . . سمعت . . ده عقليته غبية . . معقول ده ؟
يتجه إليها كونن وربما كان في نظرتة إليها أوفى تفكيرها ما يجعلها تزور البرنس . .)

- كونن : (وفى هدوء) .
أيوه معقول . .
- الزى : بعد الصداقة دى ؟ بعد الحب الى بينهم . . وبعد كام سنة . .
عشرة . .
- (ويضىء برج القلعة ويتحرك كونن ناحيته ويتطلع)
لو : (متزعجاً . .)
- الغريبة أنه جاب لى شنطة غالية جداً بمناسبة عيد ميلادى . .
الزى : وابنه سماه «لو» على اسمك . . مين يصدق ده ؟
(وتظهر هولجا تحمل الزهور بعيدة عن كونن الذى يتجه إليها)
- كونن : أنت بتحبينى مش كده ؟
هولجا : أيوه
- (ويتردد لحظة ثم يتجه بسرعة إلى المستمع ويصرخ . .)
- كونن : تفتكر الى بادور عليه هو نوع من البساطة العقلية الى مش
موجودة ولا اتوجدت . . تفتكر ده ؟
(يتجه إلى الزى الذى يحاول أن تنهض «لو» وتقبله . .)
- كونن : رقيقة قوى وهى بتقومه كده . . بس بعد ما اتخرب بيته . .
(وتنفض الزى و«لو» وقد التفت ذراعها حوله وتقبله فى خده ويزقهما . .)
- ويمكن دى بوسة بإحساس . . ماحدث عارف ياترى هل مافيش
خيانة بين الناس وماحدث يلوم حد زى مايكونوا شجر ولا قطع
ولا سحاب . مش عارف إذا كنا احنا بالشكل ده أمان إيه الى
حيدنا الأمان . .

(تظهر لويز)

لويز : عندي جلم عاوزه أقوله لك . .
(في صمت يقترب منها كونتن يخرج دوسياً ويقلب فيه . . .)
حلمت إننى واقفة جنب جمل على قوى ورجليه الاتنين
مقطوعتين . .

كونتن : يعنى إيه ؟

لويز : يعنى لازم تشتغل الليلة . .

كونتن : أيوه دى قضية «لو» وعندي شوية أوراق كتيرة لازم أقرأها . .
لكن على كل حال أقدر أعملها بعدين . . إيه فيه إيه ؟

لويز : مش مهم بقى . .

كونتن : (مستدركاً . .) أنا آسف . . انت عاوزه تقولى لى إيه ؟

لويز : عاوزه أفهم إيه اللى زعلك منى ليلة الحفلة اللى فاتت دى . .

كونتن : أنا كنت مشغول طول الوقت وبادور على أى انتصار . . كل
ما اجى أكلمك تقاطعيني وتقولى أنا عارفة انت حتقول إيه . .

لويز : أنا كنت سكرانة وكنت مبسوفة شوية . .

كونتن : أنا كنت مشغول طول الوقت وبادور على أى انتصار معنوى على
الشركة وملاحظة إنك بتخرجيني يعنى . .

لويز : أنا شفتك اتضايقت لما أنا بدأت أتكلم عن المصل الجديد . . ليه
انت ما كنتش عاوزنى أتكلم بالمرة .

كونتن : ده مش معقول . . ليه ؟ يعنى إيه السبب ؟

لويز : علشان فى كل لحظة أنا باحاول أثبت وجودى بتضايق انت . .

- وأنا بيتيألى إنك مش عاوزنى أبقي سعيدة أبداً . .
- كونن : أقول لك الحقيقة يا لويز . . أنا متيألى أننى مابقاش عندى ثقة فى نفسى . . وباحس أحياناً إن مافيش حقيقة بالمرة . . وأنا مبسوط اللى أخذت قضية «لو» لأنه مافيش محامى محترم يقدر يلمسها . . وحسيت إن زى ما يكون فيه شبكة خفية بين الناس ماعادش لها وجود . . ماعادش صلة بين الناس وده إحساسى من زمان . . وده حاجة بتخوفنى . .
- لويز : (وهى تكاد تستعطفه)
- أنت دلوقت تقدر شعورى لما لقيت الجواب فى شنطتك . .
- كونن : (متجهاً إليها)
- أنا ماعملتش كده علشان أتخلص منك . . أنا بيتيألى إن احنا خلصنا من حكاية البنت دى . . انت متيألك إنى أنا لسه على صلة بيها . .
- لويز : أنا ماعرفش انت بتعمل إيه . .
- كونن : يعنى إيه ماتعرفيش . . ؟
- لويز : قلت لك أنا ماعرفش . . وأنا كنت فاكهه إنك انت قلت لى الحقيقة من كام سنة لكن بعد اللى حصل فى الربيع اللى فات ماقدرش أعرف حاجة . .
- كونن : قولى لى . . يعنى فيما عدا اللى حصل فى الحفلة دى إنما كان بيتيألى إنك كنت سعيدة طول السنة مش كده والا إيه . . ؟
- لويز : انت مش عارف إنى أنا كل اللى عملته السنة اللى فاتت هو أنى

- تفاديت إني أصطدم بك بس . .
- كونن : يعنى إيه تفاديت إنك تصطدمى بي ؟ !
- لويز : طيب تقدر تقولى حاجة واحدة أنا قلتها على نفسى السنة دى ؟
- كونن : أقسم لك إني أنا كنت فاكر إن احنا بنبنى حاجة مهمة لحد اللى حصل ليلة الحفلة دى . .
- لويز : لكن ليه ؟
- كونن : أنا ما اقدرش أحكى لك تفاصيل . . لكن كان واضح جدا إني باعمل مجهود كبير علشان أبين لك قيمتك عندي مش ملاحظة كده . . ؟
- لويز : اسمع انت إنسان مليون غيظ . . انت فاكر إني أنا عميه . . ؟
- كونن : مش غيظ . . أنا باتغاض من إني أبقي متهم كل يوم . . وانت مش متفرج برىء هنا . . وأنا أفضل مستنى إنك تساعديني وباتغاض أكثر لما ماتعمليش حاجة وتسببني لوحدى . .
- لويز : أنا ساعدتك كتير من غير ما أطلب منك حاجة . .
- كونن : قصدك الصيف اللى قبل ده . . مش جيتى وقلتى لى إن إذا أنا ماتغيرتش حنطلق .
- لويز : أنا ماقلتش إن كان فى نيتى حاجة زى كده . .
- كونن : انت قلت إن لما توصل للدرجة دى حنطلق . . هيه دى المساعدة . .
- لويز : طبعا . . ماكنش لازم تقوم بدور الدكتور لأول بنت تصادفك فى السكة . .

كونن : انت عاوزه تخلىنى أشعر بالخجل لأى درجة ؟ أنا كرهت الى أنا عملته ويتهألى إنى شرحت لك وماكانش لازم لكن أهوه شرحت .

لويز : انت لسه بتدافع عن نفسك . . ؟

كونن : وانت مش غلطانة فى حاجة أبداً ؟

لويز : إزاي . . . ؟

كونن : ماحصلش إنك اديتنى ضهرك فى السرير

لويز : ماحصلش

كونن : ماحصلش إنك اديتنى ضهرك . . أنت فاكرانى عبيط .

لويز : أنت منتظر منى إيه ؟ طول الوقت ساكت وبارد . . وحاطط دماغك فوق . .

كونن : على كل حال أنا ماعرفش استعرض عواطفى

(صمت ويلقى بنفسه عليها)

أنا قلقلان عليك طول النهار والليل . .

لويز : على كل حال عندك طفل وأنا متأكدة إنه هو الى شاغلك . .

كونن : ده بس ؟

لويز : (بكثير من العقل) اسمع يا كونن هيه الحكاية بتنتهى عند حاجة

بسيطة جدا . . انت عاوز واحدة تهيألك جو مافيش فيه حوادث

خالص . . وعاوز تفضل طول الوقت تغرقك فى الدلع

والمدح . .

كونن : أنا مابتضايقش من المدح . . ده طيب ايه الغلط فيه . .

- لويز : اسمع أنا مش ممكن أمدحك ليل نهار . . أنا مش أمك . . أنا
شخصية ثانية . .
- كونن : (ينظر إليها بتأمل)
فهمت دلوقت . .
- لويز : طبعاً دى مش جريمة . . ما دام واحد زيك بقى كبير بالشكل
ده . .
- كونن : أنا ماعتقدش أنها جريمة برضه . . لكن أنا محتار وشعرت بالفكرة
دى لما شفت «لو» بيجرى من تلميذ لتلميذ . . ومافيش
ولا واحد منهم رضى يمسك له القضية . .
- لويز : إيه علاقة «لو» بالقضية دى . . أنا متيألى إنك عاوز تبقى موضع
الإعجاب بس من الناس . .
- كونن : أيوه أنا باعمل اللى انت بتسميه موضع إعجاب الناس . . لأنى
ماقدرش أستحمل إنى أبقي إنسان مستقل . . أنا متيألى كده . .
أنا مش عاوز أبقي معروف . . إنى محامى أحمر . . مش عاوز
الجرأيد تأكلنى صاحى . . وإذا وصلت للدرجة دى يبقى «لو»
يتولى الدفاع عن نفسه . . لكن لما ييجى الراجل الطيب ده
المنهار . . اللى مش عاوز حاجة من الدنيا . . ويقعد قدامى
ماقدرش أقول له إنى مصلحتى مش هى مصلحته وأسيه يتعذب
علشان احنا شخصيتين منفصلتين زى ما بتقولى .
- لويز : انت أفكارك ملخبطة خالص . . قضية «لو» ده ملهاش
علاقة . .

- كونن : (وقد واثته فكرة)
- أنا حاقول لك على اللخبطة الى عندى . . أنا باعتقد أن ميكي هو كان بقى شخصية منفصلة . .
- لويز : انت مش معقول . .
- كونن : وأمى كمان أعتقد إنها شخصية منفصلة . .
- لويز : أنت فاكرنى أملك . .
- كونن : أنا عاوزك تشرحى لى إيه الى حصل لما حسيتى إنك شخصية مستقلة ؟
- لويز : (بشئ من الغرور) نضجت . .
- كونن : مش فاهم يعني إيه . .
- لويز : معناه إنك تحس إن فيه إنسان آخر موجود . . أمال انت فكرك إن أنا باشتغل بالتحليل النفسى من غير نتيجة . .
- كونن : (متسائلاً) مش يحوز الحالة دى عبارة عن نوع من المرض أو حالة مرضية . . وأنا أقسم لك لوجيت مرة . . مرة واحدة بس وقلت لى إنك انت غلطت فى حاجة وإن دى غلطة مهمة وإنك لازم تعتذر كل ده كان يساعدنى . . مش كده ولا إيه يا لويز . . ؟
- (وتلتزم الصمت فى غرور)
- لويز : والله انت عبيط . .
- (وتبكى على بختها وتتوارى ويضاء مقعد فى إحدى الحدائق مع صوت للمرور ويسرع زيجى نظيف وقد وضع منظار الشمس وينفض التراب من على حذاء

لامع وتمر عجوز تحمل سلة بها مشتريات وبيغاء في قفص ويتقدم كونتن ويجلس على البركة وعلى ركبتيه شنطة بها دوسيه . .)

كونتن . أيام قليلة قوى الى تخلى العقل في مكانه زى سجادة مشدودة متعلقة من أربع أو خمس مسامير . . خصوصاً اليوم الى انت فيه ما بتتغيريش . . اليوم الى بتحس فيه إنك زى ما أنت . . بيتيألى لما تحس إن المبادئ بتدوب وبدل ماتحس بالشىء الى لازم يحصل بتبدأ تشوف كل حاجة زى ما هى حتى الدكة الى فى الجنية دى بتبان حية قعد عليها ناس كثير حقيقيين . . حتى كلمة « دلوقت » بقت زى قنبلة . . ترمى من الشباك وبعدين تنفجر (وتعود العجوز تمر وفى يدها البيغاء . .)

ودلوقت واحدة عجوز بتفسح بيغاء . . ويمكن قلقانه على مصيره . . لما تموت كل حاجة فجأة يتبقى لها نتايج . .

(وتمر فتاة عادية تقرأ فى كتاب)
ما أشجع ست البيت دى قد إيه هيه مطيعة للنظام لدرجة أنها ماتولعش النار فى متحف للفنون . .

(ويعمر الزنجى وهو ينفض التراب عن حذائه ويتقدم لكونتن يطلب منه أن يشعل سيجارته ويشعلها له) . . نظيف قوى مع أن الحمام فى دور تانى لازم بيتضايق لما يحلق . .

(ويرى الزنجى فتاة له فى أعلى المسرح فيتجه إليها)
وأنا مش عارف إيه الى خلانى فى نهاية اليوم كان لازم أرجع

البيت . . فاهم ؟ اليوم الى ما حصلش فيه حاجة بالمرة . .
يوم . .

(وتظهر ماجى تبحث عن أحد . .)
وما دام فيه حقيقة يبقى الجسم المتناسق الجميل ما حدش يقدر
ينكره . .

ماجى : لا مؤاخذة ماشفتش واحدة معاها كلب كبير . . ؟
كونن : لا أنا شفت واحدة معاها بيغاء صغير . .
ماجى : لا مش ده . . ده محطة أوتوبيس . .
كونن : أيوه اليا فطة بتقول كده . .
ماجى : (تجلس إلى جواره)

أنا كنت واقفة هناك وبعدين جه راجل معاه الكلب ده وحط
الحبل بتاعه فى أيدي ومشى . . وحاولت أمشى وراه لكن
الكلب ما اتحركش . . وبعدين جه راجل تانى أخذ منى الحبل
ومشى . . وأنا متيألى إن الكلب ده مش بتاعه . إنما بتاع
الأولانى . .

كونن : لكن واضح إنه مش عاوزه . .
ماجى : يمكن هو كان عاوزنى أخذ الكلب ويتهيألى الراجل التانى ده شافه
وقال أخذ الكلب ببلاش . .

كونن : يعنى انت عاوزه الكلب
ماجى : أعمل بالكلب ايه . . ده حتى ما يسمحوش بالكلاب فى الحتة
الى أنا ساكنة فيها . . يمكن يسمحو لكن أنا ما شفتش كلاب
كلهم سقطوا

هناك يجوز لأن أنا ماباروحش كثير. . أوتوبيس ايه الى هنا
ده . . ؟

كونن : رايح البلد . . انت عاوزه تروحي فين ؟

ماجى : تفكر ينفع أقدر أخده . .

كونن : فين . . ؟

ماجى : البلد . .

كونن : حاجات غريبة بتحصل مش كده ؟

ماجى : يمكن كان عاوزنى أخذ الكلب ده . . وأنا ماعنديش مانع بس

لو كنت أقدر . . ده أنا ماعنديش تلاجة . .

كونن : لازم كده . . وأنا بيتيألى إنه كان فاكر إن عندك تلاجة . .

(يهركتفيه ينظر إليها وهى تتطلع إلى الأوتوبيس . . ليس عنده ما يقوله)

لويز : انت مابتكلمش أى ست ومابتحبش أى ست . . انت فاكر

إنك لما إنك تقرأ فى الدوسيه يبقى بتكلمنى .

(وفى حالة توتر يميل كونن إلى الأمام وذراعه على ركبتيه وينظر إلى ماجى ويظهر

ناس مختلفون ويخلقون فيها . .)

كونن : (بمجهود) انت بتشتغلى ايه ؟

ماجى : (كأنها تشعر بأنها لابد أن تصارحه . .)

فى السويتش . .

كونن : آه عاملة تليفون . . ؟

ماجى : (تضحك) مش فاكرنى ؟

كونن : (مندھشاً) أنا ؟

- ماجى : أنا دائماً أهز لك رأسى كل يوم الصبح من الشباك
 كونن : آه فى حجرة الاستقبال ؟
 ماجى : أيوه . . أنا ماجى . .
 كونن : آه افكرتك . . انت بتطلى لى مكالمات مش كده
 ماجى : أنت فاكر أنا جيت كده من غير ماعرفك ؟
 كونن : ماعنديش فكرة . .
 ماجى : (تضحك)
 أمال انت افكرت إيه ؟
 كونن : ما افكرتش حاجه . .
 ماجى : أفكر انت ماشفتينش على بعض خالص . . يعنى بس راسى من
 الشباك . .
 كونن : طيب فرصة سعيدة إنى أشوفك أخيراً كده على بعضك . .
 ماجى : (تضحك)
 راجع الشغل الليلة ؟
 كونن : لا أنا قاعد أستريح شوية . .
 ماجى : (وقد استشعرت وحدته) آه . .
 (وتنظر يمينا ويساراً . . بينما هو يتفرس فى جسمها . .)
 كونن : من المؤسف انك تقعدى طول النهار ورا الشباك ده . .
 ماجى : (وتضحك بامتنان وتلتقط عيناها الأوتوبيس)
 ماجى : (ناهضة)
 هو ده الأوتوبيس ؟

- كونن : ما هو أنا مش عارف انت رايحة فين . .
 (يظهر أحد المارة ويلمحها ويشير إلى الأوتوبيس وإليها) .
- ماجى : عاوزه أدور على محل أسطوانات من اللى بيعملوا التخفيضات
 دول . . لسه شارين فونوغراف . . ماعنديش غير أسطوانة
 واحدة . . أشوفك بعدين بقى . .
 (وتستدير ناحية الرجل)
- الرجل : فيه واحد تانى
 ماجى : (تتجه-وقد-لوجئت)
 شكراً . .
- كونن : (وقد نهض وتحرك ناحيتها كأنه يخشى أن يلتقطها منه الرجل) فيه محل
 أسطوانات قريب هنا . .
- ماجى : لكن فيه تخفيض
 الرجل : (وقد لف ذراعه حول ذراعها)
 إيه عاوزه ١٠ فى المائة . . تعالى وأنا أجيب لك ٥٠٪
- ماجى : (وقد أبعدت ذراعها عنه)
 حقيقى . .
- الرجل : تعالى وأنا أديك أسطوانتين . .
- ماجى : (تتوقف وتسحب ذراعها منه وتعود)
 لا مؤاخذه . . أنا نسيت حاجة . .
- الرجل : تعالى وأنا أديكى ١٠ اسطوانات . .
 (يصرخ . .)

ابعدى عن الباب . .

(يسكتها . .)

تعالى . .

كونتن : (متجهاً ناحيتها)

هيه . . أنت !

الراجل : (وقد تركها . .) خدها اهيه . .

(مفروض أن يراقب كونتن الأوتوييس وهو يمضى وهى مشغولة بتسريح شعرها . .)

كونتن : أنا آسف افكرت إنك تعرفيه . .

ماجى : أبداً أنا عمري ما شفته . .

كونتن : أمال كنت رايحة ويأه ليه . . ؟

ماجى : أبداً . . هو قاللى إنه يعرف محل أسطوانات . .

(كونتن فى ذهول وحيرة ينظر إليها ثم يهز رأسه وهو لا يفهم . .)

أمال فين المحل الى انت بتقول عليه ؟

كونتن : دقيقة واحدة . . لما أفكر . .

ماجى : طيب أقدر أقعد وياك لحد ما تفكر . .

كونتن : آه بكل تأكيد . . اتفضلى . .

(ويعودان إلى الركن وينتظر حتى تجلس وتلاحظ هى يديه وتتطلع إليه وهو

يجلس بعدها ثم تنظر له بإمعان ولسبب ما تصاب بذهول . .)

بيحصل لك حاجات زى دى كثير . .

ماجى : كثير . .

- (ومن المستحيل أن نعرف إذا كانت تحب ذلك أو تكره . .)
- كونتن : يمكن علشان بتكلمهم . . ؟
- ماجى : لكن هُم اللى بيكلموني . . وأنا لازم أرد عليهم
- كونتن : لكن إذا كانوا قلايات الأدب . . ؟
- ماجى : لكن إذا كلموني . . ؟
- كونتن : ولا تسأل فيهم . .
- ماجى : (تفكر ودون أن تقرر شيئاً) طيب . .
وكأنها لا تعرف شيئاً عن عالمه أو دنياه . . أشكرك على أنك
منعتنى من الكلام مع الراجل ده
- كونتن : أى حد يعمل كده . .
- ماجى : أبداً كلهم بيضحكوا زى ما أكون نكته . .
(وتضحك فى ألم وصمت)
أنت حتقعد هنا كثير . .
- كونتن : شويه . . أنا مروح وديه أول مرة أعمل كده . .
- ماجى : أنت زى ما باشوفك دائماً . .
- كونتن : ازاي
- ماجى : مش عارفه . . تبان كأنك تقدر تقعد ساعات تحت الشجر
تفكر . .
- كونتن : أبداً مع أن أنا عادة باروح البيت على طول . .
(بامتعاض)
أنا دائماً أروح البيت على طول . .

- ماجى : ياه
- (وتتبه)
- شوف أنا لسه بادفع قسط الفونوغراف . . فى الوقت الى هما
ما بيعوش الأسطوانات وقت الواحد ما يعوزها . .
- كونن : يمكن خايفين إن ثمنها ينزل . .
- ماجى : أيوه يمكن كده . . وانت تعرف الحاجات دى منين .
- كونن : أبداً بالعقل . .
- ماجى : أيوه يظهر معاك حق . .
- (تضحك)
- ماعرفتش أفكر فى الحاجات دى . . وماعرفش ليه بيعوا
الحاجات دى بنصف الثمن . . (وتضحك بعق وهو أيضاً)
- كان عندى عشرة أو عشرين أسطوانة فى واشنطن لكن صاحبي
كان عيان والأسطوانات يمكن لسه هناك . .
- كونن : لكن إذا كانت لسه الشقة عندك . .
- ماجى : أنا مش متأكدة . . أنا جالى جواب من كام شهر بيقولى إن . .
- (لحظة صمت وتهكم)
- متيألى أفتح الجواب . . أحسن . . وصاحبي ده . . ساكن
قريب هنا . .
- كونن : لكن هو أحسن دلوقت ؟
- ماجى : مات . .
- (والدموع نجى فى عينيها)

- كونن : (في شدة الحيرة) أمتى ؟؟
- ماجى : يوم الجمعة الى فات مش فاكر إنهم قفلوا المكتب في اليوم ده
- كونن : قصدك . .
- (في دهشة)
- إن صاحبك كان هو القاضى كروز . .
- ماجى : أيوه . .
- كونن : أوه . . أنا ما كنتش عارف . .
- (بدهشة غريبة)
- ده كان محامى عظيم . .
- ماجى : (تمسح دموعها) وكان لطيف جدا معايا . .
- كونن : أنا كنت في الجنازة لكن مع ذلك ماشفتكيش
- ماجى : (بصعوبة تغالب دموعها) مراته ما كانتش ترضى تخلىنى أمشى في الجنازة لكن أنا رحى المستشفى . . قبل ما يموت ولما فتحت باب الحجرة عليه كل أسرته طلعتنى بره . . لكن أنا سمعته بينادينى ويقوللى ماجى . . ماجى . . وحاولوا يدونى ألف دولار لكن أنا رفضت وقلت لهم أنا مش عاوزة حاجة بس أشوفه وأسلم عليه
- (وفتحت حقيبتها وأخرجت مظروفاً وفتحته . .)
- آدى معايا شوية تراب من القبر بتاعه . . شوف السواق بتاعه هو الى ودانى هناك . .
- كونن : (ينظر إلى المظروف)
- ساب لك حاجة . .

- ماجى : أبداً ولا حاجة . .
- (وتضع المظروف فى حقيبتها وتقلها وتسرح .)
- كونن : كنت بتحبيه قوى . .
- ماجى : أبداً لكن هو كان لطيف جداً معايا . . والحقيقة . . مرات كتيرة سبته . .
- كونن : وماسبتيهوش خالص ليه . . ؟
- ماجى : هو الى ماكانش بيرضى . .
- كونن : كده . .
- أنت عاوزه تعملى إيه دلوقت . .
- ماجى : عاوزه أجيب الأسطوانة دى . . بس لوأعرف هيه بتتباع بالتخفيض فين ؟
- كونن : لا . . أنا بأسأل عموماً أنت حتعملى إيه ؟
- ماجى : تفتكر حيرفدونى دلوقت . . ؟
- كونن : ماأعرفش . .
- ماجى : أنا مش متضايقه . . أنا أقدر أروح للشعر تانى
- كونن : تروحي لفين . . ؟
- ماجى : أنا كنت باعرض تسريحات شعر . .
- (تضحك وتأتى بحركة من يمسك بزجاجة وتصبها على شعرها تضع رأسها تحت ذقنه . .)
- أنا مرة طلعت فى التليفزيون . .
- يمكن علشان شعرى ثقيل . . شايف شعرى زى شعر ماما . . مش

ملاحظ أن شعري مش مقصف . . معظم الستات شعرها
بيتقصف شايف حط إيدك عليه . .
(تمسك يده وتضعها على رأسها فجأة وتركها)
أنا متأسفة . .

كونن : لا مفيش حاجة . .

ماجى : أنا افتكرت إنك عاوز تشوف بنفسك يعنى . .

كونن : آه طبعاً . .

ماجى : طيب حط إيدك إذا كنت عاوز

(وتخني رأسها مرة أخرى فيلمس قمة رأسها)

كونن : آه مضبوط شعرك ناعم خالص . .

ماجى : (باعتزاز)

أنا مرة اشتغلت منادى فى لوكاندة وسبتها فى ١٠ دقائق واشتغلت
فى فرقة هزلية . .

كونن : طيب وإيه اللى خلاك تسيبها ؟

ماجى : بدأوا بيعتوني فى حفلات . . ومفروض أن الواحد لازم يعامل

كل الناس وانت عارف بقى . .

كونن : أيوه . .

ماجى : وفيه حاجات أنا مابقتش أحبها دلوقت خالص . .

(لحظة طويلة . . فجأة يمر طالب ويقرأ فى كتاب وينظر من كتابه إليها فى

خجل . . ويمضى فى القراءة وتضحك . . وتنظر إليه وتضحك . .)

مش دمهم خفيف لما يبصوا من ورا الكتب كده ؟

(وينظر هو إليها في حرارة ويبتسم ..) أنا متأسفة الى حظيت إيدك على رأسى ..

كونن : لا مفيش حاجة .. أنا مش وحش للدرجة دى

(ويضحك برفق ولكن وى حرج ..)

ماجى : لا أنت مش وحش ..

كونن : ماقصدش وحش قصدى باتكسف ..

ماجى : مش وحش أنك تنكسف ..

(وترمقه بنظرة طويلة ..)

قصدى إذا كانت دى طريقتك يعنى ؟

كونن : أيوه بيتيألى كده ..

(لحظة صمت يتبادلان النظرات ..)

أنت حلوة قوى يا ماجى ..

(بتسم وتعتدل فى جلستها كأن كلماته قد نفذت إليها ..) أنا عاوزك تعرفى

إزاي تاخدى بالك من نفسك ..

ماجى : أوه ..

(وقد وضعت أصبعها على خرق فى فستانها) الفستان انقطع النهاردة

الصبح فى الأوتوبيس لما روح البيت حاخيطه ..

كونن : لا أنا ماقصدش ده ..

(وتلتقى عيونهما)

لا أنا مابقولش على ده أبداً بالمره خالص فاهمه

(وتهز رأسها وقد استغرقت فى النظر إلى وجهه وينهض واقفاً ..)

أنا لازم أروح دلوقت . .
(وتنهض هي أيضاً وتتطلع إليه وتقرب منه ويلاحظ ذلك وتحرك يده ويكتفي
بالسلام)
تقدرى تدورى على محلات الأسطوانات فى دفتر التليفون . .
: ماجى: لا أنا حاتمشى فى الجنينة . .
: كونتن: لا مش لازم الدنيا بدأت تضلم . .
: ماجى: لكن دى جميلة بالليل . . مرة نمت فيها بالليل لما كانت حجرى
حر . .
: كونتن: أوه . . لا أنت مش لازم تعملى كده . .
: ماجى: أوكى . . أنا حاروح أشتري الاسطوانة . . متأسفة علشان حكاية
شعرى إذا كانت ضايقتك . .
: كونتن: (يضحك . .)
أبدأ . .
: ماجى: (يلمس قمة رأسها . .)
أهو مش مقصف
(وتضع يدها على الخرم الموجود فى الفستان . .)
أنا حاصلحه فى البيت . .
(يهز رأسه وتشير هي إلى الجنينة فى أعلى المسرح . .)
أنا مش قصدى إن أنا نمت هناك . . إنما غفلت وأنا قاعدة . .
(ويظهر اثنان من الشبان يمران ببطء بالقرب منها يتوقفان تحت الضوء فى
انتظارها)

كونتن : آه . . فهمت . .
 ماجى : أشوفك بعدين . .
 (تضحك . .)
 ده إذا ماكانوش حيرفدونى . .
 كونتن : باى . . باى . .
 (تمر بالشابين اللذين يمشيان وراءها خطوة خطوة ويهمسان فى أذنيها . . فلا ترد عليها ولا تندھش)
 كونتن : (فى قلق يسرع وراءها ويناديا ويمسك ذراعها ويبعدها عن الرجلين ويخرج ورقة مالية من جيبه . .) ماجى . .
 خدى لك تاكسى على حسابى وروحى على طول . .
 فيه واحد هناك أهه . .
 يالله خدى التاكسى ده . .
 (يشير إليه ويصفر . .)
 ماجى : (وقد أدارت ظهرها للشابين)
 فين ؟ طيب أخده وأقول له أروح فين ؟
 كونتن : خديه وروحى ابعدى عن هنا وخلاص . .
 ماجى : أوكى . . باى انت لسه حتستنى شوية
 كونتن : أنا مش عارف . .
 ماجى : (فى دهشة وتسرع بينما يظل واقفاً يتطلع إليها ويقف الشaban ينظران إلى التاكسى)
 أشكرك على لطفك

(ويسقط الضوء على لويز وهي تقرأ في مقعدها . . بينما يضع كونن حقيبته وراء ظهره ويمشي على مهل ويصبح على مدى خطوات منها . . ينظر إليها وتظل هي غير مدركة لوجوده وتمضي في القراءة والتدخين . .)

كونن : ياه . . ياه . . عندها . . وصدر وشفافيف . . وعينين رائعة . .
امرأة جميلة معجزة وفي بيتي كمان
(ويمشي إليها وينحني ويقبلها وتنظر إليه مندهشة وفي حيرة)
هاى . .

(وتظل تنظر إليه . .)

إيه الحكاية ؟ (لا تتكلم)

إيه الحكاية ؟

لويز : (وتعود للكتاب حائرة يائسة ويقف يرقبها ويفتح حقيبته ويسحب أوراقه)

اقفل الباب إذا كنت حكتك على الماكينة . .

كونن : أنا دائماً باقفل الباب . .

لويز : لا مش دائماً . .

كونن : غالباً . .

(يكاد يضحك لكن يبدو أنها غير مستعدة للضحك وتضع رأسها في الكتاب

مرة أخرى ويتجه إلى غرفة النوم ويتوقف . .)

إيه رأيك نتعشى بكرة قبل اجتماع الآباء . .

لويز : ايه اجتماع الآباء ده ؟

كونن : مجلس الآباء بتاع المدرسة . .

لويز : ده كان الليلة

- كونن : (وقد صدم)
حقيقى !
- لويز : طبعاً أنا لسه راجعة دلوقت . .
- كونن : طيب مافكرتنيش ليه لما طلبتك النهاردة ؟
- لويز : أنت عارف زى ما أنا عارفه . .
- كونن : لكن انت عارفه أنى أنا أحياناً بانسى . . الحاجات دى . . وأنا قلت لك إنى أنا عاوز أكلم المدرس بتاعها . .
- لويز : (أكثر حدة)
- الناس بتعمل اللى هيه عاوزه تعمله يا كونن
- كونن : لكن أنا كنت باكلمك الساعة ٣ بعد الظهر
- لويز : لكن انت قلت إنك حتشغل بالليل مش فاضى
(وتطيل النظر إليه بتمعن وتعود إلى كتابها ويقف مفزوعاً)
- كونن : أنا ما اشتغلتش . .
- لويز : أنا عارفة إنك ما اشتغلتش . .
- كونن : (مدهشاً)
- عرفتى إزاي ؟
- لويز : علشان ماكس سأل عليك الساعة ٧,٣٠
- كونن : د ماكس سأل ليه ؟
- لويز : لأنه يظهر اللجنة التنفيذية كانت فى مكتبه مستنيينك علشان يقابلوك . .
- (يضع يده على رأسه ويبدو الفزع على وجهه)

- والحقيقة إنه طلبك ٣ مرات . .
- كونتن : (يسرع ناحية التليفون ثم يتوقف . .) إزاي حصل ده ؟
- لويز : مش حتلاقيهم دلوقت الساعة دلوقت ١٠,٣٠
- كونتن : يا ساتر يا رب . . إزاي حصل ده . . نمرته في البيت كام . .
- لويز : دفتر التليفون في حجرة النوم .
- كونتن : كنا حتتناقش في حكاية قضية «لو» اللي أنا أخذتها وأنا ماشي في الشارع . .
- (ورايح وجاي كأن مافيش حاجة أبدأ) .
- هو نمرته كام في البيت كام . .
- لويز : دفتر التليفون جنب السرير . .
- كونتن : انت مش كنت عارفة نمرته ؟
- لويز : نمرته في الدفتر . .
- (لحظة صمت وينظر إليها متحيراً . .)
- كونتن : بتعملي إيه . .
- لويز : أنا باقول لك إن الدفتر في أوضة النوم
- كونتن : (يلقي بالتليفون على الأرض في خوف أكثر منه في غضب . .) لكن انت عارفه المرة . .
- لويز : أنا مش حافظة لك نمر التليفونات بتاعتك . . انت تقدر تفتكرهم زى أنا ما بافتكر . .
- (كونتن يهز رأسه في سخرية) ماتستعملش التليفون دلوقت البنت لسة نائمة . .

- كونن : أنا ماعنديش نية أطلبه دلوقت هناك ..
- لويز : عارفه إنك عاوز تكلمه فى السر ..
- كونن : مافيش سرفى الحكاية دى .. الحكاية دى تهمنى زى ماتهمك ..
- زى الأكل الى فى بقلك والهدوم الى عليك ..
- لويز : حقيقى ؟ ومن امتى بتفكر فىنا احنا الاتنين
- كونن : الاجتماع كان بشأن إنى أقرر إذا كنت حاسب الشركة دى لحد ما تخلص قضية «لو» ولا أسيبها على طول ..
- (ويتجه ناحية التليفون وتقف هى برعب زائد ويطلب الرقم ..)
- لويز : (رغم إرادتها)
- دى نمرته القديمة ..
- كونن : مش ٩٦٧٨
- لويز : اتغيرت بقت ٥٥٥
- كونن : (لا توجهه ونحس إنه انتصر عليها) متشكر
- (ويطلب الرقم ويجلس هى)
- مش عارف حاقول له إيه .. كنا منظمين كل حاجة إن احنا نتقابل بعد الغدا ومن غباوقى نسيت
- لويز : يمكن كنت خايف ..
- كونن : طول بعد الظهر وأنا عمال أعمل مذكرات عن الكلام الى حاقوله بالليل ..
- لويز : (بمغزى)
- يمكن انت ماقدرتش تعرف انت خايف قد إيه

كونن : لا مش عارف . . هو ماكس قاللى حاجة مرعبة النهاردة كان
بيحاول يقنعنى بأنى أسيب قضية «لو» . . لكن أنا قلت له لازم
نكون حريصين على أننا نأخذ موقف جديد لأن فيه فى البلد
هستريا وأنا متيألى أن دى حاجة كاوية جدا إن الواحد يقولها . .
لكن هو ماتصورش كده وكنا عاملين زى اتنين واقفين فوق جبلين
بعيدين عن بعض . . وقال لى أنا ماعرفش إن فيه هستريا
ومافيش فى المكتب ده . .

لويز : لكن ده كله بيدعشك ليه ؟

كونن : مش فاهم انت عاوزه تقولى ايه بالضبط . .

لويز : عاوزه أقول إن فيه مسائل لازم تواجهها وإنك انت واخذ الناس
كلهم قرايبك . . ماكس ده مش أبوك ولا أخوك هو مش أكثر
من محامى مهم جدا . . وله مصالحه وهو لا يمكن يعرض مؤسسته
للخطر علشان يدافع عن واحد شيوعى وأنا مش عارفه إنك انت
ازاى كنت فاهم غلط

كونن : قصدك إيه . .

لويز : قصدى انت ماتقدرش يبقى عندك كل حاجة وإذا كنت متحمس
لحكاية «لو» بالشكل ده يبقى انت حتضطر للاستقالة . .

كونن : تفتكرى لازم يعنى . .

لويز : افكر ده يتوقف على مدى عمق إحساسك بالنسبة لـ «لو» .

كونن : أنا باحاول أحدد موقفى لكن أنا مش متأكدة إيه رأيك أنت ؟

لويز : مش مسألة رأى . .

- كونن : (متحيراً في دهشة)
- لكن متيألى يهملك برضه . .
- لويز : طبعاً يهمنى . .
- كونن : لكن أنا بس حريص على أنى أعرف . .
- لويز : انت ؟ حريص على رأى . . ؟
- كونن : احنا مش كنا بتكلم دلوقت . . فى موضوع واحد . .
- لويز : (تهز رأسها مؤكدة)
- انت لازم تقدر شعورك . . بالنسبة لإنسان معين . . مرة واحدة فى عمرك . . وبعد كده تقدر تقرر موقفك بالنسبة لغيره بوضوح ومرة واحدة
- كونن : طيب تفتكرى أنا كنت فى الليلة . .
- لويز : ما يهمنىش انت كنت فى الليلة . .
- كونن : قعدت فى جنينة شوية وفكرت وما نمتش مع ستات تانية لكن بيتيألى إنى باتصرف زى ما أكون عملت كده . .
- (تستمع إليه) أحياناً أخليك تشكى فى يمكن علشان أحس انى أنا مابقتش قاضى وبالشكل ده أبطل الحكم على الناس وأحياناً بافكر إذا كنت أنا سبت لك الجواب علشان تقره وتقرى حكاية البنت وبالشكل ده أنضم للناس المتهمين الملعونين وبالشكل ده أرجع تانى أعيش حقيقى . . تقدرى تفهمى ده ؟
- لويز : لكن أنت ليه بتحرص على أنك تبقى متهم بالنسبة لحاجة ما بتعملهاش . .

- كونن : (في ضيق)
مايحصلش إنك بتشعري بالخجل والعار لحاجة انت عملتيها في
الماضى . . تقدرى تفهمى ده ؟؟
- لويز : ماباعملش حاجة أخجل منها . .
- كونن : (مندهشاً ومتجهاً ناحيتها في غضب) بتقولها في صدق . . ؟
- لويز : (تنهض) أنا رايحة أنا . .
- كونن : بصراحة لما نتكلم وييجى الكلام ضدك تبقى عاوزة تنامى ونفسك
تنفتح للكلام لما يكون عن غلاطاني بس
- لويز : اسمع بقى . . انت رحت المكتب مرة واحدة في الأسبوع من
الشتاء الى فات . . انت مش محتاج انى أسامحك أنت عاوز نهاية
الجواز ده لكن ماعندكش الشجاعة انك تقولها . .
- كونن : طيب أنا مش مكسوف كمان انا قابلت بنت الليلة . . واحدة
بالصدفة بتشتغل عاملة تليفون في المكتب . ماكانش لازم احكى
لك الحكاية دى . . لكن حاقولها لك . . بنت غبية حمقاء بتنام
في الجنينة . . فستانها مقطع . . قالت لى حاجة مضحكة . .
لكن حاجة قالتها هزتنى مابتدافعش عن حاجة ومابتتمسكش في
حاجة ولا بتهمش حد . . قاعدة كده زى شجرة زى قطة . .
وأنا حسيت بشيء غريب وأنا قاعد جنبها وحسيت ان احنا
بنموت بعضنا ونقتل بعضنا علشان بندافع عن حاجات مجردة . .
أنا مثلاً بدافع عن «لو» علشان بحبه . . لكن المجتمع بيعحوله الى
خيانة . . بيسموها قضية . . وبتنتهى بأنى أصبح انسان

مكروه . . ليه مابتكلمش تحت مستوى القضايا ؟ انا جيت هنا دلوقتى وعندى شعور قوى انى أجيلك وانت تجيلى . . ويمكن حاجة مضحكة انى اقول لك ان البلد ده مليانه ناس عاوزه تقابل بعض . . البلد مليانه محبين . .

لويز : وقالت لك ايه . .
كونن : أنا بيتيأ لى مكانش لازم اقول لك . .
لويز : وليه لأ . .
كونن : أنا مابقتش أعرف إيه الى بيتقال وإيه الى ما بيتقلش . .
لويز : انت ماتعرفش إيه الى مابيتقلش . .
كونن : طيب مافيش داعى بقى تحبى حاجة بالمره وكان من السهل أنام معاها !

(ويحمر وجه لويز وتتصلب فى مكانها . .)
وماعملتش لها حاجة علشان كنت بافكر فيك وماعرفتش ليه السبب لكن جيت هنا ولقيتك مستينافى فى بيتى ودخلت الحجرة دى مليون حب . .

لويز : وأنت كنت عاوز إيه ؟ أهنيك ؟ يعنى متوقع إنى أنا أقعد أنا وأستمع بآخر مغامراتك مع واحدة من الشارع زى دى . .
كونن : ايش عرفك إنها من الشارع . .
لويز : لا مؤاخذه أنا ما قصدتش إنى أشتها . . انت حاجة مش معقولة أبداً . . افرض إنى رجعت لك وقلت لك إن فيه واحد راجل قابلته فى الشارع وإنى عاوزه أنام معاها لأنه خلانى أحس إن

المدينة مليانة محبين . . شعورك يبقى إيه بقى تبقى سعيد بالاكتشاف

ده ؟

كونن : أنا آسف . . طبعاً كنت حاتضايق مافيش شك . . لكن أحس

من كلامك إنك بتقاومى وتعبانة وده يخلينى أسأل نفسى ويمكن

تبقى عندى الشجاعة إنى أسألك ليه أنا فشلت معاك ..

لويز : على كل حال انت اديتنى إنذار وأنا استلمته . .

كونن : انت ماحصلكيش شك أبداً . .

(ويظهر ميكى فى ملابس الصيف)

ميكى : فيه حاجة واحدة أقدر أقول لك عليها . . أكيدة وهى إنك

ماتحليش عندك شعور بالذنب . .

كونن : كده ؟ لكن إذا حسيت بالذنب . .

(الزى تدخل فى دائرة الضوء والبرنس يفتح على المايوه)

الزى : ده عنده غباء معنوى . .

كونن : صحيح معاك حق - لكن إيه يعنى معنوى . . معناها إيه . .

حقيقى ؟ وأنا مين علشان أسأل حتى السؤال ده ؟ الإنسان لازم

يعرف الإنسان المعقول يعرف ده زى ما يعرف وشه تمام . .

(وتدخل لويز معاها ملايه مطبقة ومعدة تلقى بها على المقعد)

لويز : أنا مش عاوزه أناام معاك

كونن : أرجوك . .

لويز : انت إنسان كرية . .

كونن : لكن الصبح حيلاحظوا . .

- لويز : كان لازم تلاحظ الحكاية دى (يدق جرس التليفون ولا يتحرك)
 انت اديت لحد نمرة التليفون ..
 (يتجه للمستمع)
 كونن : أنت اديت لها نمرة التليفون
 (وتتقدم للتليفون)
 هالو أيوه موجود .. لحظة واحدة ..
 (وتسلم التليفون وتقول له)
 ماكس ..
 (وفى لحظة يقف وينظر إليها ويمسك الملايات ويعطيها لها)
 كونن : ماقدرش أنام هنا .. أنا مش عاوزها تشوف إن أنا كنت نايم
 هنا ..
 (وتترك هى البياضات تقع على الأرض وتبدو الكراهية على وجهه ..) فى
 التليفون .. ماكس أنا آسف أنا نسيت خالص ومش عارف
 أشرح لك إيه الى حصل .. الراديو لأليه ؟ إيه ؟ .. وامتى ؟
 (لحظة صمت طويلة ..)
 متشكر .. إنك قلت لى مع السلامة أشوفك بكرة
 لويز : إيه الحكاية ..
 كونن : لو .. داسه ترمای الليلة ..
 لويز : إزاي .. ؟
 كونن : مش عارفين .. بيقولوا سقط أورمى نفسه ..
 لويز : ما يقدرش .. لازم ناس زقوه ..

- كونن : مافيش ناس الساعة تمانية . .
- لويز : لكن ليه ؟ «لو» عازف نفسه وعارف هو واقف فين . .
مستحيل . .
- كونن : يمكن مش كفاية إن الواحد يعرف نفسه . . أنا أعتقد إنه
انتحر . .
- لويز : لكن ليه . . مش قادرة أفهم . .
- كونن : أنا لما شفته الأسبوع اللي فات قال لي حاجة خوفتني . . وأنا
حاولت ما اسمعهاش . .
- لويز : إيه . . ؟
- كونن : إنه اكتشف إنني أنا الصديق الوحيد اللي له . .
- لويز : طيب ده مخيف ليه ؟
- كونن : (متفادياً)
أهه . . خوفتني مش عارف ليه ؟
- (ويتقدم في نهاية المسرح والدموع في عينيه)
- ماقدرتش أعرف ليه دلوقت أقدر . . كانت حاجة مخيفة لأني
ما كنتش صاحبه وهو عارف لو كنت صاحبه لكنت فضلت معاه
للآخر لكن أنا كرهت الخطر اللي فيها وهو ما كنش بيقول لي أنا
صاحبه . لكن كان بيعحاول إنه يعملني صاحبه . . كان بيقول لي
أرجوك تبقى صاحبي . . أنا باغرق أرمي لي حيل لأن أنا عاوز أبقى
أمريكاني مخلص من جديد وأثبت إنه أمريكياني طيب بالسعادة

الى أنا حاسس بها دلوقت لأن الخطر مات تحت عجل
الترماى . .

(ويظهر برج المعسكر ويتجه إليه . . وتظهر هولجا ومعها الزهور . .)
الى أنا باقوله ده مش اضطراب فى طبيعتى كإنسان أنا أقدر
أشوف بوضوح عادى جدا . . المقاولين بسجايرهم الكبيرة
والنجارين والسباكين وهما بياكلوا مع بعض . . أقدر أشوفهم
وهما حطين الأنابيب الى بتسحب الدم بره المعسكر ده . . إن حد
غيرهم حيموت . . إزاي الواحد يفهم ده . . إذا كان عنده
شعور إنه مش مشترك معاهم . .

(تتلاشى القلعة وتظهر هولجا ولوين)
وخصوصاً لما الخطر يزول تحت عجلات الترمای وتبص تلاق
نفسك بعيد عنه وفى أمان . .

ماجى : (تتنفض بصوت مسموع . .)

كونتن

(يبتعد عنها فى ألم ويتوقف عند جانب من الملايات واخذة الملقاة على الأرض
ولوين فى الناحية الأخرى وينظر إلى هذه الأشياء الملقاة على الأرض !)

كونتن : عاوز أناام لأنى تعبان .

(وينحنى يلتقط الملايات وفى جزء من الثانية تحاول هى بينما تمتد يده إلى
الملايات)

لوين : بصعوبة شديدة . . أنا كنت فخورة بأنك ماسك قضية «لو»
وكانت . .

(وتلتقط الخدة..)

شجاعة منك ..

كونن : أنا سعيد بإحساسك ده .. وأشكرك انت قلتي لي ده

لويز : أنا ياما قلت لك ..

كونن : أخيراً ؟

لويز : تصبح على خير ..

(يلاحظ أنها لا تريد أن تتركه وحده ..)

كونن : عاوز أقول لك حاجة .. أنا باستمرار حاولت إني أعملها وياك

وهي إني أكون مخلص ..

لويز : لا .. انت حاولت بس تنظم أمورك تخلى نار البيت قايدة ..

وتشوف حالك في حته تانية ..

كونن : يعني عاوزه تقولي إن كل اللي أنا باعمله خداع

لويز : مش كله معظمه ..

كونن : يعني ماكانش فيه صراع .. ؟ ماكانش فيه ألم .. ؟ ماكانش فيه

صراع علشان ألاقى طريق أرجع لك فيه ؟

لويز : لا ده ماكانش صراع ..

كونن : طب أمال انت بتعملي هنا إيه ؟

لويز : أنا باستنى الصراع لما بيتدى ..

(وصدمته هذه العبارة وبشيء من الصعوبة ينظر إليها ويتعد عنها ..)

كونن : (وحده ولنفسه متجهاً إلى المستمع) حبيبي فيه أسوأ من كده ..

شايف ده اللي مش معقول بالنسبة ليه .. ثلاث سنوات كمان ..

إيه الى أنا متوقعه علشان ننقذ به بعض ، وفجأة وربنا يعلم ليه
مدت هي إيدها ومديت إيدي وضحكنا .. وضحكنا ووشها
المخلص بيص لى ..

(ويتوقف وابتسامة غريبة هي الى أنقذت الموقف ويمكن ده الى خلاى جيت
وأنا لسه معتقد فيها ومعتقد إن احنا فى أعماقنا أصدقاء .. أنا ماقدرش أصدق
العالم ده والكراهية دى مش حقيقة بالنسبة ليه .. وينظر إلى الملاية التى على
الأرض ..)

وحانام على الأرض زى الكلب فى بيتى .. هل ده من الممكن
يبقى ضرورى .. وبعدين أدخل لها وافتح لها قلبي وأعترف لها
بسحر المرأة .. أقول لها كل حاجة .. الصدق لازم ينقذنى ..
وأنا عملت كده ويمكن الصدق بعد كل ده يؤدي إلى جريمة ..
الصدق قتل «لو» وضرب ميكى فاضل إيه ؟ كدبة جديدة ..
يمكن فاضل خطيئة واحدة بس هي أن الواحد يحطم بها
إيمانه .. القوة بتيجي من ضمير مستريح أو ضمير ميت ..
(وينظر إلى باب الخروج)

إن الواحد يعرف كل حاجة وما يوافقش على كل حاجة ينعم ذقنه
ويفتكر أعياد الميلاد .. ويقفل أبواب العرييات مش بالصدق
لكن بالاستماع لها .. ويبقى متشكك فى عصره لكن فى السرير
مطلق وبالشكل ده تبقى راجل وتبقى على صلة بالعالم ..

(ويتفكير يلقي الملايات على الكنبه ويتوقف ..)

وفى الصباح خنجر فى قلب طفلتك الصغيرة .. (ويشير بهذا الخنجر

ناحية لويز . .)

كلبه

(ويجلس)

وحاقول إن عندي برد مش عاوز أديه لماما . .

(باحقار)

بف . .

(ويحاول أن يتكلم من أنفه)

خدت برد فى مناخيرى

(لحظة صمت وسكون صوت طائرة نفائة يسمع ويظهر بواب المطار ويضع

حقبتين عندما تظهر هولجا وقد ارتدت ملابس رحلات وتفتح حقبتها وتعطيه

بقشيشاً وتبحث عن كونين الذى ينظر إلى ساعته ويتجه إلى مقعده . .)

الساعة السادسة . .

(وينظر إلى هولجا التى لاتزال تبحث عنه بين الناس ويخاطب المستمع)

هو ده أكبر دليل على أن الوعود غلط . . لكن إزاي الواحد

يعيش فى الدنيا من غير وعد وأنا ما أقدرش أنسى الطريقة اللى أنا

صحيت بها كل يوم الصبح أفتح عيني زى دلوقت وده حقيقى

لكن فين الدليل ؟ هل هو مجرد أن قلبى بيدق ؟ أكيد لازم

أشتمه . .

(ويتسم ويجلس بينما يتابع بعينه المستمع من المسرح وفى هذا الوقت يتحرك

الضوء فى أعلى المسرح ويتحدث هو فى اتجاه الضوء)

انت ماعندكش مانع . . استنى شويه ؟ وهو كذلك أنا عاوز

أنهى الموقف ده . . على الرغم من أنى أنا جيت بس علشان أقول هالو . .

(ويواجه الجمهور والضوء الذى كان يتابع المستمع يتلاشى ويقف وحده ومن أعلى المسرح نسمع الأنفاس العالية والضوء يخفت لتبدو ماجى وظهرها يبدو لنا وقد جلست فى سريرها . .)

ماجى : كونتن . . كونتن . .

كونتن : (فى ألم)

حالاََ جاي . .

(ويطبق عينيه . .)

حالاََ جاي . .

(ويقف كأنما يحوم فى الغرفة ويتحرك بلا هدف ويضع سيجارة فى فمه ويشعلها بالولاعة بينما يسود الظلام)

« ستار »

الفصل الثاني

المسرح مظلم ويلمّع أو يبرق شيء ، وتوقد شعلة ، وعندما
يضاء المسرح نكتشف أن كونتن يشعل سيجارته .
لم يمض وقت على الفصل الأول ويظل ينتظر عودة
المستمع . . ويمشى بضع خطوات يفكر ، وبينما هو كذلك
نسمع صوت طائرة نفائة وصوت الميكروفون في المطار يعلن :
من فرانكفورت عند الباب رقم ٩ وعلى السادة المسافرين
أن يتفضلوا . . وفي هذه اللحظة تظهر هولجا ابنة جميلة . .
وتمشى إلى أعلى مستويات المسرح ومعها أحد الشياطين في المطار
يحمل حقائبها . . وتمضى معه وتتلفت حولها كما لو كانت بين
الجهاهير . .

وعندما تلمح كونتن تقف على أطراف أصابعها وتلوح له :

هولجا : كونتن . . هنا أنا هنا . .

(وتفتح ذراعها عندما يقترب هو بوضوح هالو . . وتختفي عندما تظهر لويز من
جانب آخر على شعرها شريط وحول عنقها قناع طبي وبالطو أبيض يكشف عن
سويتير وجيب يرجع إلى ٣٠ سنة مضت . . وتنظر إليه)

لويز : هالو . . أنا نجحت وخذت الشهادة وخذت ممتاز . . البحث ده

الى عن روزفلت . . ودلوقت أنا معايا ماجستير . .
(تضحك) وتفتكر قالوا عليه إيه ؟ . . قالوا إن أسلوبى التحسن
بصورة مش معقولة . .

(تضحك وتمشى كأنها معه)
لو ماكانش معاك الممسحة دى أنا كان اتهالى ، إنك على كل
حال شكلك كويس فى الهدوم البيضاء دى . .
(تتوقف)

انت حتسافر امتى . .

وفى خجل
أنا حاحاول أشتغل فى بعض المعامل فى نيويورك . . واحسن لى
أعيش هناك مع أهلى وأدور لى على حاجة ثانية . . على كل حال
هناك علماء جراثيم اليومين دول أكثر من الصراصير . .
(فى فزع وخجل)

إلا إذا ماكتتش عاوزنى أروح هناك . .
(بتسم . .) عاوزنى أجيب لك مرتبة بعدين ؟ أنا معايا فلوس . .
أنا لسه بايعة كتبى . .

(وتتوقف فجأة وتنظر إلى الأرض)
أنا متأسفة . . أنا نسيت إنها مبلولة . . أشوفك بعدين بقى . .
(وتلوح بيدها فى سعادة وتمضى على أطراف أصابعها فوق أرض مبللة إلى
الظلام . . عندما يسقط الضوء على مقدمة المسرح ويتجه كونتن إلى المستمع
الذى عاد ويبتسم)

كونتن : دلوقت أحسن . . أنا ما بهمنيش إني أنتظر يعنى حتديني وقت اد إيه ؟ . .

(وينظر إلى ساعته ويقترب من المقعد عندما تظهر ماجى أعلى المسرح فى فستان زفاف وأمامها التزى راکعاً على ركبتيه يسوى فستانها والخادمة الزنجية كارى تقف بالقرب منها تمسك الجوانق فى يديها . . وتبدو ماجى عصبية كما لو كانت تنظر فى مرآة . . كونتن يجلس على المقعد وينظر إلى الأمام ليتكلم . .)

كونتن : أنا . .

(التزى ينهض ويخرج بسرعة عندما)

ماجى : (فى تأثر وخوف وأمل)

يا كارى دلوقت تقدرى تقولى له يدخل . . (كأنها تحاول النطق بكلمة جديدة)

قولى لجوزى يدخل . .

كارى : (تمضى بوضع خطوات وتتوقف)

تقدر تدخل بقى يامستر كونتن . .

(وتختفى ماجى وكارى ويتجه هو إلى المستمع)

كونتن : دلوقت بس أقدر أفكر أوضح . . ومش حاخذ منك وقت طويل واللى محيرنى موت الحب ومسئوليتى قدامه . .

(تظهر هولجا مرة أخرى تبحث عنه فى المطار)

الست دى جنبى . . أنا ما عنديش شك فى دى ومش عاوز أتهم

مرة ثانية وخصوصاً من دى

كلهم سقطوا

(يقف مضطرباً) وفجأة أنا مندهش ليه أنا حاجبوز مرة ثانية . .
إلا . .

(لحظة صمت ويتوقف)

إلا إذا شفت نفسك ولو مرة واحدة ماحصلكش كده ؟ يحبوز أنا
حلمت إني شفت نفسى على حقيقتها لكن أقسم لك إذا أنا
حسيت مع ماجى ولو مرة واحدة جزء من اللحظة أنى أنا شفت
حياتى على حقيقتها . . الى أنا عملته والى اتعمل لى والى كان
لازم أعمله والى شفته ده كان دايماً حاسس بيها فوق دماغى مش
واضحة دلوقت عاملة زى القمر لما تطلع عليه الشمس وأنا
لو قدرت أدخل شوية ضلمة حوالين القصر ده حينور تانى . .
دى حكاية لها علاقة بالقوة والسيطرة مش عارف . . مش
عارف . .

(تظهر فليس وبسبيل أن ترفع الرباط من فوق أنفها)

يمكن ده السبب إن هيه لزقة فى دماغى . . هيه بتدخل فى دماغى
شئ من الظلام . . شئ مخيف . .

(يدور حولها ويحلق فيها) شئ من القوة . . مش كده . . علشان
أخللى واحدة تغير شكل مناخيرها . . تغير حياتها . . وغيرت
حياتها وعلشان كده بتخوفنى وأنا باطلب من الله

(فليس ترفع يديها)

فليس : إنى أبقى لك على طول

كونتن : إنها تبطل دعا علشانى

(يضحك بصعوبة مندهشاً لشدة خوفه)
يمكن علشان فيه كذبه أو احتيال .. أنا ماعنديش القوة دى ..
(تظهر ماجى على سريرها الخويرة تتحدث فى التليفون)

ماجى : (بشيء من الغرور)

هالو.. هو.. ازاي عرفتني .. (تضحك) ..
صحيح فاكرني .. فاكر ماجى .. يوم الدكة فى الجنية .. يمكن
علشان الحكاية دى من أربع سنين أنا ماكتتش متصورة إنك
حتعرفني ..

(ويبعد عنها وتمضى فى حديث غير مسموع)

كونن : (واقفاً إلى جوار الكرسي وينظر إلى حيث تظهر فليس رافعة يديها داعية له .

وبعد لحظة تختفي ويتحدث إلى المستمع)

أيوه .. أكيد أنا ملاحظ الشبه اللى بين الاثنين .

(تسمع ضحكة عندما تظهر هولجا جالسة إلى منضدة فى أحد المقاهى ويجوارها
مقعد خال)

هولجا : تعجبنى طريقتك فى الأكل .. بتاكل زى واحد باشا .. زى
واحد دوق ..

كونن : (ينظر إليها ويلتفت إلى المستمع)

ودى معجبة كمان .. بس إعجابها مختلف ..

(عندما يتحرك تجاه هولجا يتحدث إلى المستمع)

نرجع لموضوعنا .. أنا كنت باتكلم عن القوة ..

(وبينما هو يتحدث تتغير ملامح هولجا وتصبح عصبية ولا توجهه وتشعر أنه

جرحها . . ويجلس إلى جوارها ويتحدث إلى المستمع)
في يوم بعد الظهر كنا قاعدين في قهوة في سالزبورج . وفجأة مش
عارف لي حسيث إن كل حاجة بيننا ماتت . . وشفت إن كل
حاجة بتتكرر تاني . . عارف اللحظة لما تبص تلاقى نفسك بتتكلم
بيأس عن المعمار . .

هولجا : ده كان سنة ١٥٣٥ . . كبير الأساقفة هو اللى عملها بنفسه . .
كونن : رائعة . .
هولجا : (من بعيد)
أيوه . .

كونن : (يستجمع شجاعته ويتجه إليها)
هولجا أنا لاحظت النهاردة الصبح إن مخدتك مبلولة . .
هولجا : دى حاجة مش مهمة أبداً . .
كونن : مافيش دموع مش مهمة . .

(يمسك يدها ويبتسم)
أنا عارف كل حاجة إلا إذا كان ده مش من شأنى
(تمسح عينيها حزينة)
أنا بالاحظ عليك حتى بالنهار بتبقى عاوزه تعيطى
هولجا : أحياناً باحس إنى باضايقتك . .

(تظهر لويز)
لويز : أنا مش تافهة للدرجة دى يا كونن . .
(تختفى لويز)

- هولجا : يمكن احنا قعدنا مع بعض مدة طويلة جدا
- كونتن : مافيش غير أسابيع قليلة
- هولجا : يجوز أنا مش مسلية للدرجة دى
- كونتن : (يحملق فيها محاولاً أن يربط بين ما يقول وبين الذى كان يفكر فيه .. وفى هذه الحيرة يتجه إلى المستمع)
- الموضوع الى أنا باتكلم فيه كان عن القوة .. لكن أنا مش عارف دلوقت إيه العلاقة بين ده كله (تظهر لويس تمشط شعرها ..)
- أيوه .. !
- (ينفض ويدور حول لويز)
- أقول لك بصراحة كان فيه أوقات تبص لنفسها فى المرايا وماكانش وشها بيعجبها ، وكنت عاوز أقف بينها وبين الى هيه شايفاه وحسيت إني مذنب حتى بالنسبة لى هيه شايفاه فى المراية .. لكن فى اليوم ده ..
- (يعود إلى المقهى ويجلس ببطء)
- كان فيه حاجة جديدة .. وهو إني مش عاوز أوجه لنفسى أى لوم .. فجأة مش عاوز أواجه أى لوم .. وحسيت إن كل واحد منا مسئول عن تعاستنا احنا الاتنين هنا
- هولجا : أنا عاوزاك تصدقنى يا كونتن .. مش مضطر لأى حاجة هنا
- كونتن : اسمعى أنا أقدر أمشى ، لكن الحقيقة إني حادور عليك بكره .. أنا مش عارف حابقى فين وأنا شايف كل حاجة بوضوح دلوقت .. وجه الوقت الى يخلينى أحس إني لازم أمشى .. أمشى .. مش

ناحية أى حاجة ولا بعيد عن أى حاجة . . مجرد المشى فيه
شئ . .

(تظهر أمه وترفع يديها)

الأم : اسمع يا حبيبي مافيش يأس عند الناس العظماء . . أول مرة
حسيت إنك بتتحرك فى بطنى كنت واقفة على البلاج . .
(ينفض كونهن من مقعده متجهاً إليها)

كونهن : لكن القوة . . فين الـ . . ؟

الأم : وشفت نجمة وكانت بتلمع وبتلمع وفجأة وقعت زى مايكون
واحد عظيم مات . . وانت طلبت منى علشان تاخد مكانه وتبقى
نور ونور للدنيا كلها . .

كونهن : (للمستمع) مش فاهم ليه فيه شئ من الخيانة فى الكلام اللى هى
بتقوله ده . .

(الأب يظهر فجأة ويتكلم للأم)

الأب : ايه الكلام اللى انت بتقوله ده . . احنا لسه بادئين فى شغلانة
جديدة وأنا محتاج له . .

كونهن : (يدبر رأسه من أمه لأبيه طول المناقشة)

الأب : ماعندك دان ابنك التانى ليه مش عاوزه . . سيب ده خليه يدور
على وظيفة يشوف له كلية يمكن . .

الأب : ماهو عنده وظيفة . .

الأم : هو عاوز وظيفة بمرتب . . أنا مش عاوزه يضيع شبابه عندك . .
هو عاوز يعيش . .

- الأب : (مشيراً إلى ابنه دان)
طبيب ودان مش عاوز يعيش ليه . . ؟
- الأم : لأنه حاجه تانية . .
- الأب : لأنه يعرف ايه المضبوط وايه الغلط . .
(مشيراً إلى الأمام وإلى كونتن معاً)
انتو الاتنين زى بعض . . الى عاوزينه واحد . . عاوزين
تعيشوا . . أنا لما كنت فى سنة كنت باصرف على ستة . .
(متجهاً إلى كونتن)
انت إيه ؟ انت غريب أنا ما اعرفكش . .
- كونتن : (ينظر إلى وجه والده)
باشعر بقوة لجرد إلى أمشى . . وأشعر بالخيانة فى نفس الوقت . .
علشان فيه فشل . . وانت دائماً تدى ظهرك للفشل . .
- دان : بلاش إحساسات بالشكل ده . . أنا عاوز أبويا يرجع تانى زى
ما كان . . لكن انت امشى زى مانت عاوز .
(محملاً فى أخيه)
- كونتن : الناس الكويسين هم الى يستنوا حتى لوماتوا هناك . .
- دان : (مشيراً إلى كتاب فى يده)
دا ديوان شعر بايرون . . حاحطه فى شنطتك . . عاوز تفتكر
دايماً إنك فى كل مكان تروحه . . العيلة دى وراك . . وأنا
حابت لك شوية كتب علشان تقراها . .
- ماجى : (تظهر فجأة على سريرها وهى تتحدث إلى الفراغ عند قدميها) لكن أنا أقدر

أقرا ده كله . . !

كونتن : (يلتفت فى دهشة) إيه . .

(الجميع يخنفون فى الظلام ولا يبقى إلا هو وماجى)

ماجى : قصدى أسألك إيه الكتب الى أقدر أقراها ؟ انت عارف إنى أنا

ما كملتش تعليمى . .

(تضحك)

لكن برضه أنا بحب الشعر

كونتن : (يتبته وينظر إليها بسرعة ويتجه مسرعاً إلى المستمع)

علشان كده أنا ماقدرش ألاقى فى نفسى الغرور ده مرة تانية . .

. كل حاجة تخلينى أحتقرها . .

ماجى : (تقلب على سريها)

أنا ماقدرش أصدق إنك جيت كمان تستنى ٥ دقائق أنا دلوقت

بقيت مطربة . . شايف . .

(وهى تضحك)

أنا واحدة من أكبر ثلاث مطربات . . أنا كنت عاوزه أحكى

لك ده من وقت طويل ! ماكانش ممكن يحصل ده كله

لو ما كنتش قابلته يومها . .

كونتن : أيوه أنا شايف إن الى هى بتعرضه عليه ده شىء من القوة . .

وشايف أنا حاجة وراء قوتها . . ده نوع من الخلاص . . على كل

حال أنا حاحاول . .

(ويتجه إليها)

ماجى : أنا آسفة إذا كان صوتى فى التليفون باين زى مايكون خايف وأنا
الحقيقة ماكتتش متصورة إنك تكون فى مكتبك بعد نص
الليل . .

(وتضحك بعصبية)

أنا كنت باتظاهر بأنى باطلبك . . تقدر تستنانى ٥ دقائق

كونتن : (معتدلاً فى مقعده) آه بالطبع على مهلك

ماجى : انت عارف إنى أنا مستعجلة قوى . . تحب تشرب حاجة ،

ولا أجيب لك سندوتش . . دول عندهم تلاجتين هنا والعميل
بتاعى سافر جاميكا وأنا حاستنى هنا كمان أسبوع لحد ما أسافر
لندن يوم الجمعة . . فيه حفلة فى مسرح كبير هناك . . ويظهر إنها
حفلة تكريم وعلشان كده أنا خايفة شوية . .

كونتن : وانت خايفة ليه . . أنا سمعتك وصوتك رائع وجميل وخصوصاً
أغنية . .

(ولا يستطيع أن يتذكر اسم الأغنية)

ماجى : أبداً أنا لسه فى أول السلم . . يعنى لما تقارنى بالمطربات التانيين . .

لكن انت قرئت اللى كتبوه فى الأخبار . . دول كتبوا إنهم بيعطوا
اسطواناتى فى تلاجته لأنهم خايفين إنها تسيح . .

كونتن : آه افكرت الأغنية . . البنت الصغيرة . . طريقتك فى الغناء مثيرة
جدا .

ماجى : مندهشة . . وسعيدة . . حقيقى ؟ علشان أنا مباقولش لنفسى

يابت خليكى مثيرة . . أنا باغنى كده يعنى زى ما أكون فى حالة

- حب أو . . أنا مش مصدقة حقيقي إنك هنا :
- كونن : ليه ؟ أنا سعيد إنك طلبتيني وأنا كنت بافكر فيك الكام سنة
الاخرانيين دى . . والنجاح العظيم الى انت حققته ده . .
أو يمكن شعور غريب بالرضا مش عارف ليه . .
- ماجى : يمكن علشان انت ساعدتني . .
- كونن : إيه الى خلاكي تقولى كده ؟
- ماجى : مش عارفه . . الطريقة الى انت بتبص لى بها خلتنى مش عاوزه
أشوف حد تانى بعد كده . .
- كونن : طيب إزاي أنا كنت بابص لك .
- ماجى : (تهزكتها) زى ماتكون بتكلمنى من قلبك . . معظم الناس
بتبخلق فيه . . مش عارفه أشرح لك . . وكمان الطريقة الى انت
بتكلمنى بها
- لويز : (وقد ظهرت) انت فاكر إنك لما تقرا المرافعات تبقى بتكلمنى ؟
- كونن : (وهو يحدث المستمع عن لويز)
- أيوه أنا شايف كده ؟ .. لكن فيه حاجة أكثر من كده يمكن
كلمة القوة مش هيه المناسبة يعنى . .
- ماجى : يعنى إيه إن أنا اديتك شعور غريب بالرضا . . ؟
- كونن : زى . . مش عارف . . فى المكتب لما باسمع الناس بيضحكوا
ويقولوا إن ماجى الدنيا كلها تحت رجلها . .
- ماجى : (وقد تأملت)
- بيضحكوا ويقولوا كده . . ؟

- كونن : يعنى . . .
- ماجى : (متأللة)
- هو ده الى أنا عايز أقول لك عليه . معظم الناس عاملينى
نكتة . .
- كونن : لامش كده.. انت مش باين عليك إنك مكسوفة من حاجة
وفى نفس الوقت انت مش مكسوفة من حالتك . .
- ماجى : قصدك إيه من حالتى . .
- كونن : (فجأة وقد شعر بأنه قد أصابها . . وتظهر لويز)
- قصدى إنك بتحبى الحياة . . ومش عارف أقول لك إيه . .
- لويز : وأنت يهملك إيه ؟ مادام بتمدحك . .
- كونن : (متجهاً للمستمع متحركاً فى اتجاه ماجى)
- لكن معاها حق فى الى بتقوله ده . . لكن أنا عمر مافيه امرأة
مدحتنى كل الى مدحونى شوية بنات صغيرة وكنت باضحك
عليهم
- ماجى : لكن ماحصلش . .
- ماجى : (يتجه إليها فى ألم وتختنى لويز) انت ضحكت عليه . .
- كونن : لا . . .
- (وفجأة يقف ويصرخ للمستمع)
- كذب من أول ه دقائق لأنى كان لازم أقول إنها نكتة . . واحدة
جميلة عاوزة تاخد حياتها جد . . ليه أنا كدبت عليها وخذعتها
وقت بدور الإنسان الطيب الغشاش . .

- (يستمع وعلى الرغم منه ويتجه إليها)
- ماجى : اسمع . . أنا سحبت اسطوانتين من بتوعى . .
- كونن : سحبت اتنين يعنى إيه . .
- ماجى : لقيتهم حاجة سخيفة . . روك أندروك . . وعلشان كده اشتريتهم تانى . . وأنا دلوقت بافكر أعمل حاجة تانية . . سحبتهم من الشركة . . (تضحك فى خجل) يجوز انت فى وقت من الأوقات تفتح الراديو وتلاقى الاسطوانتين دول وأنا مش عاوزاك تسمعهم . . كده . . ؟!
- كونن : لا بس . . حاجة غريبة جدا إنك تهتمى للدرجة دى . .
- ماجى : فعلاً ما كنتش بصراحة متعودة على كده . .
- كونن : لكن أنا مش فاكر إني قلت لك حاجة لها مغزى يوم ما اتقابلنا . .
- ماجى : (وهى تخشى أن تكون سخيفة)
- آه لفت نظرى أن فستانى مقطوع . .
- كونن : طب وايه يعنى . .
- ماجى : يعنى انت كنت عاوزنى أبقي مهمة بنفسى . . مش كده . .
- كونن : (مندهشة)
- افتكرى كده . . أيوه افتكرى كده . .
- ماجى : تحب تشرب إيه . .
- كونن : يعنى أى حاجة . .
- (متلفتاً حوله)

الزهور دى كلها علشان إيه ؟

ماجى : (تصب له كأساً)

ده واحد أمير ولا نائب أمير ولا ملك ولا أنا عارفه هو إيه . .
دائماً بيعت لى عقد فى حين إنى أنا لو اطلقت منه آخذ مائة ألف
دولار . . ويمكن يخلينى ولا أى حاجة . . أنا عارفه أنا قابلته فى
الكباريه مرة واحدة . . ومفروض إنى أنا بتاعته . . أنا مش
عارفه بيطلبوا الحاجات دى ليه ؟ .

كونن : اتهالى إن كل واحد عاوز يلمسك دلوقت . .

ماجى : فى صحتك . .

(ويضحكان ويبدو عليها الاستياء)

أنا أكره طعمه لكن باحب الأثر اللى بيعمله بعد كده . . تحب
تقلع جزمته ؟ . قصدى إنك بس تستريح .

كونن : لا أنا كويس كده . . أنا مستريح . . صوتك فى التليفون كان
باين عليه الخوف . .

ماجى : (متفادية الإجابة)

انت لازم تروح البيت دلوقت على طول ؟

كونن : انت عايشه لوحده هنا . . ؟

ماجى : (وهى تصر على أن تتفادى الإجابة على السؤال)

أنا ما يهمنىش إنى أعيش لوحدى . . طول عمرى لوحدى . .
(كأنما تخشى أن تفقد اهتمامه بها راحت قلب فى كومة من الأوراق بجوار
سريرها واستخرجت منها صورة صغيرة . .)

أنا قطعت صورتك الى كانت موجودة في الجرنال الشهر الى
فات . . ولما انت كنت بتدافع عن القسيس في واشنطن . .
شوف . . وبرزتها كمان

كونن : (مسروراً وحائراً أيضاً)

وانت قطعتها ليه ؟ إيه الى خلاك بروزتها . .

ماجى : حاجة غريبة أنا كنت مسافرة في القطر . .

كونن : في حاجة مخوفك

ماجى : لا مافيش ماتشغلش بالك . . أنا بس عصبية علشان انت هنا . .

شوف أنا عملت إيه دول كانوا دائماً بياخدوا مني أحاديث
ويسألوني أتولدت فين وحاجات كتيرة . . لكن ماكتتش باعرف
أجاوب في حين إن أبويا سابنا يمكن وأنا عندي ١٨ شهر ،
وكنت أتمنى أني أشوفه يمكن كان يحبني . . ويجوز لا . . مش
عارفه . .

كونن : ويمكن كنت تعرفي انت مين . .

ماجى : أيوه أنا أخذت القطر وكان هو عنده شغل وطلبته بالتليفون من

المحطة وقلت له أقدر أشوفك ؟ وهو قال لي مين أنت ؟ قلت له أنا

ماجى بنتك في حين إن هو قال إني أنا مش بنته . . وأمي كانت

دايماً تقول أبدأ بنته ! . قال لي أنا ما أعرفش انت مين . . روحى

قابلى المحامى بتاعى . . وقلت له أنا بس عاوزاك تشوفنى . . وقفل

السكة . .

(وتضحك . .)

ولقيت عندي وقت قعدت ألف في البلد وقلت وفكرت إني
لو عرفت هو بياكل فين كنت أخليه يشوفني ويمكن أخليه
يعاكسني . .

(وتضحك)

علشان أمي كانت بتقول لي إنه بيعحب البنات الحلوين . .

كورنن : وبعدين تقولي له . . ؟

ماجى : مش عارفه يجوز . . يجوز بعدين . . أنا مش عارفه باقول لك ده
ليه . . آه بعدين . . وفي القطر وأنا راجعة لقيت صورتك في
الجنرال وانت كنت بتبص بالشكل ده وعينك في الكاميرا وده
يمكن حاجة صعبة إن الواحد يبقى دغري بالشكل ده . . مش
كده . . ؟

كورنن : قصدك إني أنا كنت بابص لك ؟

ماجى : أيوه وساعتها أنا قلت أنا عارفه أنا مين . . أنا صاحبة كورنن . .

(وقد خشيت أن تكون قد ذهبت إلى بعيد فتستدرك)

تاخذ كاس تاني قصدي مش ضروري تعمل حاجة بعد كده
كمان ومش مهم تيجي تشوفني بعد كده تاني . .

كورنن : انت بتقولي كده ليه . . ؟

ماجى : لأنني شايفاك متضايق . .

كورنن : أيوه صحيح . .

ماجى : ليه انت ماتقدرش تبقى صديق لحد . . ؟

كورنن : (لحظة صمت وبشيء من الإصرار)

أيوه أقدر . . انت حلوة أوى يا ماجى مش بس جسمك
ولا وشك

ماجى : (وقد تأثرت)

أنا أتمنى أعمل لك أى حاجة . . انت
(وتنفجر باكياً)

أنت كأنك إله . . يعنى ماتاخذنيش إذا قلت كده لأنى . .
(ضاحكاً)

كونن :

يا ماجى عاوز أقول لك حاجة . . أى واحد كان يقدر يقول لك
صلحى فستانك . .

ماجى : أبداً مايقولش . .

كونن : آمال بيعملوا إيه . . ؟

ماجى : (فى ألم شديد)

أبداً بيضحكوا ! أوأى حاجه تانية . . انت عارف

كونن : (إلى المستمع)

أيوه دلوقت كل حاجة واضحة . . الشرف . . أول شىء هو إنى
ماحاولتش إنى أنام معها فى السرير ربنا يعلم إن ده نفاق علشان
أنا كنت خايف . . وهى اتهاى لها إنى باحترمها لكن . .

(ويركع على قدميه فى ألم)

ماجى : اسمع امبارح أنا اشتكرت فى تدشين غواصة . . عارف أنا عملت

إيه . . ؟

كونن : إيه . . ؟

- ماجى : انتخبونى أجمل واحدة فى الميناء . . العمال هما الى انتخبونى . .
وجه الأميرال وإدانى زجاجة شمبانيا وأنا قلت له إزاي مافيش
عمال فى الحفلة . . وكلهم ضحكوا وبعدين أنا ندهت لهم وجبت
عشرة منهم وخلتهم يقفوا معايا على الرصيف . . علشان هما الى
عملوا القواعد مش كده . .
- كونتن : أهى دى هايلة . .
- ماجى : عارف الأميرال قال إيه ؟ قالى خدى بالك أحسن تبقى
شيوعية . . بجد قال لى كده . . وأنا قلت له أنا مش عارفه ده
يخوف ليه . . الناس دول مش بيهتموا بالفقراء الشيوعيين دول
مش بيهتموا بالفقراء . . ؟
- كونتن : دى بقى حكاية معقدة شوية . .
- ماجى : لكن أنا قصدى إن همه يعنى زى الجمعيات الخيرية اللي كانت
بتدينى جزم ببلاش وعمرها ماكانت تطلع على قدى ..
(مختارة وبشء من الاقتناع)
- لكن إذا كان العمال هم الى بيعملوا كل حاجة . . ليه هم
مايكونش لهم الشرف . . مش ده رأيك . .
- كونتن : أيوه . . أيوه ده رأيى . .
- ماجى : نفسى أعرف حاجة . . ؟
- كونتن : دلوقت انت عارفة إزاي تشوفى كل حاجة بعنيك وده أهم من
كل اللي جه فى المكتب . .
- ماجى : لكن أنا مش عارفة إذا كان الى باشوفه مضبوط .. لكن أنت

تعرف ؟ مش كده ؟ أنت بتشوف وأنت بتعرف إذا كان مضبوط ولا لا . .

- كونن : تفتكرى أنا أعرف إيه ؟
ماجى : تعرف مثلاً إني أنا كنت خايفة . .
كونن : أنت خايفة دلوقت ؟ خايفة مش كده . .
ماجى : (تخلق فيه باضطراب ولحظة صمت طويلة)
كونن : إيه ؟ إيه يا حبيبتي ؟ انت خايفة تبقى لوحدة هنا .
(وتمنع نفسها من البكاء ويدرك أنها فى حالة خوف شديد)
ليه مابتندهيش حد بالشكل ده . .
ماجى : أنا ماعرفش حد بالشكل ده . .
كونن : ما أقدرش أساعدك ؟ ماتخافيش تطلبى منى أى حاجة . .
ماجى : (وهى فى صراع شديد عندما تقول له) أرجوك تفتح باب الحمام ده . .
كونن : (ينظر وراءه ثم يعود إليها) بس افتحه . .
ماجى : أيوه . .
ماجى : (يتجه إلى الظلام ويجلس فى قلق ترقبه ويعود)
كونن : انت عاوزة تقولى لى حاجة . .
ماجى : أنا مش عارفه بالضبط إيه اللى يتقال وإيه اللى ما يصحش
يتقال . .
كونن : بس قولى وانت تعرفى بعد كده . . أنا مش حاضحك على أى
حاجة تقوليها . . عاوزة تقولى إيه ؟
ماجى : (بصعوبة شديدة)

مرة جيت أنام قبل كده وفجأة شفت دخان طالع من تحت باب الحمام وفضل الدخان يطلع من تحت الباب لحد ما ملأ الأوضة كلها . .

(وتكاد تبكى)

- كونن : (يقرب منها ويمسك يدها)
هيه . . وإيه يعنى . .
ماجى : لكن فضل الدخان يملأ الحجرة . .
كونن : إيه . . انت حلمت بحاجات كتيرة زى دى . . مش كده ؟
ماجى : أبداً أنا كنت صاحية . .
كونن : يعنى أحلام يقظة . . تنتهى لما تنامى والحاجات دى الواحد ممكن يفهمها لما يعرف أصلها إيه . . ؟
ماجى : أنا عارفة . . أنا حاروح لواحد دكتور . .
كونن : ابقى قولى له عليها وهو يفهمك . .
ماجى : أصل ده حصل لما كنت باكلمك قبل كده . .

(وهى غارقة فى أفكارها)

أنت عارف أمى كانت من عاداتها إنها تلبس هدومها فى الحمام وكانت متدينة جدا . .

وأحياناً كانت تشرب سيجارة فى الحمام وبعدين تخرج من الحمام ووراها دخان كتير جدا . .

كونن : يجوز انت حسيتى إن أملك مش عاوزاكى تكلمينى

ماجى : (مندهشة)

- وانت عرفت منين . . ؟
- كونن : علشان انت قلت لى إنها متدينة جدا وانت كنت بتكلمى راجل متجوز .
- ماجى : أيوه تعرف أن أمى مرة حاولت تموتنى وحطت المخذة على وشى . . ولو أنا طلعت وحشة حتبقي هى السبب . . أنا عندى نفس شعرها ونفس ظهرها . .
- (وتبتعد عنه وتره ظهرها العريان) شايف ظهرى حلو . . وكل بتوع التدليك قالوا لى كده . .
- كونن : أيوه جميل فعلا . . لكن مش غلط إنك تطليبنى . .
- ماجى : (تهز رأسها كطفل وتضحك بارتياح)
- يعنى أنا مش وحشة ؟ هه . .
- كونن : لا . . انت عندك أخلاق
- ماجى : (فى رقة وخوف . .)
- إيه هى الأخلاق . .
- كونن : إنك تقول الحق ولو على نفسك . . انت طبعاً مابتتظاهريش دلوقت بأنك . . (يتجه للمستمع) بأنك بريئة . .
- (تظهر فليس وعليها الضوء وترفع ذراعيها عندما تظهر أمه أيضاً . .)
- الأم : أنا شفت نجمة . .
- ماجى : أنا بادعى لك يا كونن . .
- (الأم وفليس تختفيان عندما يستدير إلى ماجى التى تمسك صوته)

كام ليلة وأنا لما آجى أنام آخذ صورتك وادعى لك . . عندك
مانع . .

(وتلصق الصورة بخدها وتنحنى عليها وتقبلها وترفع ذراعيها لتعانقه ولكنه يتراجع
وينسحب منها) .

كونتن : أنا عاوزك تنامى . .

ماجى : حانام دلوقت . .

(وترقد)

بجد . . حقيقى . . كل شىء واضح دلوقت . .

كونتن : (رافعا يده)

أتمنى لك حظ سعيد فى لندن . .

ماجى : قلت لى يعنى إيه أخلاق . . ؟

كونتن : إنك تعيشى على حقيقتك . .

ماجى : زى ما أنت بتعمل . .

كونتن : لسه . . لكن فى نيتى إنى أحاول أعيش على حقيقتى . .

(يتوقف وينظر لها ويعود إليها وتقبله هذه المرة وتعطيه نفسها وترفع جسمها إليه

ويقف ثم ينسحب ويتراجع . .)

ما تخافيش تطلبينى إذا احتجت لأى مساعدة . .

(وتحتفى ويمضى هو يفكر وحده . .)

أى وقت . .

(يظهر دان بسويترو فى يده كتاب)

أى حاجة انت عاوزاها اطلبينى أنت سامعانى . .

دان : العيلة دى كلها وراك يا كونتن . .

كونتن : (مندهشا ومستديرا إلى دان الذى يختفى . . ثم إلى المستمع وهو يخلق فى نفس المكان الذى اختفى فيه أخوه) تعرف إن ده مش كذب . . لكن أنا بادارى . . أنا جيت لها زى أخويا دان علشان كده أنا مش عارف حقيقتى . .

(تظهر فليس وهى بسبيل أن ترفع الرباط عن أنفها ويحاول هو أن يكمل تفكيره) والبت دى الليلة إياها . .

(وتختفى فليس) لما مشيت ما كانش لسه واضح فى ذهنى حاجات كثيرة وبعدين فجأة المفتاحين بتوع النور اللى جنب الحيطه (ويتجه كأنما ينظر إلى حائط . .)

أنا ماعملتهمش لكن كنت عاوز أعمل زى كده . . (يفتح ذراعيه كما لو كان مصلوباً وفى قوف يتزل ذراعيه) أنا مش عارف . . يمكن لأنها ادتنى حاجة لأنها خلتنى أغيرها . . كأنى حسيت بشىء . .

(يضحك)

إيه اللى أنا باحاول أعمله ده ؟ باحاول أحب كل الناس ؟ (وينتهى احتقاره لنفسه وغضبه . . وفجأة وبسرعة جدا تظهر سيدة بملابس الحرب الأولى وعلى رأسها برنيطة وعلى وجهها قناع وفى يدها لعبة على شكل زورق شراعى وتنحنى كأنما تعطيه لطفل وصوتها هامس وبعيد وغامض . .)

الأم : شوف يا كونتن احنا جبنا لك إيه ؟

(ويجري الطفل بوضوح ويبدو القلق والغضب على الأم وتندفع إلى مكان ما على

المسرح وتنادى كأنما هي وراء باب مقفل)

ما تقفل الباب ده يا حبيبي احنا ماضحكناش عليك . . احنا

أخذنا أخوك دان علشان هو الكبير . . وقلت للخدمة إن احنا

حزجع حالاً مش كده . . إيه اللى مخليك فاتح الحنفية ديه ؟

أقفل الميه أبوك زمانه جاى . .

يا آليك تعال شوف ابنك . . اكسر الباب . . اكسر الباب . .

(وتندفع فى الظلام ويتجه إليها كأنما يريد أن يكمل هذه الذكريات متجهاً إلى

المستمع)

كونن : ياسيدى دول بعتنى مرة أتفسح مع الخدام ولما رجعت لقيت

البيت فاضى . . يارب ليه الكذب . . الكذب هو الحقيقة

الوحيدة اللى مستمرة . .

(ويضحك)

هه أحب كل الناس وأنا مش قادر حتى أعيط على أمى . . دى

حاجة فظيعة . .

(يسقط الضوء على دكة فى الجنية وتظهر ماجى ببلوفر جالى أبيض وباروكة

حمراء وفوقها برنيطة انزلاية بيضاء من الانجوراه الأبيض وجزمة موكاسين

ونضارة شمس . .)

ماجى : (للدكة الخالية) هاى مش عارفنى أنا ماجى . .

(وقد رفعت النضارة من فوق عينيها)

كونن : (متجهاً إليها)

ولا حتى قادر أبكى عليها كمان . . ياترى هل هو بس الحزن الى
أنا عاوزه . . ؟ لا مش ده الحزن . . علشان مليان كراهية ! . .
(وابتعد عن ماجى القى تعبده متجها إلى المقعد وهو يهز رأسه . .)
لا مش لأنى اعتقدت إنى قتلتها . . لا حاجة تانية . .

ماجى : (للدكة الخالية) شايف أنا مش قلت لك إن ما حدش حيعرفنى . .
إيه رأيك فى الباروكة دى ؟

كونن : حاجة تانية مش لاقى نفسى فيها . . كأنى واحد تانى . . بس
إحساسى بأنى مذنب . . يا مذنب يا برىء !

ماجى : (تجلس على الدكة كأنها إلى جواره وتمضى فى الكلام)
لما حنروح واشنطون الليلة حتعرف أنا قررت أعمل إيه قدرت
اتنقل من عربية لعربية فى نفس القطر . .

كونن : (للمستمع)
ياترى كفاية إنك تقول لواحد إنه مش مذنب ؟ . . يعنى دى
كفاية ؟ . . أيوه كفاية . .

(وينظر إليها)
أنا اسمى مكتوب على الراجل ده . . ليه أنا ما أقدرش أقول
«أنا» . .

(وفى هدوء متجهاً إليها)
وأنا اخترت إلى أنا عملته وأنا شفته مرة . . أنا شفت كونن
هنا . . وفى لحظة واحدة وبوضوح شفت إن احنا الاتنين مش
غلطانيين . .

ماجى : انت تعرف إن أنا فى اللحظة الى انت خرجت فيها أنا نمت
لدرجة إنى ماسمعتكش وانت بتقفل الباب . . إيه رأيك فى
شعرى . . ؟ تعجبك جزمتى . .

(لحظة صمت وهو يتسم)

كونن : انت محتاجة لقبقاب تتزحلقى عليه

ماجى : (تضرب يديها وهى تضحك)

أنت تضحك . .

كونن : (وهو يتجه بنصفه إلى المستمع)

وفضلت ناسى

(ومتجهاً إليها)

انت جميلة جدا . . عينيك بتخلينى ارتعش . .

ماجى : (والهة فى صمت وهيام ويجلس)

تحب نشوف شقتى الجديدة مافيش فيها أسانسير ولا بواب

ولا حاجة . . وإذا كنت عاوز تستريح قبل ما تسافر الشقة

موجودة . . دلوقت أنا بس عرفت إنى حاسافر باريس قبل

ما أروح لندن . . والمفروض ألف شوية . .

كونن : حتغيبى أد إيه ؟

ماجى : يمكن أقعد شهرين . .

(والفراق أليم وعلى عينها تظهر الدموع . .) كونن .

كونن : نعم يا حبيبتى . .

(ويعسك يديها)

- ماتتظريش حاجات كتيره منى . . .
- ماجى : لا . . . أبداً . . . أنا بس بافكر فى إني أروح معاك واشنطون . . .
- كونن : (يضحك)
- الله ولندن ؟
- ماجى : ولا حاجة . . . خديهم يستنوا . . . على كل حال أنا أقدر أروح اللوكاندة وإذا سألوني اسمك إيه أقول لهم . . . اسمى ولا حاجة . . . ؟
- كونن : ولا حاجة ؟
- ماجى : اسمى ولا حاجة . . . إيه يعنى ؟ . . . أنا عمرى مافكرت أغير اسمى . . . ليه لأ . . . !
- كونن : والله فكرة ! فى الوقت الى الحكومة فيه بتكرهنى . . . أنا وانت فى اللوكاندة
- ماجى : هوده الى أنا عاوزاه . . . فى الوقت الى اللجنة إياها عماله تكسر دماغك . . . أنا وأنت عريانين فى حجرة واحدة . . . !
- كونن : فكرة جميلة . . .
- ماجى : وتبقى سعيد
- كونن : (يتسم لها) وعصبى كمان
- ماجى : علشان الاتنين يبقوا حاجة واحدة مش كده . . . مساعدة الناس والجيش . . . ويمكن بكره تقدر تناقشهم كويس . . .
- كونن : (بدهشة)
- أقول لك حاجة . . . فيه حكمة واحدة مكتوبة على جبينك . . .

- ماجى : كلمة واحدة ؟ !
- كونن : دلوقت . . هيه دى الكلمة !
- ماجى : وفيه إيه كمان . .
- كونن : وفيه مستقبل . . والمستقبل ده أنا شايفه فوق دماغى زى ما يكون
فازة مش لازم تقع . . وبالشكل ده مش لازم ألمس حد .
- ماجى : طيب ليه ماتمسكش الفازة بإيد ؟
(ويضحك هو)
- وتلمس بالإيد الثانية . . أنا مش حاضايك يا كونن ؟
(وبدا ينظر فى الساعة كأنه يفكر فيها إذا كان هناك وقت . . ويظهر عليه أنه
تشجع وينظر إلى ساعته) مايقدرش حد يدليك حاجة . . زى ماتكون
عطشان وتشرب وتمشى . . بس كده . .
- كونن : وانت ؟
- ماجى : أنا . . أنا باخد اللى باديه ؟
- كونن : انت جميلة . . حقيقى . .
- ماجى : ماحدش واخد منها حاجة . . ممكن الواحد يموت فى أى
لحظة . . !
(فجأة)
- أنا كتبت وصيتى . . !
(تفتش فى جيوبها وتخرج منها ورقة مطوية)
تحب تشوف الوصية . . ؟
كونن : (يمسك الوصية)

- ماجى : حركب الطيارة بمسافات طويلة قوى . . وأنا قبضت امبارح
 تحب تعرف قبضت أد إيه . . ؟
- كونتن : أد إيه . . ؟
- ماجى : ٢٠٠ ألف دولار . .
- كونتن : فاكرا لما كنا قاعدين هناك . . وأنا اديتك خمس دولارات ؟
- ماجى : (بامتنان شديد) أيوه فاكرا . .
 (وينظر كل منها إلى الآخر)
- حقيقى يا كونتن مفيش عامل أسانسير واحد . .
- كونتن : عاوزانى أقرأ الوصية . . أنا ما أقدرش أعمل حاجتين فى وقت
 واحد . .
- ماجى : أيوه . .
 (يبدأ فى قراءة الوصية)
- أنا مفروض أبقي مليونيرة فى ستين . . (يحملق ويمضى فى القراءة)
 تفتكر إنها تبقى قانونية على الرغم من أنها مكتوبة بخط اليد . .
- كونتن : خط مين ده ؟
- ماجى : واحد صاحبى مندوب الشركة اللى بتسجل لى اسطواناتى . . وهو
 يفهم فى القانون . . وهو اللى مضاهها على أنه شاهد . . شفته وهو
 ييمضى . . وقدام عيني فى حجرة النوم . . مش كويس كده . .
- كونتن : بس دا انت ساينة كل فلوسك للشركة ! ؟
- ماجى : مؤقتا لحد أما ألقى حد أديله فلوسى . .
- كونتن : وانت مستعجلة على إيه ؟

- ماجى : أنت عارف إنه حيسافر معايا . . يمكن الطيارة تقع بينا . . وهو مسكين عنده خمس عيال . .
- كونن : وانت مسئولة عن عياله . .
- ماجى : لأ . . لكن هو ساعدنى . . وادانى فلوس أيام ماكانش عندى ولا ملين . .
- كونن : تقومى تسيبى له مليون دولار . . ؟
- ماجى : مش مليون . . يعنى أنت عاوز تقول إنى مايصحش أعمل كده . .
- كونن : مين المحامى بتاعك ؟
- (يمر اثنان من الشبان مع كل منها عصا وجوانتى يربانها . . يدوران حولها ويهمسان)
- ماجى : مافيش محامى
- (يضيق وكأنه لا يريد أن يتدخل فى شئونها)
- كونن : مافيش حد اقترح عليك إنه يبق لك محامى ؟
- ماجى : لكن لما الواحد يثق فى حد . . انت ماعندكش ثقة فيه . . ولا إيه ؟
- كونن : (لحظة صمت . . وكأنه قدر شيئا . . يمسك يدها)
- تعالى . . أنا حوصلك للبيت . . ؟
- ماجى : أوكى . . أنا قصدى إن الواحد لما يثق فى حد يبق مش عاوز محامى . .
- كونن : مش قادر أنصحك . . يمكن انت قادرة تسلكى فى الجوده . .

- أنا مش فاهم . يالله بينا . .
- ماجى : أنا ماليش صلة بمندوب الشركة . . أنا ما أقدرش أنام مع أى حد كده يا كونتن . . تقدر تطلع فوق دقيقة أنت كمان ؟
- كونتن : أكيد حاطلع معاك . .
- (ويحاول أن يعانقها ولكنها تستمر فى كلامها)
- ماجى : (تفكر فجأة . .)
- أنا عمرى ما كنت رخيصة . . أنا عرفت رجاله كثير . . لكن عمرى ماخذت حاجه منهم . . ولا حتى لو كان التمن وظيفة . . والدكتور قال لى إنى بافكر فى الجنس زى ما يكون صدقة . . صدقة باديها للناس . . زى ما انا بادى فلوس للناس المحتاجين (وتضحك بخجل)
- كونتن : أكيد أنا جاى معاك ؟
- (ويعرض طريقها بعض الشبان الرياضيين الذين يرتدون ملابس البيس بول . . وواحد منهم يشير إليها)
- شاب : دى ماجى . . أنا مش قلت لك . .
- ماجى : (فى حالة دفاع عن النفس)
- أنا شيهيها . . أنا اسمى سارة . . سارة ولا حاجة
- الشبان : أمضى هنا فى الأوتوجراف . . ليه ما بتجيش النادي ؟؟
- امتى أغنيتك الجديدة أنا عندى كل أسطواناتك . . غنى حاجة . .

(يقدمون لها ورقة لكي توقع عليها)
علشان أخويا . .
اقلعي البلوفر الدنيا حر . . إيه رأيك ترقصى معايا زى ماكنت
بترقصى فى التلفزيون . .
ياالله بينا . .
(وكانوا قد نحوه جانباً . . ويقترب منها . . ويمسك بها ويسحبها إلى الوراء .
ولكنها لا تزال توقع وتضحك . .)
نعم . .
(وينطلق الشبان وتعود إليه . .)
أنا آسفة . .
زى مايكون حياكلوك . . انت مبسوطه من كده ؟
لا . . لكن دول بنى آدميين . . تقدر تستنى لحد ماييجى القطر ؟
كل اللى عندى هو البلوفر ده . . اللى جه من باريس . .
(تخلعه)
يعجبك . . ؟
أنا اشتريته . . وسريرى . . والريكوردر . . لكن حتبقى شقة
جميلة . . مش كده ؟
(ويأخذ يدها فى صمت . . ويضمها إليه ويقبلها . .)
أنا باحبك ياكونتن . . وأنا مستعدة أعمل لك أى حاجة . .
ومش حاضايقلك أبداً . . أحلف لك . .
: انت جميلة . . جميلة لدرجة إن الواحد مايقدرش يبص لك . .

- ماجى : لكن انت ماشفتينش . .
(وتراجع)
ليه ما تتنقلش واقف هنا . . وأنا آجى لك عريانة خالص . .
ولا مفيش قطر بعد كده . .
كونن . . لا . . طبعاً فيه دايماً قطر بعد كده . .
(ويبدأ فى فك زراير جاكته)
- ماجى : تسمع شوية مزبكة . .
كونن : (ويضحك)
أبوه حطى أسطوانة
(وتختفى فى الظلام ! . ويتجه هو إلى المستمع)
هنا . . فى مكان هنا . . ماقدرتش أكذب . . فى مكان هنا . .
مفيش كذب . . !
(موسيقى جاز . . عندما تعود ولا تزال بملابسها)
- ماجى : خلينى أطلع لك جزمك . .
كونن : ماجى ؟
ماجى : نعم . .
وهى تخلع له الحذاء
(وهى تخلع له الحذاء ، ويتلفت حوله فى الظلام . . وهنا يظهر أبوه)
- الأب : زى ما انت عاوز . . دائماً تلاقى الى انت عاوزه . . انت إيه
يا أخى . . أنت إيه ؟

(تظهر لويز وهي تقرأ في كتاب .. ويقف إلى جوارها دان يكاد يلمسها

بيده ..)

دان : العيلة دى كلها وراك ..

(الأم تبدو منعزلة .. وتتحرك ! ويبدو أنهم جميعاً يبعدون كونتن عن

ماجى) ..

الأم : دائماً كان يجيب لى دواوين شعر وقصص ..

كونتن : (ويصرخ فيهم جميعاً .. ويرفع قبضته في غضب)

لكن فين كونتن ؟ (وينجيه ناحية أمه في حنان شديد متجهاً إلى أخيه دان

الذى اقترب من أبيه وتتوقف الموسيقى)

أنا عارف .. عارف نوع الخيانة دى وعارف خوفى من أنى أكون

مشغول عن الرغبة دى وأنى ما أكونش موضع احترام الناس

المخلصين دول .. لكن فين كونتن .. فين أنا .. ؟ بدل ما أطلع

هدومى ..

(وينحنى على ماجى .. ويوقفها على قدميها ..)

ماجى : يمكن لما أرجع نعمل ..

كونتن : عاوز أقول لك حاجة ياما جى .. انت لازم تقطعى الوصية

دى ..

(إلى المستمع)

ما اقدرش أدخل معاها السرير من غير ما يكون فيه مبدأ .. لكن

إزاي تقدر تتكلم عن الحب مع واحد زى اللبانة مضغها ورمها

فى الأرض طابور طويل من الناس واسمها بيطلع ويتزل فى

كلهم سقطوا

الحجرة المقفولة .. وحجرة التدخين المنظر ، وكانت على حقيقتها في اليوم ده . . وأنا دخلت في حياتها بأكذوبة إن لازم ينقذها ؟ ينقذها من إيه ؟ . . ينقذها يمكن من احتقارى مش كده ؟ (ويلاحظ أن المستمع يبدو أنه يعترض عليه ويبدو أنه يقترب بمقعد أكثر ويستمع إليه باهتمام)

ماجى : (وهى تتحدث إلى حيث كان يقف كونن)
لكن أنا وريت الوصية للدكتور وهو قال لى إنها كويسة ماهو أنا لازم يكون ليه حد . .

كونن : يا ماجى بصراحة مافيش حد بيعمل وصايا بالشكل ده . .
ماجى : لكن دى مؤقتة . .

كونن : يا حبيبتي أنا لو رحت للوكيل بتاعك ومستشارك ودكتورك حيدونى فلوس علشان أسكت .. دول جابوك وحطوك على ترايزة وشرحوك ونصبوا عليك ..

ماجى : لكن ما أقدرش أصرف الفلوس دى كلها . . أنا ما أقدرش أفكر فى أزيد من ٢٥ دولار .

كونن : مش مسألة الفلوس اللى خدوها . . دى مسألة كرامتك اللى حطموها . . انت مش حنت لحمة . . انت بيتيالك دايماً إنك مديونة لكل الناس . .

كل حاجة يطلبوها منك

ماجى : أنا عارفة كده . .

(وتخفى رأسها وتصرخ وترجف بأمل وخجل)

كونتن

: (رافعاً رأسها)

لكن يا ماجى انت كبيرة . . انت مش عيلة صغيرة تدورى على
أى مكان تنامى فيه . . مش هو بس نجاحك أو فلوسك . .
لأ . . لأ . . انت دغرى . . انت مجتهدة . . انت ممتازة . .
الناس لازم يكون لها معنى بالنسبة لك . . انت مش لازم تروحي
تشحتى النصيحة من أى واحد نصاب ..

(وتبكي فى حنان ويأس ومجلس وتلف ذراعها حول رجليه وتقبل بنطلونه وترقبه
وترفعها وباشفاق شديد وابتهاج . .)
قومى اقنى . .

(الموسيقى تعزف من جديد وتبتسم من خلال دموعها وبحركة طبيعية جداً تفك
البلوزة وجسمها يتحرك مع الموسيقى تقريباً . . وعندما تبدأ الرقص يهز رأسه
متجهاً إلى المستمع)
لا أبداً مش حب . . لكن بس عاوز أبطل تمثيل وأعيش
بصدق . .

(وفجأة يظهر دان والأب معاً ويتحدث إليهما)
أيوه مش حابقي كويس بعد كده ولا متنكر بعد كده ولا حاخاف
إنى أبين كونتن على حقيقته . .

لويز

: ولا حتى عندك الذوق . .

كونتن

: الذوق ده قاتل . . قولى الحق مش الذوق أنا أحتر كل الإدارات
العليا والبراءة الكاذبة . . أنا باعلن أهوه أنا مش برىء
ولا كويس . .

(وتظهر في ظلام خافت منصة محكمة والقاضي يدقها بالمطرقة وحوله أناس ينظرون إلى كونتن بينما تخلع ماجي بلوزتها)

رئيس المحكمة : ولكن السيد بارنز مش حيقدر يجاوب على ما إذا كان حضر مؤتمر السلام الشيوعي في تشيكوسلوفاكيا وما فيش أى مستشار مسموح له بالكلام مع الشاهد ولا لأن دى مش محاكمة . . وأى إنسان برىء كان لازم . .

كونتن : والمسألة دى . . برىء برضه ؟ كام زنجى بتسمحوا لهم يصوتوا في حيك الوطنى ؟ وكام واحدة من عواطفك الاجتماعية والسياسية والعنصرية كان حيعترض عليها هتلر ؟ وبيقول مش محاكمة ؟ أنت نصاب والمباحث بتاعتك بتشتغل في كنيسة الراجل ده علشان تطلعه بره . .

القسيس بيرنز : (يظهر وينهض واقفاً وحول رقبته ياقة بيضاء من التى يرتديها القساوسة) أنا أرفض استناداً إلى التعديلين الأول والخامس من الدستور . .

كونتن : (بأسف شديد)

لكن هل احنا متأكدين يا برنز . . أنا باقول لك أهوه هل احنا متأكدين لو تغير الوضع والناس دول وقفوا قدامك انت كنت حاتسمح لهم برضه إنهم ما يجاوبوش . . أد إيه أنا باكره الناس دول !

(وينظر إليه برنز بامتعاض وشك)

أنا مش متأكد احنا بنمثل إيه ؟ وهل احنا كويسين لمجرد إن احنا نرفض الشر ؟ وحتى لو قلنا لك لا وكان معانا حق مش دى فيها

شيء من الكذب على روحنا ؟ مش انت شايف إنك من
الضرورى أن الواحد لازم يقول أيوه الحاجة .

(وهنا يخفى القسيس والحكمة وماجى تعبث بشعرها فيتجه إليها وتقلع الجيب
ويذهب إليها وتلمسها ويتحرك مع التواءاتها الثعبانية . .)
أهى دى حقيقة شيء . .

(تقبله ماجى وتمدد على الفراش وتخيّل أنها تعانقه)

ماجى : غنى لى

(يتوجه كونتن إلى الكرسي مواجهها المستمع وتظل هى على السرير وراءه)

كونتن : الحقيقة ملعونة . . وهى كمان ملعونة . .

ماجى : وسعيدة

كونتن : (للمستمع)

ملعونة زى الحقيقة

ماجى : هى دى حقيقتى . .

كونتن : ومتغطية بالطين زى الحقيقة . . وعامية وجاهلة

ماجى : لكن عمر ما حد قاللى قومى

كونتن : الدم حقيقة . . والدنيا عامية أيوه . . قوة عمياء

ماجى : يالله . . دلوقت . .

كونتن : دلوقت . . دلوقت

(تنتهى الأسطوانة ونسمع صوت الإبرة وهى تلف عند أطراف الأسطوانة وفى

الظلام نسمع صوتها ناعماً وتنادى)

كونتن

(وعندما يسقط الضوء تكون في سرير وحدها على المسرح وملاءة تغطي جسدها
العارى ورأسها على يدها وتنظر إلى مكان ما)
كويني .. الصابون ده مالوش ريحة مش حتضايق .
(لحظة صمت)

أوكي ماتستعجيليش أنا حاستناك
(وتقع عينها على حذائه وتلتقطه وتنفضه)
عاجباني جزمتهك انت ذوقك كويس
(في لحظة صمت)

لا مؤاخذه أنا ماعنديش أكل .. أنا ما كنتش عارفة أقدر أجيب
لك بيض وأقدر أجيب لك حتة لحمة مشوية .. وتقدر تاكلها
بالطريقة اللي تعجبك في أى وقت ..

(يقف كونن ينظر إلى الأمام وهي تنظر إلى الفضاء في السرير) بتحبنى ؟
(ينظر إليها وإلى وجهها الهائم عندما تظهر هولجا في المطار تبحث عنه وتظل
ماجي على سريرها تمحلق في حذائه)

كونن : كل حاجة صادقة لكن مش دى الحقيقة .. والمرارة اللي عندي
هى اللي بتخلينى أكذب ..
(وينظر إلى ماجي)

وخايف أدى وعد تانى لأنى مش عارف مين اللي بيدى الوعد أنا
بقيت غريب عن نفسى .

ماجي : (وترفع الكرافة من على الأرض) وكرافتك اتكسرت وأنا متأسفة
خالص لكن على كل حال أنا عندي هنا كرافة ثانية ..

(وتقفز من السرير وقد تغطت بالملاءة)

كرافقة جميلة

(وقد استدركت)

وبالصدفة كانت عندي

كونن : (وتحاول أن تخفي كسوفها بالضحك وتخفي في الظلام وكذلك هولجا)
وأنا شفته مرة واحدة جامد وواضح زى ما يكون تمثال وبيتيالى
إني أنا شفته بشيء من الحب ويمكن يدهشه ومن غير لوم زى
ما يكون أمى ! . وكثير من أفكارى عنها تحولت إلى جريمة . .
والحقيقة إنها كانت زى النور بالنسبة ليه لما كنت عايش في
الضلمة . . وأنا حبيتها والحب وحده هو اللى يخليها حقيقة ويخلينى
أحس إنها بتاعتي . . وهو فيه حد يفتكر الحب . . ده زى
ما واحد يحاول يفتكر ريحة الورد لكن ماتقدرش تشوف عطرها
وهي دي حقيقة الورد مش كده ؟ . . العطر هو حقيقتها . .
(وكما حدث من قبل تظهر ماجى في ثوب زفاف والخادمة تضع طرحة الزفاف
على رأسها ولها ثياب يغطي وجهها : بينما يجلس التزى يسوى فستانها . . بينما
تطلع ماجى إلى المرأة وينهض كونن)

ماجى : أوكى . . قولى له يدخل . . متشكرة أوى يالوكاس عاوزاه يستنى
كثير . . الحفلة الساعة ٣ بسرعة شوية من فضلك . .

(ويسرع لوكاس ويخرج كارى)

كونن : عاوز أشوفها بالحب دي مرة ثانية . . ومش فاهم ليه صعب عليه

والبنت دى واقفة هناك كده ، وفستانها هو ملابس انتصارها
وادينا احنا جعلنا للسخرية هدف . . والهدف يلف حوالينا تمام
زى الظل فى ضوء النهار . .

ماجى : (تنظر أمامها عندما يقطع لوكاس آخر خيط فى فستانها) انت مش حتعرفنى
بعد كده لو شوفتنى يا لوكاس . . ده أنقذنى بجد . . دلوقت
عندى وصية جديدة وخلافى غيرت الدكتور بتاعى وبقالى دكتور
ممتاز دلوقتى وحاعمل العقود بتاعى اللى عمرى ما وقعتها والمتعهد
مش حيتعاقد مع مغنيات أوبرا إلا إذا كانوا فنانات حقيقيين مهما
حاولت أنت تدفع له . . أنا شخصيا ما قدرش لكن كونتن خلا فى
أروح الأوبرا وخدنى وراح نتصور . .

(ويتجه إلى كونتن الذى يدخل وينظر كل منهما إلى الآخر ويخرج لوكاس
وتدخل الخادمة وتلمس جبهة ماجى فى رفق وتصلى فى صمت وتخرج)
ياه . . إيه الجمال ده كله . .

كونتن

ماجى : عاجباك

ماجى

كونتن : يا الله . . الواحد يرجع البيت كل ليلة ويلاقيك

(ويتجه إلى ذراعيها الممدودتين ويضحك وتلمس صدره مضطربة وخائفة)
ماجى : لحد دلوقت انت مش محتاج إنك تجيلى أنا أقدر أجيلك فى أى
وقت انت عاوز . .

ماجى

كونتن : (وقد جرحته فيحاول أن يضحك)

كونتن

انت مش قادرة تصدق إن فيه حاجة كويسة حصلت . . حاجة
حقيقى . . انت مراتى . .

- ماجى : (بشيء من الخوف فى صوتها) عاوز أقول لك حاجة . .
- كونن : كفاية اللى أنا عرفته
- ماجى : (تسحب يدها من يده)
- أنا عاوزه أقول حاجة
- كونن : يا حبيبتي انت كل يوم تقولى لى حاجات جديدة . . واعترافات جديدة . . لكن الحكاية دى مابقتش تهمنى
- ماجى : (مسرورة وكطفل يتطلع إلى قلبه) لكن أنا عاوزه أقول لك إن أنا رحت لدكتور نفسانى أنا ما قلتش كده أبداً . .
- كونن : (مبتسماً)
- طيب . . إيه اللى حصل ؟
- ماجى : مش انت قلت لى إن الواحد لازم يحب الواقع . . يحب اللى حصل حتى لو كان حاجة وحشة ؟
- كونن : (بشكل جاد)
- أيوه قلت . .
- ماجى : انت قابلت اتنين رجاله فى نفس اليوم
- (وحولت عينها عنه)
- تصور فى نفس اليوم لكن ماعرفتش يعنى ايه . . الا بالليل وخفت جداً . .
- (وتكاد تبكى وتنظر إليه)

أنا كنت دائماً باحبك يا كونتن لكن ماتخافش من كلام الناس
تقدر تقول لهم إن احنا غيرنا رأينا وناخد عربية ونروح أى
لوكاندة . .

كونتن : بصى يا حبيبتي مش انت اللى كنت . .

ماجى : يجوز أنا . . لكن أنا مش عارفه . .

كونتن : كل واحد يا حبيبتي بيعمل حاجة . .

(وينظر إلى المستمع)

هنا فيه جزء منها . . جزء . .

(متجهاً إليها)

أى حادثة فى ذاتها مش مهمة المهم هو اللى بتاخديه منها . . أى
حاجة تحصل لك هو ده اللى بتاخديه منها هو ده اللى بيعجبني
(وبسرعة للمستمع)

احنا تآمرنا على تحطيم الماضى . . الماضى مقدس ومخاوفه هى
أقدس ما فيه . .

(متجهاً إلى ماجى)

وحاجة أكثر

ماجى : يجوز يخلينى زوجة أحسن مش كده ؟

كونتن : (بأمل يقابل ما عندها من أمل)

أهى دى أحسن طريقة للكلام !

ماجى : (وهى سعيدة) تعرف إن أنا ما عنديش حب استطلاع ؟ يمكن

تستغرب وفيه ستات كتيرة واجوازهم ما يعرفوش حاجة وعندهم
حب استطلاع . . لكن أنا عارفه إن معايا ملك . . أنا عارفه
(ونسمع موسيقى زفة العروسة ويمسكها من ذراعها)
فيه ناس حتضحك لما تشوفك معايا . .

كونتن : بعد كده مافيش حد . . حيشوفوك زى ما أنا شايفك
ماجى : (دون أن تتحرك معه)
إيه اللي انت شايفه قول لى . .

(مبتعدة فجأة) علشان أنا عارفة إنك كنت بتستعار منى
كونتن : أنا شفت أملك ياما جى ولما شفته كل الكسوف والحجل بعد
عنى . .

ماجى : يعنى كنت مكسوف منى . . ؟
كونتن : (بصعوبة)

أيوه . . لكن انت دلوقت تعتبرى انتصار ليه ولك . . انتصار
لكل واحد . .
(يقبل يدها)

صدقينى انت بالنسبة ليه علم مرفوع . . انت دليل على أن الناس
تقدر تنتصر . .

ماجى : وانت عمرك ما حتبص لواحدة تانية . .
كونتن : يا حبيبتي الزوجة ممكن الواحد يحبها . . يمكن انت ما عرفتيش
كده . . لكن . .

ماجى : (وفى يده غلاف جريدة)

- لكن انت قبل كده ليه بست الى اسمها الزى دى
 كونهن : أبداً باقول لها هاللو وهى عادة .. بتأخذ الناس بالحضن .
- ماجى : لكن ليه بتخلى جسمها يلمس جسمك ..
- كونهن : هى ماكانتش بتخلى جسمها يلمس جسمى .
- ماجى : (وقد بدا عليها القلق الشديد)
 أنا شفتها وانت كنت واقف هنا
- كونهن : (يحاول أن يضحك)
 لكن دى كانت حركة ملهاش معنى ..
- ماجى : بس انت بنفسك قلت لى إنى لازم أفكر فى معنى كل حاجة مش
 كده؟ انت عاوزنى أرجع زى ماكنت الأول .. ويبقى مافيش
 حاجة لها معنى .. والدنيا تبقى كلها ضباب ..؟
 أنا باحاول أفهم وانت مش لازم تضحك. على كلامى .. لو
 خلقتها تعمل كده؟
- كونهن : دى جات لى .. وبصيت لقيتها خادتنى بالحضن .. طيب كنت
 أعمل إيه؟
- ماجى : (وعلى وجهها ثورة غضب واحتقار)
 يعنى قصدك إيه؟ كنت تقدر تطردها
- كونهن : (مندھشاً)
 أنا مش فاكر إنك حتبقى بالشكل ده ..
- ماجى : (متزعجة)
 بالشكل ده يعنى إيه؟

- كونن : (يحاول أن يخفف الموقف)
يا حبيبتي انت خايقة وبتبالغي في كل حاجة . . يا الله بينا لحسن
مستنيننا . .
(ويلف ذراعه حولها ويخرجان)
- ماجى : (والدموع في عينيها)
علمنى يا كونن . . علمنى أنا مش عارفة أبقي إزاي ؟
- كونن : طيب يا حبيبتي احنا دلوقت حانداً نبقى على حقيقتنا احنا
الأتنين . .
(ويتحركان في موكب الزفاف)
- ماجى : مش مضايقتي غير إن ما فيش حد هنا . . ما فيش حد أنا زى
واحدة غريبة هنا . . بس لو كانت أمى أو أبويا أو أى حد
بيحبني . .
- كونن : ما تضايقيش نفسك . . كل الناس هنا بتعبدك . .
- ماجى : (عندما تتكلم تستمر في خطواتها كأنها في زفة بينما يظل هو واقفاً ينظر إليها كأنها
تتجه إليه ولا يزال كأنما يمسك ذراعها)
أنا متأسفة إذا كنت باقول لك حاجة زى كده . . لكن انت اللى
عاوزنى أحكى لك كل اللى باحس بيه . . أنا عمري ما قلت لحد
حاجة زى دى . . انت بس . . انت بتحب تخلينى أحس
بحاجات غريبة علشان أقول لك عليها . . وللا انت عايزنى
أضحك باستمرار زى كل الستات . .
(وأثناء كلامها تظهر لويز)

- كونن : (كأنما يعترض على ظهور لويز)
 لا . . . قولى دائماً الى بتحس بيه الحق معنا . . دائماً قولى الى
 بتحسى بيه . .
 (وتختفى لويز)
- ماجى : (وهى تمضى فى مشيتها)
 انت مش ماسكنى . . مش كده ؟
- كونن : (بعيداً عنها وفى منتصف المسرح)
 لا أنا يا حبيبتي ماسك أهوه . . أنا وياك . .
- ماجى : (وهى تدخل فى الظلام)
 أنا حابقي زوجة كويسة . . أنا حابقي زوجة كويسة
- كارى : ربنا يبارك لك يا بنتى . .
- ماجى : أنا مش حاسة إنك معايا يا كونن . .
- كونن : لا أنا معاك . . شايفة كل الناس بتضحك لك . . كل الناس
 بتعبدك . . شايفه الأوركسترا كله بيحبك . . كل الناس بتحبك
 يا حبيبتي . . مش فاهم انت حزينه ليه . . ؟
 (وفجأة تخفت موسيقى زفة العروسة وتصبح غير واضحة فى الظلام وتضحك
 ماجى . .)
- ماجى : غريبة عاجباك ؟ يظهر إنهم جابوها هنا واحنا بره .
- كونن : (لحظة صمت)
 (يفعل الاثنان فى منتصف المسرح ويصبح الكلام سريعاً مركزاً . .)
 حلوة قوى . .

- ماجى : شايف محليه الصالون كبير إزاي وعاوزة أهدم الحيطه دى كمان
إيه رأيك ..
- كونن : (لا ينظر فى اتجاهها إنما كأنه يتذكرها)
لكن كنا يا دوب بنينا الحكاية دى ..
- ماجى : أنا عاوزاها تبقى كبيرة .. تبقى زى القلعة علشانك وانت عاوزها
جميلة .. مش كده ..
- كونن : آه حلوة قوى .. بس .. احنا حقنا نستنى للسنة الى جاية ونبنى
الحيطة الثانية علشان انت عارفة إننا لسة ما دفعناش الضرايب ..
- ماجى : احنا مش ضامنين بكره .. انت مش دائماً تقول إن مكتوب على
جيبى كلمة دلوقت .. طيب ما نعمل كل حاجة دلوقت ..
والفلوس أنا حاجيها السنة الى جاية ..
- كونن : بس خدى بالك إنك مديونة مقدماً بكل الفلوس الى حاتيجى
لك ..
- ماجى : ماتبصش للمستقبل على إنه فازه محطوطة فوق دماغك وخايف
تنكسر إذا انت لمستنى .. ألمسنى .. دلوقت أنا هنا أهه ..
- كونن : أوكى .. أرمى الفازة دى .. خلى كل حاجة كويسة ودلوقت
يمكن عيبى إفى حريض زيادة عن اللزوم أرجوك تسامحنى ..
(ونسمع صوتها خافتاً بينما يتسم هو)
ماجى انت رائعة ..
- (وتظهر فى بلوزة وكعب عال وهى تستمع إليه وتتحرك .. ويظهر أحد العازفين
على البيانو وتستمع إليه باهتمام)

ماجى : قولى لى الحقيقة . . البيانو ده مش صوت نشاز ولا انت مش سامعه . .

كونن : مافيش حد حياخد باله . .

(يقترّب منها عازف البيانو)

أنا قلت لهم يغيروا لى الراجل ده . . وقلت لهم إن المزيكة بتاعته بطيئة عن الغناء بتاعى . . لكن ماحدث سمع كلامى لأنهم واخدينى على أفى نكتة

كونن : على كل حال يجوز أكلهم أنا . .

ماجى : لا ابعد أنت عن الوسط ده علشان انت راجل محترم .

كونن : ياناس هاتوا لها واحد تانى غير ده . .

(ويغير العزف على البيانو كأنما قد تغير العازف وتستمع هى باهتمام واضح)
أهوه . . سامعة دلوقت . . يعنى مافيش داعى تضايق نفسك
بس قولى لى وأنا أكلهم . .

ماجى : أنا أشكرك يا حبيبى . . شايف . . بيحترموك . . علشان كده

بيسمعوا كلامك . . وأنا عاوزة أبقي زوجة كويسة . . وباتضايق
أحياناً علشان باوجع دماغك بمشاكلى وعاوزة شغلى يمشى
كويس . . لكن همه عاوزين ياكلونى ويعيشوا على قفايا . .

كونن : مضبوط . . كلامك مضبوط ماتقدريش تعتمدى عليهم وفى نفس

الوقت تحترمى نفسك . . يا الله بينا نتمشى بقالنا زمان
ماخرجناش . .

(ويجلس إلى جوارها)

- ماجى : انت بتحبنى
- كونن : باعبدك أنا أتمنى تنبسطى فى حياتك ..
- ماجى : أنا يا كونن نكتة بتجيب فلوس ..
- كونن : أنا أفكر إن كل حاجة بتتغير دلوقت .. بقى عندك فرقة كبيرة
وعندك أحسن العازفين ..
- ماجى : علشان أنا كافحت .. انت فكرك إن حد منهم بيعجى يقول لى
اسمعى يا ماجى انت جبتي لنا فلوس كتيرة واحنا عاوزينك
تاخدى بالك من نفسك واطلبى مننا أى خدمة .. مافيش حد
بيقول كده
- كونن : مش معقول إنك تنتظرى منهم إنهم يحبوك ..
- ماجى : (وهى تشعر بالوحدة الشديدة)
أمال أنتظر من مين ؟
- كونن : إزاي بتقولى الكلام ده ؟
- ماجى : (تقف وفى نبرة صوتها الكثير من الشك) لما كنا مع بعض فى الحفلة انت
مارضتش تمسك ذراعى زى ما تكون مكسوف منى .. مش زى
ما أكون زوجة كويسة ..
- كونن : أبداً الى حصل إن احنا واحنا داخلين جه واحد كلمنى انشغلت
- ماجى : وإيه يعنى .. ده راجل بيشتغل عندى .. مش أنا الى باشتغل
عنده ..
- كونن : بس ده بيخرج لك برامج التلفزيون بتاعتك .. علشان كده أنا
اهتميت به ..

ماجى : انت مش لازم تتكسف منى . . وأنا من حقى أوقف الناس دى
عند حدها . . الى بينكتوا على وقت البروفة . . هو يعنى علشان
متعلم انت بتهم به . . لكن أنا الى باجيب الفلوس . . الجمهور
بييجى يتفرج على . . روح اسألهم أنا سعرى إيه فى السوق . :
كونن : أنا اتجوزتك يا ماجى ومش محتاجة إن حد يدينى درس عن سعرك
أوقيتك فى السوق . .

(تنظر إليه نظرة غريبة وتضحك بسخرية)

ماجى : انت بتكلمنى ببرود كده ليه . . ؟
كونن : مش ببرود أنا باحاول أشرح لك إيه الى حصل . .
ماجى : طيب احضنى ومافيش داعى للشرح
(يحتضنها)

مش كده . . احضنى أوى . .

كونن : يالله نتمشى شوية . . يالله . .

ماجى : إيه الحكاية ؟

(تظهر لويز)

كونن : مافيش . .

ماجى : يا كونن انت لازم تاخذ بالك منى أكثر من كده . . قصدى يعنى
تعتبرنى موجودة . . واحدة فى حياتك

(تختفى لويز وتوجه ماجى إلى الظلام فى يأس شديد)

كونن : (وحده)

أنا باعبدك يا ماجى . . أنا آسف . . مش حيحصل ده منى مرة

تانية أبدأ انت محتاجة لحب أكثر مما تصورت . . وأنا عندي
الحب ده وحاخليك تحسى به . . ولما تحسى به حتدهشى العالم
كله . .

(وتغطي هذه المنطقة بأضواء وردية وتظهر ماجى بملابس النوم تفتح النافذة)

ماجى : عاجبك ؟ شايف القماش

كونن : جميل

ماجى : كل المفروض إنك تعمله هو إنك تقفلهم والشمس تخلي لك
السريـر لونه وردى . .

كونن : أيوه جميل جدا . . شايفه إن أى مناقشة مافيش ضرر منها . .
الحقيقة يا ماجى أنا عمري ما عرفت إيه هو الحب
(ويأخذها بين ذراعيه وقد هبطت معنوياتها)

ماجى : انت دايما مشغول وما عندكش وقت ليه غير بالنهار أو بعد الظهر لما
تفكر إنك عاوزنى ترجع البيت وتاخذنى فى حضنك . . فاكـر
الشتاء اللى فات كنت بترجع بعد الظهر ويبقى الثلج فى شعرك
ودايماً تلاقينى مستنياك آدى حياى بالنسبة لك .

كونن : بكرة حاجى بعد الظهر . .

ماجى : ماتخلينيش أحس إنه واجب . .

كونن : (يضحك وتنظر إليه نظرة ثابتة ثم تتلاشى ضحكته)

إيه ؟ فيه إيه ؟ شوفى أنا ما أحبش أخى حاجة . . الصدق هو
الى دايماً ينجى . . دايماً افتكرى إن الصراحة هى اللى بتنقذنا فى
النهاية . .

- ماجى : (تهز رأسها وتتنظر إليه)
أنا زوجة مش كويسة أنا باعطلك عن شغلك كتير . .
- كونن : أبدأ أنا قلت لك كده بس علشان . .
(محاولاً أن يحنى ضيقه الحقيقى) علشان أنا يعنى ما قاومتش العقوبة الى
بيفرضها عليك القانون وكل الى عملته إنى خففتها ٢٠,٠٠٠
دولار ومن حق الناس دول إنهم يغرموك ١٠٠,٠٠٠ دولار لما
تتمتنى عن إقامة أى حفلة . .
- ماجى : (فى ضيق شديد)
ليه ؟ مش مفروض إنى أغنى ؟ أنا كنت عيانة . .
- كونن : أنا عارف . . لكن كلام الدكتور ما بياخدوهوش حجة فى
الحالات الى بالشكل ده . .
- ماجى : (فى غضب شديد)
أنا كان جنبى بيوجعنى وما أقدرش أقف . . انت مش
مصدقنى . .
- كونن : ماجى . . أنا باقول لك الوضع القانونى بس . .
- ماجى : روح اسأل الوكيل بتاعى . . انت لازم تروح ترعق لهم مش
تكلمهم بالأدب وتقول لهم شهادة دكتور ومش دكتور . .
- كونن : (وقد جرح)
عيب ماتقوليش كده . .
- ماجى : أيوه روح اسألهم . . انت مش عارف حقوق واحدة نجمة يعنى
إيه ؟ أنا باجيب للناس دى ملايين . .

- كونن : يا ماجى عيب أنا باعتبر نفسى محامى كويس
- ماجى : أنا مابقولش لك إن الوكيل بتاعى محامى ..
- كونن : أنا عارف .. لكن أنا لما باتناقش معاه بالاقى عنده حلول جريئة .. لكن مش بيّفهم فى القانون
- ماجى : أدبك انت زعلت .. أنا مش حاعرف أقول لك حاجة بقى ..
- كونن : طيب يعنى أنا مضيع نصف وقتى فى حل مشاكلك .
- ماجى : انت مش مضيع وقتك ..
- كونن : (وقد أصابه الرعب من أنها لا تعرف ذلك فيثور)
- أنا عارف أنا باضيع وقتى إزاي ..
- (تنظر إليه وتهز رأسها وقد جرحته ونزلت الدموع على خدها وتذهب إلى زجاجة تملأ لنفسها كأساً)
- أنا آسف يا حبيبتي لكن لما بتكلميني بالشكل ده باحس إني زى ما أكون مغفل كفاية شرب أرجوك ..
- (تشرب)
- أنا مش معترض على الوقت اللى باقضيّه هنا .. أنا سعيد ..
- بس ..
- ماجى : ماكانش لازم تتجوز .. أنا عارفة لما الرجالة بتتجوز كل حاجة بتتغير .. كل راجل عرفته لقيته بيكره مراته ..
- كونن : شايفة إنها بتوصل لنفس النتيجة .. اسمعى انت لسة بتتصرفى زى ما تكونى لوحدهك .. وإني فى كل مرة أعترض على تصرف من تصرفاتك .. بيتيأ لك إن الدنيا حتتهد لكن ..

ماجى : يا كونن انت علمتنى أتكلم . . لكن لما باتكلم بتتجن أنت . .
كونن : أنا مش بتجن . . أنا باتضايق من إنك مش قادرة تحسى
بالانبساط اللى فى حياتنا . . أعظم سعادة عندى هى لما أعرف
إنى ساعدتك على أن تضحكى

ماجى : انت تعرف إن السبب الوحيد اللى من أجله إنى عاوزه أتقدم هو
إنك تبقى فخور بيه وتيجى فى يوم من الأيام وتقول شوفوا أنا
لقيتها ولا حاجة ودلوقت شوفوا ماجى بقت حاجة كبيرة . . كل
حاجة باعملها علشانك . .

كونن : طب احنا بتتناقش فى إيه دلوقت . . ؟ احنا الاتنين عاوزين
نفس الحاجة . .

(وفجأة إلى المستمع)

القوة . . قوة حاجة . . لحظة واحدة أنا كانت عندى الفكرة
راحت منى . . مش عارف قوة إيه ؟

ماجى : (تصب لنفسها كأساً أخرى)

يبقى أنا أروح أدور لى على محامى . . شايف أنا عايشة زى
الغريبة . .

كونن : (وقد جرحته هذه الفكرة)

الى يعجبك . .

ماجى : انت ماتتضايقش لما أروح أشوف واحد محامى . . أنت فاكر
البتت اللى بتعزف الكمان فى الأوركسترا ؟ فاكرها ؟ .. وفاكر
إزاي اتخلصوا منها . . كان لازم يتخلصوا منها . . انت مش

- بتضحك لما واحدة مغنية بتخرج عن اللحن ..
- كونن : لكن هيه قالت إنها كحت ..
- ماجى : (فى سورة غضب)
- لا هيه ما كحتش هيه ضحكك وانت قعدت تكركر على النكت
الظريفة بتاعتها كل ده ليه .. لأنها مرة اشتركت فى أوركسترا
بيعزف سيمفونية ولا حاجة : .
- كونن : يا ماجى أنا جيت علشان أخذك وشفتها قلت لها إزيك بس ..
- ماجى : أنا مش حاخلص التسجيل ده أبداً طول ما هي فى الفرقة دى ..
- أنا أقدر أحط الشروط اللى تعجبني وأنا مش هاترجى حد أبداً
وأنا عاوزها تخرج من الفرقة .. وحتخرج !
- كونن : (فى هدوء)
- وهو كذلك .. بكره الصبح حاكلهم
- ماجى : انت مش حتكلمهم .. لأنك مؤدب زيادة عن اللزوم .
- كونن : ما أنا اتكلمت قبل كده برضه وطردت ٣ تانيين من ثلاث فرق
تانية ..
- ماجى : وإيه يعنى ؟ طب ما هو علشان انت جوزى ومفروض إنك انت
تعمل كده .. مش كده ..
- كونن : يعنى أنا ما أقدرش أدعى أنا مبسوط إني كل يوم والتانى أطلب إن
واحد يترفد ..
- ماجى : لكن افرض إنها كانت بتتك .. مش كنت تزعل إنهم بيضتحكوا
عليها ..

- كونن : أيوه . . أفكر كده . . أنا متأسف . . على كل حال الصبح أنا
حا كلمهم . .
- ماجى : (بختان يائس)
- أدى كل الى أنا عاوزاه . . أنا نفسى تسأل روحك ليه أنا باعمل
كده وليه أنا مابايتسمش لأنى أنا باجاهد طول الوقت علشان
أخليك تشوف بعينك الى أنا فيه . . لكن أنت عامل زى عيل
صغير وما انتاش شايف السكاكين الى الناس مخبياها ورا ظهرها .
- كونن : أنا شايف السكاكين لكن . . نفس الوضع . . نفس الحكاية . .
برضه لسه مش مصدقة إنك مش لوحده . .
- ماجى : طيب خلىنى أصدق .
- كونن : أنا باحاول . . لكن أحياناً انت تقول حاجة تخلىنى أياس . .
والحقيقة أنا مشغول بيك .
- ماجى : أنا ما باقولش إنك مش مهتم بيه . . لكن أنا باشوف حاجات
مخيفة فى حياتى ومعظم الحاجات دى ماقولتش لك عليها . .
- كونن : يا حبيبتي كل شىء راح . . دلوقت بقى لك زوج ويحبك . .
(لحظة صمت . . ويبدو عليها الفزع الشديد)
- ماجى : لكن مش كل شىء راح . . لما أمك قالت لى إن أنا تخنت عرفت
أنا إيه بالنسبة لك وشفنت إنك ما عملتش لأمك حاجة
- كونن : وأنا كنت حاعمل إيه ؟
- ماجى : كنت تعمل إيه ؟ كنت تضربها قلمين . .
- كونن : لكن أمى بتقول أى حاجة تيجى على بالها . .

- ماجى : لكن شتمتنى علشان بتغير منى . .
- كونن : والله دى بتعبدك . .
- ماجى : انت عاوز تخلىنى أفكر إنى مجنونة ؟
- كونن : ليه بس دائماً تقولى كده ؟
- ماجى : أنا مش مجنونة . .
- كونن : أنا عمري ما قلت عليك مجنونة . . على كل حال أنا حاكم أمى . .
- ماجى : (تقلده وتبالغ فى عجزه)
- أنا حاقول لها : هى بتكرهنى . .
- كونن : أنا حاخليها تعتذر لك . .
- ماجى : طيب على الأقل بين إناك زعلان أو متضايق . .
- كونن : طيب وهو كذلك . .
- (وتشرب)
- ماجى : أنا مش رايحة الشغل بكره . .
- (وتلقى بنفسها على السرير مرهقة)
- كونن : على كيفك
- ماجى : انت عارف إنى مش على كىفى . . انت ميت فى جلدك لأنك عارف إنهم حيرفعوا على قضية بكره . .
- كونن : أنا مش ميت فى جلدى . . أنا بس صعبان عليه إناك بتبقى رائعة فى البرنامج ده ومع ذلك مانتيش رايحة
- (وقد نهضت فى غضب شديد)

- ماجى : كل اللى يهملك الفلوس . . انت بتهينى . .
(وقد كظم غيظه وهدأ صوته)
- كونن : يا ماجى ما تكلمينش باللهجة دى . .
- ماجى : إيه حتقول عليه بلدى . . ؟ حتقول إنى باتكلم زى العريجية . . أنا
مايهمنيش . . أنا أصلى كده . . أنا من الزنوج . . وأنا من أحط
أنواع العريجية .
- كونن : طيب أمال بترفضى الناس بالسهولة دى ليه .
- ماجى : (وقد ضاقت عيناها وتنظر كأنها تراه لأول مرة)
اسمع انت مش عاوزنى . . انت بتعمل إيه هنا دلوقت . .
- كونن : (بصوت مرتجف) أنا عايش هنا وانت كمان . . انت لسه مش
عارفه . . بكره تعرفى أنا أبقي إيه
- الاب : هو رايح فين الواد ده . . أنا عاوزه . . انت أصلك إيه ؟
- كونن : أنا هنا . . وحافضل هنا . . وأنا كده . . وفى يوم من الأيام انت
حتعملى زى دلوقت . . روحى نامى أنا خارج بعد ١٠ دقائق
رايح أتمشى شوية . .
- ماجى : رايح تتمشى فين ؟
- كونن : حوالين البيت . .
(وترقبه فى عناية ويرى تشككها فيه)
مافيش حد حاتمشى لوحدى
- ماجى : (بشك واضح)
وهو كذلك . .

- (ويبعد عنها بضع خطوات وينظر إليها وهي تفتح زجاجة الحبوب المنومة)
- كونن : (وقد رجع إليها)
- انت مش لازم تاخدى الحبوب دى مع الوسكى . .
- (ويصل إليها ويمسك الزجاجة وتسحبها منه ويقاوم ويضع الحبوب فى جيبه)
- ما هو ده الى حصل المرة الى فاتت ومش حايحصل تانى أبداً . .
- أنا راجع حالاً . .
- ماجى : (وتصب لنفسها كأساً أخرى)
- أنت لابس البنطلون ده ليه ؟ ده حجره ضيق . .
- كونن : هو تفصيله كده - لكن ممكن أخرج بيه . .
- ماجى : أنا قلت لك إن التلامذة يلبسوا بنطلونات زى دى
- كونن : (ينظر إليها بدهشة)
- أنت دلوقت بتقولى على تلميذ ؟
- ماجى : (سكرى جداً) عرفت شوية منهم مش عارفة إذا كنت انت عارف الحكاية دى ولا لا . . وأنا مفروض إنى أقول الى أنا باشوفه . .
- كونن : انت بتحاولى إنك تخلينى أسيبك مش كده ؟ وده الى حايحصل
- ماجى : (مشيرة إليه)
- إيه الى مفروض يحصل ؟ يعنى إيه ؟ وتتعثر وتسقط
- كونن : (قريباً منها وهو يعلم أنها فاقدة الوعي) ودلوقت أنا حاخرج . . هيه وكل حاجة رجعت زى ما كانت . .
- (ويأخذ بيدها فى غضب ويرفعها) هو ده الى انت عاوزاه ؟
- ماجى : (محاولة أن تبعد عنه)

أنا باقول لك فيه إيه ؟ فيه إيه ؟

كونن : (يحاول أن يضعها على السرير بالقوة)

ماجى : فيه إيه ؟

(وتنهض من جديد)

انت حاتقدر تستناني لما أبقى عجوزة . . انت عارف فيه واحد
سواق قاللى إيه النهاردة ؟ . . قاللى أنا أدىكى ٥٠ دولار . .
(وتبكي فيهرب منها)

انت عارف ٥٠ دولار يعنى إيه بالنسبة لسواق تاكسى ؟
أخرج . . تقدر تخرج وأنا أقدر أمشى من غير ما أقع شايف
أهه . .

(وتمشى وتضع قدماً أمام قدم مفرودة الذراعين) .

فيه إيه ؟ إيه اللى حصل ؟ عاوز ترقص ؟ تحب ترقص ؟ .

كونن : أرجوك بلاش

ماجى : (تتجه إلى الفونوغراف وتصنع موسيقى راقصة وتحاول أن تتراقص حوله)
عاوزه أعرف انت عاوز إيه ؟

(لا ينظر إليها بينما تتمتع حوله فيمسك بها ويلقى بها على السرير)

تقدر تستنى لحد ما أبقى عجوزة ؟ تقدر ؟

(وتظل تنظر إليه بينما يحملق فيها ويوجه كلامه للمستمع)

كونن : إذا كان فيه حب يبقى ما فيش حدود للانتظار . . الحب أعمى

عن الشتايم . . أعمى عن الإهانة . . أعمى عن الخنجر اللى فى
اللحم . . أعمى زى العدالة زى . .

(تظهر فليس فيرفع كونتن يديه في بطاء وتتساءل ماجى مرة أخرى وهى في
سريها نصف نائمة)

ماجى : فيه إيه ؟

(وتختفى فليس فيتزل ذراعيه)

قصدى انت عاوز إيه ؟ عاوز إيه ؟

(يظهر الأب)

الأب : انت أصلك إيه ؟

كونتن : (يهز رأسه ويظهر دان)

دان : العيلة دى دائماً وراك . . أى حاجة انت عاوزها بس اطلبها . .

(ويظهر ميكى ويتجه إليه كونتن)

ميكى : احنا الاتنين نرجع تانى لو نقول لهم على كل حاجة ونعترف لهم
بالأسماء . .

(محاولاً أن يبعد هذه الصورة من رأسه ويصرخ عندما يتلاشى أبوه وأخوه)

كونتن : لا . . لا . . باسم مين عاوز تتنكر لهم ؟ أنا شفت كل حاجة
بوضوح . . أنا عارف ده اسمه إيه . .

(ويظهر «لو» فى أعلى المسرح ويقترّب صوت قطار ويبدو أنه سقط تحت

عجلات القطار ونسمع صوت فرامل صارخة وصراخ .

لو : كونتن . .

(ويختفى وكذلك ميكى بينما يضع كونتن يديه فوق رأسه ويظهر برج المسكر فى

المؤخرة)

كونتن : (بغضب وفزع)

باسم مين ؟ وبأنهى اسم ممتغطى بالدم تشوف وش واحد بتجبه
وتقول له دلوقت لازم تموت . . المعنى ده له اسم مش عارفه
أنا . .

(وراءه وبصعوبة يرى شبحاً قد انحنى . . إنها أمه فى ملابس الحرب الأولى
تناديه بهمس غريب) .

الأم : كونتن انت يا كونتن . .

(ثم تتحرك بسرعة إلى الظل ويسرع ناحيتها فى خوف) .

كونتن : إيه ؟ إيه ؟

الأم : شوف جنبنا لك إيه يا حبيبى ؟ جنبنا لك اللعبة دى . .

(وموجة هائلة تحدث دويًا على الشاطئ وتختفى أمه عندما يظهر القمر)

كونتن : على الشاطئ وفى الكوخ ده ليلة امبارح . .

(ماجى فى يدها زجاجة وشعرها يتدلى على وجهها وتتمتع على الشاطئ وتقف فى

مواجهة الأمواج وتستند على درابزين الميناء ويسرع ناحيتها ويمسكها بيديه

فتستدير لتجد أنه هو وتستمتع إلى صوت الجاز من الداخل فى هدوء «

ماجى : طول عمرك محبوب يا كونتن مافيش حد اتحب زيك . .

كونتن : (يتركها)

كارى قالت لك إنى أنا ضربت لك تليفون ؟ الطيارة ماقدرتش

تقوم النهاردة . .

ماجى : (مخمورة قليلا)

أنا كنت حاموت نفسى دلوقت . .

(وتمشى بعيداً عنه وهو صامت ثم تستدير)

- ولا دى كمان مش مصدقها ؟
- كونن : (فى هدوء تام وبعيداً عنها)
أنا أنقذتك مرتين بقى ليه ما أصدقش . . (متجهاً إليها)
الرطوبة ديه تضر حنجرتك . . ما كنش لازم تخرجى . .
- ماجى : (مجلس من جديد وتحرك رجلها)
انت كنت فين ؟
- كونن : أنا كنت مسافر . . أنا قلت لك . .
- ماجى : (بسخرية)
مسافر ؟
- كونن : آه . . رايح أدفع ديونا . .
(ويدخل إلى غرفة النوم ويخلع الجاكته)
- ماجى : (من الشاطئ من بعيد)
ما سمعتش أنا باقول إيه ؟
- كونن : سمعت لكن ما أقدرش أخرج بره الجو رطوبة خالص يا ماجى . .
- ماجى : (وتنظر إليه لحظة وقد اتسمت عيناها فى دهشة لنبرة صوته التى تدل على عدم اهتمام وتنفض مفرعة إلى حجرة النوم عندما يخلع هو كرافته) هيه إيه الحكاية ؟
- كونن : أبداً أنا حانام . . تعبان . .
- ماجى : تعبان ؟
- كونن : أيوه أنا كمان باتعب . .
- ماجى : مسكين . .
- كونن : لا مبقتش مسكين .

(ويجلس على السرير ويخلع حذاءه ويجلس هي على مقعد وزجاجة الحبوب في يدها) .

- ماجى : (في لهجة التحدى له)
أنا ما عملتش بروفة النهاردة كمان . .
كونن : أنا كنت متوقع كده . .
ماجى : أنا ندهت وكيلى وقلت له أنا مش حاشتغل وياك تانى . . ومش
هامنى حتى لو جاب لى ١٠ عقود وطلبت التليفزيون وقلت لهم أنا
مش حاعمل البرنامج السخيف ده . . وأنا مش متمسكة بأى
وعد أنت خليتنى أديه لهم . . وأنا فنانة وأنا مش لازم أعمل
برامج سخيفة بالشكل ده مهما كان الأجر . .
كونن : أنا مابقتش المحامى بتاعك . . انت تروحي للوكيل بتاعك . .
ماجى : قلت له وهو قال لهم وما فيش قضايا مرفوعة علينا . .
كونن : أنا حاروح أنام فى الصالون . . علشان عاوز أستريح و . .
(ويخرج)

(ماجى تمسك الزجاجاة)

- ماجى : أهم عدهم إذا كنت عاوز أنا أخذت شوية صغيرة . .
كونن : أنا مش حاعدهم تانى أنا بطلت أبقي العسكرى بتاعك . . لكن
عاوزة تقولى لى أرجوك تقولى لى كام واحدة بلعتها قبل ما آجى . .
علشان هم لازم يعرفوا قبل ما ييجوا الليلة يعملوا لك غسيل
معدة . .

ماجى : (وقد جرحت وتضايقت) .

إيه اللي أنت بتقوله ده ؟

كونن : أنا ما أقدرش أشارك معاك فى الجريمة ديه . . وأنا شايف كل حاجة بوضوح وعاوز أقول لك كل حاجة مقدماً . . المرتين اللي فاتوا أنقذناك وشكرتيني على أنى أنقذت حياتك وعشنا بعد كده أيام حلوة وهنية . . لكن أنا المرة دى مش الدكتور بتاعك لكن إذا كانت ديه الطريقة اللي انت بتفهمى بيها السعادة الزوجية فسبيك من الحكاية ديه وأنا حاروح أجيب لك الإسعاف . . ولما تفوقى وتلاقى نفسك فى المستشفى وتبقى فضيحة فى الجرايد . . وأنا دلوقت مش عاوز أبداً أبقي المنقذ مرة ثانية . . أبداً . . الحبوب ديه بتاعتك . . ديه حياتك وانت مسئولة عن عمرك . .

ماجى : إيه ده كله . . إيه ده كله . . ماتعملش زى العيال ونجربى . .

كونن : (يتوقف وصمت)

أقول لك إيه ؟ أنا مرفود خلاص . .

ماجى : لا مش مرفود . .

كونن : الحقيقة ديه تانى مرة فى ٦ أشهر ودلوقت أنا مش قادر آخذ قرار فى أى حاجة من غير ما أحس إن فيه حاجة جوايا بتضحك على . .

ماجى : وهى ديه غلطتى . .

كونن : ماجى اسمعى أنا بس باقول لك علشان تفهمى إن المشكلة دلوقتى إنك مش تعيشى أو تموتى . . إن أنا كمان أعيش أو أموت . . لأننا فى موضع حرج . . خلاص هو ده الفرق اللي بقى واضح

جدا الليلة دى .. وأرجوك تاخدى بالك من أى سؤال تقولىه لأن
أنا حاكلمك بصراحة وأنت عارفة ..

ماجى : (تفتح الزجاجاة وتبتلع بعض الحبوب)

كونن : على كيفك ..

ماجى : انت حتعمل إيه ؟

كونن : أنا حانام فى اللوكاندة الليلة وأنا أفكر إنك حتبقى مستريحة أكثر لما

يكون العفريت اللى قدامك .. نايم فى حنة تانية ..

(ويربط الكرافنة)

ماجى : (وصوتها مرهق)

لا متخرجش .. أرجوك تقعد ..

(تماماً كما فعلت أول مرة عندما التقيا وتدعوه للجلوس وتشير إلى مقعد)

أرجوك تقعد بس لحد ما أناام .. أرجوك ..

كونن : (وقد تأثر)

أوكى إذا كنت حاتنام أنا حاستنى ..

ماجى : أيوه حانام أهوه حتى شوف ..

(وتذهب إلى الفراش وتمسك الحبوب وتنام)

حتى شوف ..

(ويجلس فى مواجهتها بعيداً عنها فى صمت)

فاكر انت كنت بتكلمنى إزاي لحد ما أناام .

كونن : ياما قعدت أيام وأسابيع جنبك ولا انت فاكره وياما ركبتك فى

عريقتى علشان أهديكى ... وياما خدتك فى القارب ولفيت

بيكى المينا وياما خدتك مكتبي لكن كل الى بتفتكره ليه
الحاجات الوحشة بس . .

ماجى : تقدر بس تستنى ٥ دقائق . .

(لحظة صمت ويحاول ألا ييكى)

كونن : حاضر . . استنى . .

ماجى : (صمت وفجأة تلقى بالحبوب على الأرض)

شايف مش حاخد حبوب تانى . . أنا خدت ١٥ بس تقدر تاخذ
الزجاجة إذا كنت عاوز

كونن : أبداً مش حاخد الزجاجة أنا خلاص مابقتش العسكرى
بتاعك . .

ماجى : أرجوك ماتندهش الإسعاف . .

كونن : كفاية بقى . . أنا ما أقدرش أنحمل كل ده لوحدى . .

ماجى : (لحظة صمت)

انت حاترجع لمراتك الأولانية مش كده ؟

كونن : لأ أنا كنت عندها . .

ماجى : وبعدين ؟

كونن : (بعد صمت طويل)

أول حاجة يجب أعملها هو أنى أشوف حد ياخذ باله منك . .

ماجى : (بعناية شديدة)

يعنى إيه ياخذ باله منى

كونن : (صمت وباضطراب شديد بدأ يلمس وجهه بيده ثم ينزل يده)

أنا كلمت الدكتور بتاعك النهارده

ماجى : على إيه ؟
كونن : مش عاوز أقول لك على إيه وانت بالشكل ده . .
ماجى : لأ أنا سامعه كل حاجة . . انت كلمته على إيه ؟ عاوز تحطنى فى
مستشفى . .

كونن : لأ . . لكن لازم حد يشرف عليك وأنا مش لازم أكون معاك
بعد كده . . مش لازم أكون معاك مدة سنة على الأقل . .
ماجى : دلوقت انت خدت اللى كنت عاوزه

كونن : أبداً بالعكس ومش لازم نتناقش دلوقت
ماجى : انت مش ممكن تحطنى فى أى حطة يا حضرة
كونن : أنا ماليش دعوة بالموضوع ده المسألة بينك وبين الدكتور . .
ماجى : ليه هو أنت قلت له إيه ؟

كونن : يا ماجى انت عاوزه تموتى وأنا مش عارف أى طريقة أمنعك بيها
من الموت . . أنا يادوبك غبت عنك ٢٤ ساعة لقيتك بالشكل
ده وأنا عايش على وهم أبله إنك فى يوم من الأيام حتخرجى من
الحنطة اللى انت فيها دى . . دلوقت أعتقد أن حد تانى ماعندوش
الأوهام اللى عندى لازم يهتم بك باستمرار علشان يمنعك من
الموت . .

ماجى : يمكن شوية حب تمنعنى . .
كونن : حب إيه ؟ هو انت بقيتى تعرفى أنا مين غير اسمى . . انت تعرفى
حاجة . . أنا بقيت كل المصايب اللى فى الدنيا . . وبقيت القدر

وبقيت خيبة الأمل . . وبقيت الانتقام المجرم . .

ماجى : ده كله حصل إزاي . .

(وتسخر منه وتفتح الزجاجه)

كونن : أنا مش قاعد هنا إذا أخذتى أى حباية خصوصاً بعد الويسكى هو

ده الى حصل المرة الى فاتت . .

(وتمسك بعض الحبوب فى يديها ويبعد هو عنها)

أوكى الخدامة فى الحجرة وأنا قلت لها تبص عليك كل ٥ دقائق

وإذا شافت أى حاجة تطلب الإسعاف . . تصبحى على خير

ماجى : هيه مش حاتطلب الإسعاف علشان هيه بتحبى

كونن : علشان بتحبك حاتطلب الإسعاف . . وده الى كان لازم أعمله

من سنتين . . لكن أنا ماعرفتش من سنتين الى باعرفه دلوقت . .

ماجى : ودلوقت انت عارف إيه ؟؟ انت بتدلع . .

كونن : يا ماجى الانتحار معناه موت لاتنين . . موتك انت ومستوليتى

عن موتك معناه كده . . وعلشان كده أنا باحاول أنقذ

نفسى . . !

(يبدو أنها فكرت قليلاً . . ثم تأخذ حبتين وتبتلعهما)

كونن : على كيفك .

(ويخرج)

ماجى : (وقد تغير صوتها قليلاً)

مين هو لعازر ؟

(يتوقف دون أن يستدير بوجهه إليها وتلقت دون أن تعرف إنه قد خرج)

مين هو لعازر يا كونتن
(وبشئ من الفزع وهي تتقلب على الفراش)
مين هو؟

كونتن : (يقرب منها)

ده واحد يسوع أحياه الكتاب المقدس بيقول كده

ماجى : والحكاية دى معناها إيه؟

كونتن : قوة الإيمان . .

ماجى : واللى ماعندهممش إيمان

كونتن : تبقى عندهم إرادة بس

ماجى : إزاي تبقى عندك إرادة؟

كونتن : لما يبقى عندك إيمان

ماجى : عاوزه شوية تفاح

(هو يتسم ويخرج)

وعاوزه آيس كريم وفين فستان عيد الميلاد بتاعى لو كنت أف
وفين ماما . . أنا عاوزه أمى . . (يجلس كأنها فى حلم وتنظر وت
انت واقف عندك ليه؟

(وتنهض من الفراش وتقرب منه وتنظر فى وجهه)

انت عاوز مزيكة؟

كونتن : وهو كذلك بس نامى وأنا حاسمك مزيكة

(وتذهب إلى الفونوغراف وتضع عليه أسطوانة وتسمع جاز)

ماجى : لأ .. اقعد انت .. اقلع جزمته .. مش لازم تعمل حاجة بعد كده ..

(وتدير الاسطوانة)

أنا كنت نائمة ؟

كونن : أفكر لحظة ..

ماجى : وهيه كانت هنا ؟ .. كان فيه حد هنا ؟

كونن : لأ ماكانش فيه غيرى

ماجى : ماكانش فيه دخان ؟

كونن : أمك ماتت وخلاص ماتقدرش تأذيك تانى ما تخافيش .

ماجى : (بصوت يائس كطفل خائف) انت ناوى تحطنى فين ؟

كونن : (بصرخة مهددة) أبداً ولا فى أى مكان يا حبيبتي هو اللى .. هو اللى
حيختار .. هو اللى حيقول لك ..

ماجى : شوف حتى .. أهو حانام قدامك أهوه .. شوف حتى شوف ..

كونن : طيب شاطره .. شاطره ..

ماجى : فاكر كنت بتكلمنى إزاي لحد ما أناام

كونن : أيوه فاكر ..

(ويجلس إلى جوارها على السرير ويحاول أن تتكلم بوضوح)

ماجى : كانت مريحة سفريتك ؟

كونن : أيوه كانت مريحة جداً .. وانت كنت عامله إيه هنا ؟

(تتنفس بصعوبة)

- ماجى : أيوه شوية ناس هنا . . ودلوقت تقدر تاخذ الحبوب دى إذا كنت عاوز . .
- كونن : أنا حاقول للخدمة تيجى تاخذهم (وينهض ويتحرك وماجى تمسك الزجاجة)
- ماجى : لا أنا مش حاديهم لها . .
- كونن : طب انت عاوزانى أخدهم ليه ؟
- ماجى : خدهم أهم
- كونن : شايفة دلوقت ؟ شايفة انت عاوزة منى إيه ؟ عاوزة تخلىنى آخذ منك الزجاجة وبعدين نتخانق وبعدين أسيبهم لك وبعدين تاخذيهم وتموتى نفسك .. شايفة انت بتعملى إيه ؟ عاوزة تعملين مجرم ؟
- (ويتراجع)
- دلوقت أنا حامشى ولا يمكن انت تكونى ضحيتى . . لكن انت دلوقتى حتبقي ضحية نفسك وبايدك انت
- ماجى : (تسحب يدها وتنظر إليها)
- بس أنا كنت عاوزة أبقي حاجة كبيرة علشان انت تفخر بيه . .
- كونن : أنا علشانك انت أكثر من أى حاجة . . انت عندك طموح والطموح مش جريمة وتقدرى تبقى كل حاجة من غيرى
- ماجى : (وهى تكاد تبكى)
- انت هربت لأن ماعندكش صبر . .
- كونن : أيوه مضبوط

- ماجى : وعلشان كده كذبت كمان
- كونتن : أيوه مضبوط وكذبت كل يوم احنا كنا منفصلين عن بعض .
- ماجى : انت كنت عاوز مومس سعيدة مش كده ؟
- كونتن : مش مومس بس سعيدة . . أنا مش عاوز وجع دماغ .
- ماجى : لكن المسيح حبها
- كونتن : مين ؟
- ماجى : لعازر
- كونتن : (لحظة صمت)
- أيوه ده مضبوط . . أيوه حبها لدرجة إنه أحيّاها لكن ده اسمه المسيح . عنده الحب اللى مالوش حدود ولما بيعجى راجل يحاول أن يحب حيكون عن طريق القوة . . ولما بيعجى واحد ينقذ واحد تانى بأكذوبة الحب اللى مالوش أول ولا آخر ده يلقي ظل على وجهه الله . . واللى بيعحاول يقف بين شخص وبين حقيقته ما يمكنش يكون بيعبه .
- ماجى : (تحاول أن تمحو بعض الصور من ذهنها)
- كونتن : لكن أبويا حيعرف مكاني إذا أنت حطيتني في حنة لأ . .
- ماجى : لأ ؟ طيب إيه هو اللى يمشي مع الأخلاق ؟
- كونتن : إن الواحد يقول الحق
- ماجى : حتى ولو على نفسه
- كونتن : أيوه

ماجى : (تتجه إليه ونظرتها مجنونة وقد بدا الصدق على وجهها مجرداً من كل قيد وفيها صرخة مكتومة كأنها لم تكتشف إلا الآن أنه لا أمل)
أنا سامعك .. كونتن حبيبي سامعك إيه اللى حصل ؟
(وتبكي ويبكى هو أيضاً)

كونتن : (وكأنه على شفا الهاوية)
ماجى احنا الاتنين هلكنا بعض ..

ماجى : (تبكى وتناديه)
لا مش أنا .. مش أنا

كونتن : أيوه أنت .. وأنا .. قلنا نعيش .. وقلنا نعيش دلوقت وحيننا براءة كل واحد .. وحيننا براءتنا .. كان فيه ملاك ليل ونهار يجيب لنا بالضبط اللى احنا عاوزين نفقده .. ومافيش دكتور يقدر يقتله ولا فيش ظلام يقدر يخليه يضيع في الطريق ولازم تحبيه لأنه بيحتفظ بالصدق في العالم .. الحبوب اللى انت بتبليها دى زى ما تكونى بتبلى قوة .. لكن مش حاينقذك إلا اللى انت عملتيه .. لو إنك انت حبيبي في يوم وقلت إنك كنت قاسية على الناس وياما ضربوني وياما كنت أنا شريرة معاهم وشتمت جوزى وقلت عليه إنه أبله قدام الناس وإن أنا أنانية رغم كرمى وإن أنا جرحنى طابور طويل من الناس .. لكن أنا تعاونت مع اللى قتلونى ..

ماجى : (في ثورة) انت ابن كلب

كونتن : أنا مليون كراهية .. أنا يا ماجى باكره الدنيا ..

- ماجى : أخرج من هنا . . .
- كونن : أنا باكره الستات . . باكره الرجاله . . وباكره الى ما يركعش
عند رجلى ويعلمن حبه الأبدى لى . .
(تملاً يدها بالحبوب المنومة وتتكلم فى يأس دون أن تحاول أن تضع الحبوب فى
فمها)
- أرميها فى البحر . . أرمى الموت فى البحر واشترى حياتك بدل
منه . . حياتك المتعفنة الكريهة الصورة المشوهة للحياة . . القوة
الى انت بتدورى عليها هى : الموت . . حاولى تعملى أقسى
حاجة فى الدنيا . . شوفى الكره الى فيك وعيشى بعد كده . .
(وفى صمت ترفع يدها إلى فمها ويمسك هو يدها ويحول بينها وبين فمها)
- ماجى : انت إيه ؟ انت قاضى حقير ؟ سيبنى انت مش قاضى . . انت
عارف امتى أنا كنت عاوزه أموت لما قرئت الى انت كتبتنه
يا قاضى . . بعد شهرين من جوازنا يا قاضى . .
- كونن : (وقد صدم ويفزع)
- خلينا نتكلم بصراحة مش كلمتين على ورق هما الى حطمونا . .
انت قلت لى إنك كنت عاوزه تموتى نفسك قبل ما تعرفينى بزمان
- ماجى : يعنى ماكتتش موجود انت ؟ وماكتتش لسه قابلتك ؟
(وتحاول أن تضحك)
- انت جبان . . جبان . .
- (وتترنح ولكنها تتأسك والحبوب فى يدها)
- أنا كنت فاكركه إن أنا متجوزة ملك يا ابن الكلب . . كنت بادور

على قلم أمضى به في الأوتوجرافات وهناك أهوه أدى المكتب
بتاعه فاضى وكرسیه فاضى ويقتعد ويفكر في مشاكل الناس . .
وأدى خط إيده وكنت عاوزة ألمس خط إيده . . وأدى كلامه
مكتوب على الوق . .

(وكانها تقرأ فعلاً في الهواء)

الطريقة الوحيدة التي سألها إلى الأبد هي ابنتي لو . . كنت أجد
طريقة كويسة للموت . .

(تتجه إليه)

أمتي حتواجه ده يا حضرة القاضي . . فاكر امتي أنا وقعت مغمی
على . . فاكر السجادة الجديدة . . هو ده اللي موتني يا حضرة
القاضي . . مش كده ؟

(وتترنح وتتجه إليه)

مش كده أمتي حتواجه ده ؟

كونن : (لحظة صمت يقاوم اتهامها وشعوره بالذنب)

طيب حطی الحبوب دی فی الزجاجة . . أنا حاقول لك
الحقيقة . .

ماجی : أنت مش حاتقول الحقيقة

كونن : أنا حاقول الحقيقة . .

(ویمسك يديها ويبعدها عن الزجاجة)

بس خلی معاك الزجاجة وحطی الحبوب فيها وأنا حاقول
لك . .

- ماجى : (وقد أطلقت يدها على الحبوب)
- كونن : رجعى الحبوب فى الزجاجاة . .
- (وتدعه يضع الحبوب فى الزجاجاة وتحفظ بها وتظل ممسكة بالزجاجاة فى يديها
وقد أخذت نفساً عميقاً)
- ماجى : كذاب . .
- كونن : (فى هدوء)
- وعملنا أول حفلة فى بيتنا كان فيها شخصيات مهمة . . مدير
التليفزيون والمخرجين . .
- ماجى : وأنت كنت مستعمر منى ما تكذبش . . لسه عامل نفسك إله ما هو
ده اللى قتلنى . .
- كونن : بس أنا ما كنتش مستعمر منك . . أنا كنت خايف . . أنا ما كنتش
متأكد إذا كان لك صلة بيهم ولا لأ
- ماجى : لكن أنا ما عرفتش ولا واحد منهم . .
- كونن : (دون أن ينظر إليها)
- وأنا ايش عرفنى أنا أقسم لك إنى أنا ما فكرتش فى أن واحد منهم
له أى قيمة عندى وما أقدرش أتخيل اللى يخلينى أخجل منه . .
وده كان بعد فوات الأون . . وأنا كتبت ده وأنا زى غيرى اللى
خانوك وأنا ما يمكنش أكون موضع ثقة مرة تانية . .
- ماجى : (تهز رأسها)
- أنت عمرك ما اديتنى فرصة .
- كونن : (دون أن تكون عنده رغبة فى العفو)

أنا اديتك يا ماجى لكن بعد فوات الأوان . . اديتك كل حياقي
لكن برضه بعد فوات الأوان . .

ماجى : (بخليط من الاتهام والرقّة) لكن ليه كتبت ده . .
(وتبكي)

كونن : لأن بعد الضيوف ما خرجوا وانت قلت لى كده فجأة إن أنا بارد
ومتباعد ودى كانت أول مرة أشوف عينيك بالشكل ده لأنى
خليتك تحسى إنك مش موجودة

ماجى : ما تلخبطش بينى وبين لويز

كونن : هو ده اللى حصل وإذا كنت أنا أتهم اتنين مختلفين بنفس
التهمة . . بالشكل ده تنقل الدائرة قدامى وأنا لا بد أواجه أسوأ
ما تخيلت وهو إنى ما أقدرش أحب وكتبت كده زى ما يكون
جواب لنفسى . .

(وتضع هى الحبوب فى يدها) .

وادينى قلت لك وده آخر ما عندى ، عاوزه أكثر من كده إيه ؟
(وتشرع فى وضع الحبوب فى يدها تمهيداً لوضعها فى فمها فى اللحظة التى يحول
بينها وبين ذلك)

أكثر من كده عاوزه إيه ؟ احنا يا ماجى لازم يكون عندنا شىء
من التواضع أمام أنفسنا . . احنا الاتنين مولودين من مجموعة من
الأخطاء . . والبنى آدم لازم يسامح نفسه . . عاوزانى أقول إنى
أنا قتلتك ، وهو كذلك أنا قتلتك . . وبعدين ؟ عاوزه إيه كمان ؟

(هدوء غريب يسود وجهها . . تتمدد على السرير وتتلاشى من وجهها كل نزعة
عدوانية)

ماجى : بس خليك بنى آدم وساعدنى وبلاش خناق معايا . .

(يترك يدها تسقط على السرير)

وحبنى واقعد جنبى . .

(فيجلس)

وغطينى

(ويغطيها)

وعاوزه أسمع صوت البحر لما كنا بنبوس بعض هنا لكن بعد كده
مش حنسمع صوت البحر . . عاوزاك تشيل كوم الرمل ، ده مش
على قوى . .

كونن : احنا خلاص اتخربنا والكوم ده هو الى مسنود عليه السقف . .

ماجى : طيب انت قول لهم يعملوا سقف جديد قول لهم يشيلوا الكوم
ده . .

كونن : (لا يجب)

ماجى : تعال نام جنبى أنا بردانه . .

كونن : ما اقدرش أعمل ده تانى . . مش وانت بالشكل ده أبداً . .

ماجى : أرجوك بس لحد ما أناام

كونن : يا ماجى كفاية تهزى فيه خلى لي شوية كرامة

ماجى : طيب من باب الشفقة بس . . أنا بردانة

(وينام فوقها ويمسك رأسه بيده . . صمت)

لو بطلت خناق معايا أنا حاتخلص من المحامي التانى . . هيه ؟ . .
أوكى ؟ بس ما تتخانقش معايا . . وعلى فكرة هو ما بيتخانقش
معايا أبداً . . وبطل تقول احنا انتهينا . . وحتعمل إيه فى كوم
الرمل علشان أنا بحب صوت البحر . . البحر ده زى ما يكون أم
كبيرة . .

(ويتبعد عنها وينظر إليها وعيناها مطبقتان) انت حقيقى كويس دلوقت
علشان أنا كللى حب وجنس . .

(وتتنفس بعمق . . ويمد يده ويأخذ الزجاجة)

كونن : ده منتهى التحقير لى . .

ماجى : لكن لو كان لعازر . .

كونن : لكن مش أنا المسيح . . انت مش حقتلينى . . لا يمكن

تقتلينى . . كل اللى انت بتعمله ده علشان تقتلينى . .

ماجى : كذاب . .

كونن : بعد كده مش كذاب . . أنا مش مسئول عن حياتك . .

أنا مسئول عن حياتى بس أنا عاوز الحبوب دى . . حطيمهم فى
إيدى بقى . .

(تنظر إليه محاول أن تبتلع ما فى يدها ويختطف بعض الحبوب ولكنها تبتلع

معظمها ويختطف الزجاجة منها . . بينما هى تشدها ويتنازعانها . . وتقع على

الأرض وتقاومه وتخريشه ومن الغريب أنها تبسم وأنها تضحك)

كونن : ارمى الزجاجة ياكلبة . . انت عاوزة تموتينى

(وتمسك بالزجاجة وتبسم ويرفعها إلى أعلى ويصرخ)

انت عاوزة تموتينى .. انت عاوزة تقتلينى ..
 (ويلقى الزجاجة بعيداً عنه وتظهر الأم ومعهما بعض اللعب فى يديها)
 : افتح الباب يا حبيبى أنا ما باضحكش عليك الأم
 : (يبعد عن ماجى التى تسقط على الأرض .. بينما تمضى الأم دون توقف) كونتن
 : إيه اللى خلاك جبت الميه هنا؟ الأم
 (صوت البحر والأم فى فرح)
 بلاش الميه دى .. أنا حاموت إذا عملت كده .. أنا شفت نجمة
 فى السما نهار ما اتولدت .. نور جديد فى الدنيا ..
 (يقف جامداً فى مكانه عندما يمسك بعنق أمه وتسقط على الأرض محاول أن
 تنفس ويتركها فى رعب)
 : جريمة . كونتن
 (وتتعثر فى الظلام وترفع يديها إلى السماء وتهمس)
 . حاموت .. حاموت .. الأم
 (ويتجه إلى ماجى التى تنهض ويحاول أن يساعدها وتنظر إليه فى سخرية وعيناها
 ترمقانه بشيء من الزهو ومن الخوف)
 : احنا الاتنين عارفين انت حاولت تقتلينى يا حضرة .. أنا قتلونى ماجى
 ناس كثير .. ناس ما اعرفش أساميهم لكن هيه نفس الحكاية
 يا حضرة .. انت فى آخر صف طويل .. طويل بصراحة ..
 (يحاول أن يساعدها كأنما لم يوجه إليه أى اتهام)
 ابعد عنى .. ابعد عنى .. لا .. لا .. لا أنت مش حتعمل كده
 (فى حرص كأنها تواجه وحشاً مفترساً)

انت ما تعلمش كده والا حانده لك كونتن (وتنادى بهدوء)
كونتن . . كونتن . .

(وتسقط فاقدة الوعي على الأرض وتنفس بعمق ويتجه إليها ويقبلها في بطنها
ويقوم بعملية تنفس صناعي وفي اللحظة التي بدأ فيها ذلك ينادى)
كونتن : كارى . . كارى . . كارى .

(تظهر كارى متأثرة جدا كأنه الوداع الأخير) بسرعة اطلبي الإسعاف
(كارى تخرج بسرعة وتظهر فليس وتبقى وراءها) . .
وأنقذناها . . وكان في الوقت المناسب . . المناسب لها هي . .
مش في الوقت المناسب لى أنا . . وتانى يوم لميت هدومى . .
والدكتور بتاعها قال لى إنها حتعيش كمان كام شهر . . وتصور
إن الدكتور ده اعتقد في وقت من الأوقات إنها حتعيش . . الله
أعلم . . إلا إذا كان هو كمان بيعحبها . .

(يكاد يتسم . . تم بصعوبة)

وأنا لاحظت كده . . أول ما بدأنا نتناقش . . أنا عارف إيه اللي
حيحصل بعد كده . . لكن ليه نضيع وقت . . كل ثانية لها
قيمة . . ليه نضيع الوقت في الخناق . . إيه اللي أهم من حياتها
علشان هي تقامر بيها . . ؟

(يظهر البرج ويضئ بوضوح جدا)

شايف سذاجتى ؟ . . علشان تسترد ده كله . . من السهل إنك
ترتكب جريمة . . لكن أنا مش عاوز كده . . أرجوك . .
أنا عاوز كل شىء زى ما كان . . بالضبط زى ما كان . .

(ويتطلع إلى أعلى)

وكل النجوم دى ثابتة فى مكانها . . سعيدة جدا . . وأنا واقف
هناك وهى لحظاتها الغالية جدا ، حية تتحرك فى أيدي زى
الثل . . وسمعت كل حاجة . . سمعتها وهى بتتنفس بعمق . .
أنفاسها زى وقع أقدام لخطوات السلام إلى نفسى . . أنا عارف
إنى عاوز أنفاسها . . وعاوز السلام . . لكن مش عارف ده يبقى
إزاي . . أنا كنت باحب البنت دى . . (لحظة صمت)
والاسم . . حتى الاسم كمان . .

(تظهر لويز شابة فى ملابس المعمل . . ثم بقية شخصيات المسرحية)
وباسم مين انت دورت ظهرك . . باسم مين انت تنكرت . .
(ينظر إلى الجمهور)

تنكرت لاسمك انت ؟ باسم كونتن . . باسمك الملطخ بالدم . .
(تظهر هولجا فى أعلى مستويات المسرح)

هولجا : مفيش حد ساذج ماقتلوهوش

كونتن : لكن الحب . . الحب يكفى ؟ . . ولكن أى حب . . أنا عارف

بس عارف . . إزاي أقدر أقتل . . أنا عارف . . إنها كان لازم
تحصل . . لكن معرفتى دى هل هى العلاج . . ؟

(وينظر إلى البرج . . ويتطلع إليها كأنه إله مخيف)

وهو ده ممكن مش دى حاجة غريبة بالنسبة لأى حد ؟ وأنا مش
لوحدى ومفيش حد . . يرضى أن يعيش لوحده فى المكان ده ؟
بعد ما مات كل الناس اللى كانوا ساكنين فيه . . والعلاج إيه ؟

مين الى ممكن يبق ساذج وبرىء فوق جبل زى ده . . جبل من
الجماجم . . أنا أقول لك إيه الى أنا عارفه . . اخوانا ماتوا هنا . .
(وينظر إلى ماجى التى انهارت) ولكن إخوانى هم الى بنوا البرج
ده . . وقلوبنا هى الى قطعت الحجارة دى . . والعلاج إيه ؟
الحل إيه ؟

(يظهر الأب والأم والأخ دان . . ويظهر «لو» وميكى . . وبقية الممثلين)
لا . . أبداً مش الحب . . أنا حبيتهم كلهم . . كلهم . . واديتهم
كل الفشل وسلمتهم للموت علشان أعيش . . أنا بالضبط زى
ما ادونى وادوا بعض . . الكلمة والنظرة والصدق والكذب . .
وكل ده باسم الحب . . !

هولجا : هالو . .

كونتن : إيه الى حيدافع عنها . . ؟

(ويناديها)

هذه المرأة عندها أمل . . عندها أمل لأنها بتعرف

(وتقف فى مكانها دون حركة)

والبلاد الى اتحرقت علمتها حاجة . . وموت الحب علمنى نفس

الحاجة . . اتعلمت إن الإنسان فى غاية الخطورة . .

(متطلعا إلى الفضاء)

وعشان كده أنا باجى كل يوم زى شاب . . حتى دلوقت . . حتى

دلوقت أقسم لك . . وباقول لنفسى إنى أقدر أحب الدنيا

تانى . . هل المعرفة . . هل العلم هو كل حاجة ؟ إن الواحد

يعرف ؟ ويعرف وهو سعيد ؟ إننا بنتقابل . . . وبتقابل . . . واحنا ملعونين . . . هل ده كل حاجة . . . إن الواحد يعرف إننا بنتقابل مش فى جنينة ثمارها من شمع وأشجارها مرسومة فى جنة عدن . . . لكن بعد كده . . . بعد السقوط من الجنة . . . بعد موت ناس كتير . . . هل يكفى إن الواحد يعرف . . . ؟ هل المعرفة كل حاجة ؟ . . . الرغبة فى القتل . . . الرغبة دى ما تقتلش لسه . . . ولكن بشيء من الشجاعة من الممكن الواحد يواجه الرغبة دى بالتسامح . . . ويتسامح مرة ثانية . . . وثالثة . . . وإلى الأبد . . . ؟ ممكن ده ؟

(ويقاطعه المستمع بالنظر إلى ساعته) حالا مش حتأخر عليك أكثر من كده . . . أشكرك على إنك ادبتنى الوقت ده كله . . . لا . . . مش بالضبط ، ده شعورى . . . لكن يظهر إن اللى باقول عليه ده ممكن . . . ماتخافش . . . يمكن ده كل اللى الواحد يملكه . . . حاقول لها كده . . . أيوه وهيه حتعرف إيه قصدى . . . شكراً وأرجوك إني أشوف بعدين . . . شكراً جزيلاً . . .

(ويتجه إلى أعلى المسرح . . . ويتردد ويواجه كل الممثلين يربلويز ويتوقف . . . ولكنها تدير وجهها بعيداً عنه . . . وتتقدم وتقف إلى جواره ونحنى الأم رأسها فى أسف غير مفهوم وما يمس هو وجهها بيده وتنظر إليه وتبتسم . . . ويقترّب من أبيه وأخيه . . . ويشير إليهما أن يقفا . . . ويقف الاثنان فى مكانهما وتظهر فليس وتكاد تلوح بيديها له . . . ويصافحها . . . ويقف «لو» ومعه ميكى متجاورين . . . وينظر إليهما . . . ولكن أحداً لا يلتفت إليه ولكنها يمشيان وراءه . . . ثم يصل إلى

ماجى التى تحاول أن تنهض من الأرض . . لعلها تستيقظ . . ثم يصعد إلى هولجا
التي ترفع يدها كأنها تراه وفي حب عميق . .)
هالو . . : هولجا

(ويقف على مقربة منها ويهمس إلى الممثلين ويواجهها ويتجه إليها وهو يمد
ذراعه . .)
هالو . . : كونتن

ويظلم المسرح كله
« ستار »